

FAMANTARANA MARINA

IRAY IZAY NOTSINONTSINOAVINA

 ...mivory izao maraina izao amin'ny Anaran'ny Tompo Jesosy, ary rehefa avy nivavaka betsaka. Ary aninkeo maraina, dia tsy nifoha aloha be aho. Somary tara aho, teo am-pifohazana, ary atao ko fa ny olona rehetra dia mahafantatra hoe nahoana izany, izao ankehitriny izao.

² Nody aho, indray maraina, na indray hariva, ary nitsangana teo an-tokotany ny mpifanolo-bodirindrina amiko, izy sy ny zananivavy kely. Ny vadiny dia mpampivelona ao amin'ny efitrano fiterahana any amin'ny hopitaly. Noho izany izy dia nanana te-tehina iray teny an-tànany, saiky *izao* ny halavany, miaraka amin'ny-andalan-teny kely iray teo aminy, ribà anankiray, ary zavatra kely iray nanao hoe, "Dadabe Branham tamin'ny, mino aho, eo amin'ny 3:43 na 4:43 izao, ny faha-11 Oktobra." Avy eo, nisy fonon-teny goavana be teo amin'ny farany, nanao hoe, "Ianao dia antitra kokoa noho izay eritreretinao." Noho izany dia manana zò ara-dalàna aho ankehitriny ny hiala sasatra elaela kely amin'ny maraina. Marina ve izany, Rahalahy Wright, rehefa ianao-rehefa lasa dadabe iray ianao?

³ Ary noho izany dia heveriko fa karazana fialan-tsiny izany ho ahy, amin'izay fotoana izay, Ranabavy Kidd, aninkeo maraina, ny tsy nifoha rehefa nandalo avy any Ohio ianao. Azoko antoka fa mahatsapa antitra kokoa eo amin'ny folo taona eo aho, heveriko, na izany aza, taorian'izany. Saingy, araka ny fantatrareo rehetra fa manana zafikely iray aho eto, eo amin'ny fito na valo livatra eo, zavatra tahaka an'izany, ilay ankizy kely ratsy tarehy indrindra hany hitako. Hoy izy hoe, "Mitovy amin'ny raibeny mihitsy izy." Noho izany... Ary vao avy njery aho hoe lasa aiza izy, lasa aiza Billy.

⁴ Noho izany, omaly hariva, nidina teo amin'ny lâlantsara aho, rehefa avy nanao an'ireo antsoko, dia nihaona tamin'ny vondron'ireo sakaiza mahatoky avy any Georgia sy ny manodidina aho, ary tany ivelany izahay rehetra njery an'ireo ankizy kely. Ary mahafatifaty izy ireo. Ankehitriny, izy ireo fotsiny... Izaho dia nahatsapa zavatra tahaka an'izao foana hoe, "Billy, ianao dia matahotra fa hanapaka azy ireo, fantatrao. Kely loatra izy ireo." Ary mino aho fa Ranabavy Beeler no nilaza hoe... Izaho taloha dia nieritreritra... Nieritreritra an'izany ihany koa izy taloha, saingy, avy eo, dia hitany fa tsy mora

tapaka loatra izy ireo. Noho izany, mieritreritra aho fa saiky marina izany.

⁵ Omaly tolakandro aho dia nanana tombontsoa nankany an-tranon'ny anankiray amin'ireo anabavintsika eto amin'ny fiangonana, ny tranon'ny zananivavy; ary mieritreritra aho fa eto amin'ny fiangonana ihany koa izy, izay nananan'izy ireo sakafotra hariva kelin'ny tsingerintaona nahaterahana ho an-dRahalahy Neville. Ary nihoatra mari-dàlana hafa iray izy omaly. Ary noho izany isika dia hiteny amin-dRahalahy Neville hoe, "Tratry ny tsingerintaona nahaterahana tena sambatra," ny tsirairay avy amintsika, satria izy dia rahalahy iray tena mahafinaritra. Ary, mazava ho azy, vao avy nihoatra ny dimy amby roapolo taona izy, kely fotsiny, noho izany dia tahaka ahy. Ary noho izany izahay dia vao avy nihoatra an'izany, fanindroany. Izany dia... Ankehitriny izany dia mahalasa ho lehilahy antitra, rehefa hihoa tra fanindroany an'io marika io ianareo, fantatrareo.

⁶ Tsaroako ilay maraina izay nahatongavan'i Frankie Weber teto. Ary izy dia mpifanolo-bodirindrina tao ambadikay teto; ny zananivavy no mipetraka ao ankehitriny. Izy dia any Florida. Ary izaho sy Frankie dia niara-nandeha tany an-tsekoly. Ary nanome ny fanatiry ny tsingerintaona nahaterahany i Frankie. Ary efa nitory teny saiky telo na efa-taona teo aho tamin'izany. Izaho no nitarika an'i Frankie teo amin'ny Tompo Jesosy. Ary nanome dimy amby roapolo cents izy. Heveriko fa izaho dia roa amby roapolo taona. Ary nanome dimy amby roapolo cents izy. Nieritreritra aho hoe, "Oh, oadray, ny tianao ho lazaina amiko ve dia hoe dimy amby roapolo taona i Frankie Weber? Fioo! Oadray, matahotra an'ilay fotoana izay haha-dimy amby roapolo taona ahy aho." Ankehitriny aho dia miomana ny hiditra ao amin'ny telo amin'izy ireo, noho izany, tsy ho ela. Noho izany ilay izy—tsy ho ela mihitsy ilay izy dia handalo.

⁷ Rehefa mijery eto aho ary mahita an-dRahalahy sy Ranabavy Kidd ao amin'ny faha-valopolo taonany nefy mbola matanjaka foana, dia mieritreritra aho hoe, "Tompo Jesosy, mamelà ahy nohon'ny fitarainana, ny amin'ny roa amby dimampolo taona." Ary izy ireo... Valopolo taona ianao, ary i Rahalahy Kidd dia iraika amby valopolo taona. Marina ve izany? Iraika amby valopolo taona. Ary mbola ao anatin'ny asam-panompoana foana izy ireo. Teneniko aminareo, izany dia manome antsika herim-po, sa tsy izany? Manome marina tokoa izany. Tsara amintsika marina tokoa ny Tompo.

⁸ Ankehitriny, zavatra ratsy anankiray ihany no hatahorako, eo am-panaovana favoriana maraina eto, ary izany dia... Izany dia mampahatahotra, toy ny hoe zavatra tena manalabaraka ho lazaina. Fa manana skaiza marobe aho izay tonga, avy lavitra, ho—ho an'ny favoriana.

Tsy mahita an'ireo Evans aho eto, saingy eto izy ireo any ho any, neveriko. Tsy diso amin'ny anankiray mihitsy izy ireo. Ary fantatrareo ve hoe maily firy no hamilin'izy ireo fiara isaky ny Alahady mba handre ny toriteny? Telonjato sy arivo maily. Tsy afaka manao an'ilay dia latsaky ny enimpolo hatramin'ny fitopolo dolara isan-kerinandro izy ireo, mba handehanana aty am-piangonana, marina izany, ny fotoana hahatongavan'izy ireo eto miaraka amin'ny fianakaviany, manontolo, mandeha eto, mandoa.

⁹ Ankehitriny, tsy izany ihany, fa misy rahalahy kely iray eto avy any Alabama, mamily fiara saiky ilay elanelana iray ihany isan-kerinandro. Rahalahy...Oh, oadray! Rahalahy "Welt"? [Hoy ny rahalahy iray hoe, "West."—Mpand.] West. Izaho...Izy dia toy ny zazalahy iray, ho ahy. Izy dia—ray iray izy, manana andiana zanaka. Saingy izy fotsiny dia mampahatsiahy ahy foana, toa tena tanora izy, izy sy ny vadiny. Rahalahy West.

¹⁰ Rahalahy sy Ranabavy Palmer mipetraka etsy aoriana etsy, avy any ambanin'i Macon, Georgia.

Ary—ary Ranabavy Ungren, eto izy ireo mazàna, avy any Memphis, Tennessee. Eto ve izy ireo izao maraina izao? Izaho—izaho...Eto izy ireo mazàna. Ranabavy Ungren sy—sy ilay vondrona avy any Memphis, Tennessee, iry, hia, eny amin'ny farany aoriana iry.

Ary misy an'ireo hafa. Izaho fotsiny...Izy ireo dia maro fotsiny, mba antsoina. Ny sasany amin'izy ireo, dia avy any Kentucky atsimo. Ny sasany, avy any amin'ny manodidina an'i Chicago. Ary ny sasany avy any Chicago, sy any ambonin'i Chicago, manodidina.

¹¹ Tamin'ny Alahady, dia azoko fa nisy lehilahy iray teto avy tany California tany, tsy maintsy nijanona kely fotsiny izy; te-hahita ahy. Mazava ho azy, maika aho, taorian'ny favoriana. Ary niverina ilay lehilahy, nefy tsy nahita azy aho.

Ny anankiray hafa dia avy tany Illinois, tany ho any. Raha eto io lehilahy io izao maraina izao, izany no paoma matsiro tsara indrindra izay hany nohaniko. Ary nitondra paoma iray kesika ho ahy izy ireo.

Ary iray amin'ireo rahalahy avy any Georgia, mino aho fa izay ilay izy, na any ho any, no nitondra fonosana pacane goavana be iray, saiky *izao* ny habeny, mifono taratasy manify. Ary, oh, afaka mihinana azy ireo marina tokoa aho!

¹² Izao ankehitriny izao, izaho dia, mazava ho azy, tsy mihinana an'ireo sakafotsiny amin'izao andro izao, efa tsy nihinana hatramin'ny nahalasan'an'ny reniko. Mitady ny Tompo aho ho an'ny—ny fahitana vaovao iray. Mihinana an'ireo zavatra malemilemy fotsiny, ary arak'izay izaho...kely izay ahafahako miaina fotsiny; nahavery lanja roapolo livatra. Izany dia...

Ankehitriny, tsy mifady hanina aho. Izaho tsy...tsia. Izany, ny manao an'izany fotsiny, tsy izany no manome azy ho an'ny Tompo. Tianareo ny hanome ho an'ny Tompo ny tsara indrindranareo izay anananareo. Tsy ny...

¹³ Sendra nahita an-dRahalahy Sumner sy izy ireo ery aoriana ery ihany koa aho. Misy betsaka mihitsy. Izaho...

Tahaka ny, tamin'ny Alahady lasa, nanonona an'ireo olona aho izay—izay nikarakara an'i mama, sy ny sisa. Ary nisy anabavy iray tena nahatoky teo. Adinoko ny nanonona ny anaran'io vehivavy io. Ankehitriny, raha eto izy izao maraina izao, dia miala tsiny aho. Ny iray tamin'izy ireo dia Ranabavy Beeler, ary ilay iray hafa dia Ranabavy sy Rahalahy Steffy. Ary tena betsaka! Izaho...

¹⁴ Ianareo rehetra dia mahafantatra tsara mihitsy mba hahafantatra fa tsy fanahy iniako izany, rehefa manadino anarana iray aho na manadino olona iray. Mahatoky toy ny ahoana izy rehetra ireo! Ary matetika mipetraka eto fotsiny, dia hanonona olona iray aho izay tonga ato an-tsaiko fotsiny. Saingy izaho... Ho an'izany, ny tiako lazaina dia ilay vondrona manontolo, ny olona rehetra, hitanareo, tena mahafinaritra fotsiny ilay izy. Ary noho izany, ny olona rehetra, dia maha-te-ho tia, tsara fanahy taminay. Ary azo antoka fa mankasitraka an'izany izayah.

¹⁵ Ary ankehitriny, izao maraina izao, dia hiezaka hanatona ny Tenin'Andriamanitra indray isika. Ankehitriny, tiako ny hanao an'ity filazana ity, mba ho tena mazava ilay izy, hoe izaho—izaho dia tsy tonga ao amin'ny favoriana iray mihitsy mba ho hita fotsiny. Tsy tonga eo aho mba hilaza fotsiny hoe, “Eny, tiako angamba ny hivavaka amin'ny Tompo mba hanome ahy ny—ny Hafatra iray izay hanao ny olona hahatsapa ho tsara fotsiny sy hikiakiaka.” Efa nanana betsaka an'izany isika, saingy, ary mankasitraka an'izany isika. Mety tsara izany. Hitanareo? Mahafinaritra izany. Hitanareo? Saingy ny tiako ho fantatra, dia, “Tompo, Ianao no mitarika ny fisainako ao amin'ny zavatra iray izay ho fanampiana ho an'ny olona, izay hametraka azy ireo akaiky kokoa an'Andriamanitra, izay ho—izay ho—izay hanao zavatra ho azy ireo.” Izany, tsy ny hanorina azy ireo loatra ara-panahy, fa ny hanorina azy ireo ao amin'ny fahalalana sy ny fananaran'Andriamanitra, mba hahafantaran'izy ireo hoe ahoana no hitsanganana rehefa tonga ny fahavalo.

¹⁶ Niresaka tamin'ny anabavy iray aho izay nitsidika teto tamin'ity herinandro ity, Ranabavy Palmer. Nilaza izy, te-hahafantatra hoe ahoana no mba nipetrahako teto amin'ity firenena ity. Izany dia, tonga eto fotsiny ianareo, ary, hia, isaky ny tonga eo amin'ilay lohasaha aho dia lasa marary vantany vao tonga. Tena tsy mahasalama fotsiny ao amin'ilay

lohasaha eto. Fantatsika izany. Saingy manana zanaka betsaka Andriamanitra eto. Ary noho izany indray andro any . . .

¹⁷ Mitady ny Tompo aho ankehitriny, mba hahita Hafatra iray tena mivantana avy amin'Andriamanitra. Hitanareo? Ary izany, nohon'ny fanampian'Andriamanitra, mikasa aho ny hihazona mandra-Pihaviny, mandra-Panaony filazana iray ho ahy. Satria tsapako fa tokony hisy . . . Misy zavatra izay vonona ny hitranga manodidina eto, ary tiako ho fantatra hoe inona ilay izy. Tiako ny hahafantatra mivantana avy amin'Andriamanitra, mba ahafahako milaza fa izany no HOY NY TOMPO HOE. Hitanareo? Ary amin'izay fotoana izay—amin'izay fotoana izay ianareo dia afaka, ianareo, ny olona, amin'izay fotoana izay dia hahafantatra fa ilay izy—ilay izy dia tsy izaho. Noho izany, dia tiako ny hanao an'ilay izy tahaka an'izany, mba, na, handre avy Aminy aloha.

¹⁸ Satria, raha mametraka an'Ireo Teniny Izy ao—ao amin'ny olona iray, eny, amin'izay fotoana izay dia tsy ilay olona intsony izany; Izy izany. Noho izany raha milaza an'ilay izy ilay olona, amin'ny tenany, amin'izay fotoana izay dia tsy hitontaly na inona na inona izany na ahoana na ahoana. Fa raha Izy no, ny Tenin'ny Tompo, no ao amin'ilay olona, dia hivoaka Izany, ary amin'izay fotoana izay ilay izy dia ho—ho marina mihitsy tokoa ilay izy. Izany no nanirahana antsika ao amin'ny Baiboly, any amin'ny toko faha-20-n'ny Deoteronomia, mino aho, Izao no voalaza, hia, "Miambena, fa raha miteny amin'ny Anaran'ny Tompo ny anankiray, ka tsy miseho izany, amin'izay fotoana izay dia aza miraharaha an'izany olona izany." Hitanareo? "Fa raha miteny an'izany izy ireo ka miseho ilay izy, amin'izay fotoana izay dia tsaratsara kokoa aminareo ny mihaino azy," hitanareo, "satria avy amin'Andriamanitra izany."

¹⁹ Izany no ataon'Andriamanitra. Nametraka ny Fandaharany mahazatra Izy ato amin'ny Baiboly. Fantatsika hoe ahoana no famaky an'izany. Fa misy zavatra sasantsasany, izay—izay ho an'ilay Fiagonana sy ho an'ilay fotoana sy ny sisa, izay tsy Nosoratany ato amin'ny Baiboly, noho izany dia mametraka Ny Feony ao amin'ny olona iray Izy ary izy ireo no miteny an'Izany, hitanareo, miteny an'Izany. Koa, noho izany, ny fomba hitsarana an'io olona io dia ny mahita raha mitranga arak'izay ilazan'izy ireo azy ilay izy. Noho izany, raha mitranga ilay izy, avy eo dia mitohy mitranga tahaka an'izany, eny, amin'izay fotoana izay dia fantatsika fa avy amin'ny Tompo izany. Amin'izay fotoana izay isika—amin'izay fotoana izay dia manana fahatokiana isika, arak'izany, ny ho vonona ho an'ireo zavatra izay ho avy.

²⁰ Tiako ny hamaky toerana roa na telo ao amin'ny Soratra izao maraina izao. Ary ny tiako ny hamaky, voalohany, avy ao amin'ny Bokin'ny Eksodosy, ary mino aho fa eo amin'ny toko faha-4-n'ny—ny Eksodosy, eo am-panombohana.

²¹ Ary ankehitriny dia mety hilaza aho raha mbola mivonona ny hamaky an'ireo Soratra ireo ianareo, mety hilaza an'izay tiako resahina aminareo aho, izay napetraky ny Tompo ao am-poko mba ho resahana, izao maraina izao. Tsy fantattro izay Hataony amin'izany, ho an'ny olona; angamba hivantana amin'ny olona anankiray eto, angamba olona iray any amin'ny toeram-pihainoana horonam-peo, any an-kafa any ho any. Fa tiako ny hilaza, izao maraina izao . . .

²² Heveriko, tamin'ny Alahady lasa maraina, dia nitory aho teo amin'ny *Vavolombelona Marina Iray*. Ary amin'ity Alahady maraina ity, raha sitrakys ny Tompo, dia tiako ny hitory eo amin'ny *Famantarana Marina Iray Izay Notsinontsinoavina*.

²³ Izaho . . . Niteny tamiko Rahalahy Palmer, omaly hariva, fa tamin'ny Alahady lasa maraina dia niresaka aho teo amin'ny lohahevitra . . . na nilaza fa hiresaka aho, amin'ity Alahady ity, eo amin'ny hoe "Ireo fihaonana efatr'ilay Fiagonana." Ary rehefa lasa aho omaly hariva . . . Mazàna dia raisiko naoty ilay izy. Izay . . . Tsy fantattro na tsy maintsy hanao an'izany ianareo na tsia. Fa manana zavatra maro be aho, miezaka ny hieritreritra. Mahazo zavatra iray aho, tsy maintsy mandray naoty an'izany eo amin'ny singan-taratasy iray aho. Hitancareo? Ary nandeha aho njery an'izany, ary izay tiako nolazaina dia tsy ireo fihaonana efatra marina loatra. Nolazaiko tahaka an'izany ilay izy, marina tokoa. Fa ny tiako nolazaina, dia, "Ireo endrika efatry ny fitantanana an'ilay Fiagonana." Ary mba hanaovana an'izany, dia tsy maintsy manangona tantara betsaka hiaraka aho. Ary angamba amin'ny manaraka dia ho azoko izany. Fa mila fotoana kely amboniny noho izay nananako izany, fotoana fianarana, mba hahazoana azy, satria tsy maintsy miverina ianareo ary maka an'ireo daty, sy ny sisa.

Satria, ianareo rehetra, ny rehetra dia mahazo fa hatraiza hatraiza izany. Nahoana, tantsika ny hahazo antoka pozitifa an'ireo zavatra ireo alohan'ny ilazantsika azy ireo. Tsy maintsy marina izy ireo. Satria, mitsangana eto isika, manao an'ilay asa ambony indrindra izay atao eto amin'izao tontolo izao: asam-panompoana iray. Asam-panompoana iray, ary ilay mahatoky sy marina indrindra, mahitsy, tsy maintsy ho tahaka an'izany isika. Tsy maintsy miankina amin'Andriamanitra isika mba hanao an'izany.

Ankehitriny, ao amin'ny Bokin'ny Eksodosy, ny toko faha-4:

Ary namaly i Mosesy ka nanao hoe, . . . indro, tsy hino ahy izy ireo, na hihaino ny feoko: fa izy ireo dia hanao hoe, Ny TOMPO dia tsy niseho taminao.

Ary hoy ny TOMPO taminy hoe, Inona iny an-tànanao iny? Dia hoy izy hoe, Tehina iray.

Ary hoy izy hoe, Atsipazo amin'ny tany iny. Dia natsipiny tamin'ny tany izany, ary tonga menarana iray; dia nandositra teo anoloan'izany i Mosesy.

Ary hoy ny TOMPO tamin'i Mosesy hoe, Ahinjiro ny tànanaao, ka raiso amin'ny rambony io. Dia naninjitra ny tânany izy, ka nandray azy, ary lasa tehina iray teny an-tânany izany:

Mba hinoan'izy ireo fa ny TOMPO Andriamaniry ny razany, ny Andriamanitr'i Abrahama, ny Andriamanitr'i Isaka, ary ny Andriamanitr'i Jakoba, no niseho taminao.

Ary hoy koa ny TOMPO taminy hoe, Atsofohy ao an-tratranao ny tànanaao ankehitriny. Dia natsofony tao an-tratrany ny tânany: ary rehefa avy notsoahany izany, indro, lasa boka tahaka ny oram-panala ny tânany.

Dia hoy izy hoe, Atsofohy ao amin'ny tratranao indray ny tânanaao. Dia natsofony tao an-tratrany indray ny tânany; ary notsoahany avy tao an-tratrany izany, dia, indro, fa efa niverina tahaka ny hodiny hafa izany.

Ary izao no hiseho, raha tsy hino anao izy ireo, na tsy hihaino ny feon'ny famantarana voalohany, dia hino ny feon'ny famantarana manaraka izy ireo.

Mariho ireo famantarana roa, ary ny... ny famantarana tsirairay dia nanana feo iray. Mamelà ahy hamaky ny andininy faha-8 indray:

Ary izao no hiseho, raha tsy hino anao izy ireo, na tsy hihaino ny feon'ny famantarana voalohany, dia hino ny feon'ny famantarana manaraka izy ireo.

Ary izao no hiseho, raha tsy hino ar'ireo famantarana roa ireo koa izy ireo, na tsy hihaino ny feonao, ianao dia haka rano avy amin'ny renirano, ary araraho izany eo amin'ny... tany maina: ary ny rano izay alainao avy amin'ny renirano dia ho lasa rà eo amin'ny tany maina.

²⁴ Ary ankehitriny ao amin'ny Masindahy Jaona, ny toko faha-1 ary ny andininy faha-6, mamaky an'ireo andininy isika, na ity andininy ity. Masindahy Jaona, ny toko faha-1 ary ny andininy faha-6. Ary...

Nisy lehilahy iray nirahin'Andriamanitra, ny anarany dia Jaona.

... lehilahy iray nirahin'Andriamanitra, ny anarany dia Jaona.

²⁵ Ary ao amin'ny Ezekiela 24:24, maniry aho ny hampiditra an'ity Soratra ity, mamatotra azy manomboka amin'ny Testamenta Taloha, hatrany amin'ireo mpaminany, hatrany amin'ny Testamenta Vaovao; mba hahazoanareo fa manerana ny

rehetra ilay izy, manomboka amin'ny Eksodosy, ny fiandohana hatramin'ny fiafarana.

*Ary Ezekiel dia ho famantarana iray ho anareo:
arak'izay rehetra nataony no hataonareo: ary rehefa
ho tonga izany, dia ho fantatrareo fa izaho no Tompo
ANDRIAMANITRA.*

Ndao isika ankehitriny hanondrika ny lohantsika vetylety fotsiny raha manatona Azy am-panajana isika ankehitriny ao amin'ny vavaka.

²⁶ Andriamanitra Ray, tonga izahay amin'ny Anaran'ny Andriamanitr'i Abrahama, Isaka, ary Jakoba: Jesosy Kristy, ilay marina. Tonga izahay, mahafantatra fa hihaino anay Izy, satria tsy tonga tahaka ny olona iray izay niditra tao amin'ny tranobe fotsiny izahay, fa tonga am-pahasahiana miaraka amin'ny finoana izahay, mino fa izay Nampanantenainy, dia Hataony. Noho izany dia mangataka izahay, androany, Tompo, mba Handraisanao ny tsirairay avy aminay izay manatrika, manomboka avy eo amin'ny polipitra hatrany amin'ny faran'ny tranobe, manerana an'ireo lâlantsara rehetra, ka hanokatra ny fo tsirairay ary hamora ny fandrenesanay, mba hivoahan'ny Tenin'ilay Andriamanitra velona avy any An-danitra, izao maraina izao, ka handraraka an'izany ao am-ponay, mba ahafahanay hino, raha mandre ny Tenin'ny Tompo izahay sy arak'izay efa novakiana taminay teo amin'ny sofinay izao maraina izao. Ary misaotra Anao izahay ny amin'Ny Teninao. Ny Teninao no Fahamarinana.

²⁷ Ary ankehitriny, raha mahita an'ireo ora ratsy manatona izahay, miangona eny amin'ny lanitra ny fahatezeran'Andriamanitra rehetra. Ary saiky amin'ny fotoana rehetra dia mety hisy zavatra hitranga amin'ity firenena izay nandao Anao ity, ka hisy fipoahana lehibe anankiray izay hanaisotra an'ilay firenena manontolo hiala ao amin'ny sarintanin'izao tontolo izao, miaraka amin'ireo fandrahonana aorian'izany, avy amin'ny firenena tsy masina iray izay mitebiteby hanao an'izany. Ary mahafantatra fa, raha tokony hanakaiky an'Andriamanitra, dia toy ny manalavitra kokoa izy ireo. Mahafantatra fa ny Bokin'ny Apokalypsy sy manerana ny Soratra rehetra dia efa nilaza mialoha an'ity andro ity, noho izany dia mamelà anay handray ny fampitandremana, Tompo, tsy ho kamo ka hitsilailay hatory, arak'izay naaha-izy azy. Enga anie izahay hifoha ka hanetsiketsika ny tenanay.

²⁸ Enga anie izahay hahazo fahazoana, androany, toy ny tsy mbola nanananay tany aloha mihitsy. Enga anie tena hirehitra ny fonay, aorian'ity andro ity, ka hisy afo iray hirehitra ao anatin'ny fanahinay izay hiparitaka manerana an'ity firenena ity, Tompo, ary fijoroana vavolombelona velona iray na aiza na aiza misy anay.

²⁹ Tahio ny marary sy ny ory, ireo izay manana ilaina, ny eto afovoanay na ny any ivelanay, ireo Vahoakanao, hatraiza hatraiza.

³⁰ Tahio Ny Teninao, Tompo. Amasino ny Mpanomponao, sy ireo Mpanomponao izay mihaino, ka, miaraka, dia enga anie izahay ho entina eo amin'ny fahalalana akaiky kokoa ny amin'ny Fisehoany, noho izay hany teo amin'ny fiainana tany aloha. Tsy hoe mivavaka fotsiny ho an'ireto izay manatrika ireto ihany aho, fa ho an'ireo izay hihaino ny horonam-peo manerana an'izao tontolo izao, mba hahatonga azy ireo ho tafiditra ao amin'ilay Fianganon'Andriamanitra velona. Satria fantatray fa fomba tokana ihany no ahafahanay ho lasa mambra iray an'io Fianganana io, izany dia amin'ny alàlan'ny fahaterahana avy amin'ny Fanahy, amin'izay fotoana izay dia atao batisa amin'ny Fanahy iray izahay ao amin'ny Vatana iray. Mivavaka aho, Andriamanitra, ho an'ny tsirairay avy amin'ireo manerana an'izao tontolo izao, mba Handraisanao ny voninahitra ho an'ny Tenanao. Ary enga anie izahay mba tena hanomana ny fanahinay, ka amin'ny antsoantsosy iray manerana an'izao tontolo izao, dia afaka hikiakiaka izahay hoe, "Eny tokoa, avia, Tompo Jesosy." Mivavaka an'izao amin'ny Anaran'i Jesosy Kristy izahay. Amena.

³¹ *Famantarana Marina Iray Izay Notsinontsinoavina*. Efa nitady famantarana ny olona, hatrany amin'i Farao ka hatramin'izao andro izao.

Ary Jesosy dia niteny tamintsika ny amin'ny—ny fotoana iray izay hisian'ireo mpitady famantarana, ka nilaza, hoe, "Ny taranaka ratsy fanahy, mpijangajanga dia hitady famantarana. Fa, kanefa, hahazo famantarana iray izy ireo." Ary tsy maintsy nahazo famantarana iray an'ny fitsanganana io taranaka io; izay taranaka iray halemy, ratsy fanahy, ary mpijangajanga dia homena famantarana iray an'ny fitsanganana.

³² Fa arak'ity Soratra izay mipetraka eto anoloantsika ity, ao amin'ny Ezekiela ny toko faha-24 ary ny andininy faha-24, ity mpaminany ity dia natao ho famantarana iray. Ary izany ilay famantarana izay iriako resahina.

³³ Ity lehilahy ity dia natao ho famantarana iray ho an'ny Isirael. Ary nanerana ny Soratra rehetra, dia nampiasa an'ireo Mpaminaniny ho famantarana Andriamanitra. Ary notsinontsinoavina foana izy ireo. Toy ny hoe tsy azon'izy ireo mihitsy io famantarana io. Mitady famantarana iray an'ny fientanam-po foana izy ireo.

Na dia ireo Fariseo tamin'ny andron'i Jesosy aza, dia nanao hoe, "Anehojy famantarana iray avy any An-danitra izahay."

³⁴ Saingy nitodika tamin'izy ireo Jesosy fa hahazo famantarana iray izy ireo. "Efa nahazo famantarana iray ianareo." Hoy Izzy,

“Afaka mamantatra ny lanitra ianareo. Afaka mijery an’izany famantarana izany ianareo. Hoy ianareo hoe, ‘Raha mena izy, manjombona, dia ho ratsy ny andro rahampitso.’”

³⁵ Raha njery famantarana iray izy ireo, dia ho njery Azy, ka nahafantatra fa Izy no famantaran’Andriamanitra ho azy ireo; satria ireo faminanian’izy ireo mikasika Azy dia efa tanteraka teo anoloan’ny mason’izy ireo. Nefa mbola nitady famantarana iray foana izy ireo.

³⁶ Hafahafa toy ny ahoana ny hanaovan’ny olona an’izany, hoe hitady famantarana iray nefo misy famantarana iray mihtisy miaraka amin’izy ireo, eo anivon’izy ireo mihtisy. Ankehitriny, tao anatin’io toerana io i Israely.

³⁷ Ary matetika dia mahagaga ilay fampijaliana izay tsy maintsy handalovan’io famantarana io; ny fampijaliana izay nandalovan’i Jesosy, mba hanaporofa an’ilay famantaran’Andriamanitra, hoe Izy no Mesia.

³⁸ Hitantsika eto, ity mpaminany tanora amin’ny anarana hoe Ezekiela ity dia lasa famantarana iray tsy ankitsahatra, isan’andro. Toy ny ahoana no nampijaliany ny tenany! Eo amin’ny toerana iray eto dia hitantsika izay nandriany tamin’ny ilany ankavia nandrity ny sivifolo sy telonjato andro. Niteny taminy Andriamanitra mba haka tsaramaso vitsivitsy sy voamaina vitsivitsy, hametraka an’izany miaraka, hahandro an’izany, ary handry amin’ny ilany. Ary nandeha nandry teo ambonin’ny taila iray, ka nandry tamin’ny ilany ankavia, fotsiny ihany; tsy mivadika, nandrity ny sivifolo sy telonjato andro. Eritrereto izany. Ary avy eo dia nanao hoe, “Mivadiha amin’ny ilany ankavanana ka mandria eo mandritry ny efapolo andro indray.”

³⁹ Ary nilaza Izy eto hoe, “Ny hitanao, ry Ezekiela,” nanao hoe, “dia satria mitondra ny heloky ny olona ianao, ny andro tsirairay dia Hisaiko taona iray ho azy ireo.” Satria, izany, ny andro tsirairay izay nandriany teo, izany dia nidika taona iray izay hahalasa azy ireo any amin’ny fabababoana, ary mba hahatsiarovan’Andriamanitra ny helok’izy ireo, ka tsy hihaino ny vavak’izy ireo intsony Andriamanitra.

⁴⁰ Fa ilay fampijaliana izay tsy maintsy nandalovan’io lehilahy io, nahoana no nilaina izany? Maro no nanontany, hoe nahoana no ilaina hataon’ny olona iray ny zavatra tahaka an’izany. Izany dia satria tsy hamaky ny Teny io vahoaka io, ary tsy hivavaka izy ireo. Noho izany, Andriamanitra dia masi-mandidy, ary maniraka ny Mpaminaniny ho famantarana iray Izy. Tsy hamaky ny olona. Tsy miraharaha ny hamaky izy ireo. Ary tsy hivavaka izy ireo, satria izy ireo dia tena loatra... manana zavatra hafa hatao izy ireo. Tsy afaka maka fotoana hivavahana izy ireo. Ary fahasorenana ho azy ireo ny Baiboly. Izy dia tsy manana hetsika betsaka ho an’ireto andro moderina ireto, na ireo andro rehetra.

⁴¹ Fantatrareo, mino aho fa i Paoly no nanao hoe, “Ianareo dia epistilin’Andriamanitra, vakian’ny olona rehetra.” Mampiasa olona ho famantarana Andriamanitra, mba haneho an’ireo Famantarany. Ary matetika io famantarana io, ary isan’andro, saiky, raha tsy hoe miaraka amin’ilay vahoaka voafidy ilay izy, io famantarana io dia tsinontsinoavina sy kianina, esoina, lavina.

⁴² Ary noheverina, na dia ao amin’ny Testamenta Taloha aza, tamin’ny andron’ireo mpaminany, dia noheverina ho olona mikorontana ara-tsaina izy ireo. Nihevitra izy ireo fa marary saina ireo mpaminany ireo, hoe misy zavatra tsy mety ao amin’ny sain’izy ireo. Ary mahita azy ireo tonga avy any an-efitra izy ireo ka—ka manao famantarana, ary avy eo dia miverina mankany an-efitra indray. Ary naneso azy ireny izy ireo, satria tsy fantatr’izy ireo ny Soratra.

⁴³ Niteny tamin’ireo Fariseo Jesosy, indray mandeha, mikasika ny fitsanganana. Hoy izy ireo hoe, “Izahay nanana ny... Ny lalàna dia milaza fa raha maty ny rahalahy iray ka mamela vady iray tsy—tsy manana zanaka aminy, dia tsy maintsy alain’ilay rahalahiny io vady io ary manangana zanaka ho azy, ilay maty.” Ary hoy izy ireo, “Nanana anankiray izahay izay nanana rahalahy fito. Ary naka vady iray ilay anankiray voalohany, ary maty izy, tsy namela taranaka. Ary avy eo dia nalain’ny rahalahiny izy, ary avy eo dia maty izy; ary nitohy hatrany amin’ilay fahafito. Ary farany dia maty ilay vehivavy.” Hoy izy ireo, “Ankehitriny, ao amin’ny fitsanganana,” hoy izy ireo, “ankehitriny, ho vadin’iza izy, amin’ireo fito ireo?”

⁴⁴ Oh, tiako ity Teny ity! Hoy Jesosy hoe, “Manao fahadisoana foana ianareo, tsy mahafantatra na ny Soratra na ny herin’Andriamanitra.” Oh, toy ny ahoana no ho Nirehetany androany raha nitsangana teto Izy! “Manao fahadisoana foana ianareo, tsy mahafantatra na ny Soratra na ny herin’Andriamanitra.” Ny herin’Andriamanitra dia mikambana amin’ny Soratra. “Manao fahadisoana lehibe ianareo.”

Avy eo dia nanohy Izy nilaza hoe, “Amin’ny fitsanganana dia sady tsy mampaka-bady izy ireo no tsy havoaka hampakarina, fa tahaka ny Anjely izy ireo.” Tsy nilaza Izy hoe ho Anjely izy ireo, ankehitriny, fa ho tahaka ny Anjely izy ireo, hesorina amin’izy ireo ny glandy ara-pananahana. Tsy mampaka-bady izy ireo na avoaka hampakarina.

⁴⁵ Miaina ao amin’ny andron’ny fitondrantena isika...na andro mety maty an’ny fanjakana mety maty. Fa ho avy ny andro iray izay hahatongavan’ny Fanjakana iray tsy mety maty, ary ao amin’io Fanjakana tsy mety maty io no hiainan’ilay navotana. Ireo izay navotana, sy manana... Ny aina izay miala amin’ity vatana ity, mba hiverina amin’ilay Andriamanitra izay nanome azy, dia hiverina indray avy amin’ilay Hazon’Aina, indray andro any, mba hanjaka mandrakizay.

⁴⁶ Ahoana fa ity lehilahy tanora ity, mpaminany tanora, dia nanao sorona sy nanome ny fiaianany manontolo mba ho famantarana iray ho an'ny olony, ny amin'ireo fanasaziana izay ho azon'izy ireo, satria izy ireo no izay hantsointsika hoe "tsy miraika." Tsy te-hanao na inona na inona amin'Andriamanitra izy ireo. Tsy nino an'ireo mpaminany ireo izy ireo, fa naneso azy ireo fotsiny. Ary, fa, ankoatr'izay, ary tsy mampaninona na impiry no tsy nitiavan'izy ireo hino an'izany, dia hitan'Andriamanitra fa manana an'izany izy ireo, na ahoana na ahoana.

⁴⁷ Tsy te-hanaiky i Jezebel fa pasiterany i Ahaba, saingy izany izy. Hitan'Andriamanitra fa nanana an'ilay famantarana izy, na ahoana na ahoana.

Toy izany koa ity firenena ity androany. Ilay Andriamanitra marina sy mahitsy fo, amin'ny alàlan'Ny Teniny, dia tsy afaka hamela na inona na inona, ny amin'izay hitantsika fa vonona hitranga, raha tsy manana famantarana iray any ho any. Nanana an'izany foana Izy. Ankehitriny, dia tokony hitady an'izany isika. Ary azoko antoka fa ireo olona izay manana fahazoana tsara ny Soratra dia mahafantatra hoe ahoana no hijerena.

⁴⁸ Noa dia famantarana iray tamin'ny androny, ho an'ireo olona, ny amin'ilay fitsarana ho avy. Noa dia noheverina ho fanatika iray tamin'ny androny. Mpaminany iray izy. Noheverina ho anankiray izay tsy nanana saina tsara izy. Ary nikapoka maritoa hatrany ilay lehilahy, nandrity ny taona sy taona, nanorina sambofiara iray, nefo tsy nisy rano akory aza teto an-tany afa-tsy izay nisy tao amin'ireo loharano. Ary nilaza zavatra mialoha izay mahatsikaiky izy, ho an'ilay fisainana aranofo. Hoy izy hoe, "Hisy rano ho tonga avy any an-danitra."

⁴⁹ Tsy isalasalana, fa maro no nilaza taminy hoe, "Asehoy ahy hoe aiza ho aiza izany." Nilaza ny siansa hoe, "Afaka manaporofa aho fa tsy misy rano eny ambony eny."

Fa, kanefa, raha Andriamanitra no niteny taminy fa ho tonga avy any an-danitra izany, dia Andriamanitra no hahita an'izany mba hahatanteraka Ny Teniny.

⁵⁰ Ary raha mbola tsy nisy rano hita teo, raha mbola tsy nisy rahona iray mihitsy teny amin'ny lanitra, tsy mbola nisy tetendranonorana iray mihitsy, mihitsy teo, tsy nisy izany karazana orana izany, kanefa, isan'andro, dia nanamboatra sambofiara iray ho an'ny orana i Noa. Porofo velona iray izany hoe ity mpaminany ity dia nino an'izay noresahany, satria nivonona ho an'izany izy.

⁵¹ Ary ny olona rehetra izay mino marina tokoa an'izay resahanareo, dia ho vonona ho an'izany ianareo.

⁵² Afaka mijanona eto mihitsy ve aho, iray minittra fotsiny. "Tamin'ny andron'i Noa," araka ny nolazain'i Jesosy, "dia ho

toy izany koa amin'ny fihavian'ny Zanak'olona." Raha ireo fiangonana, amin'izao andro izao, no mino an'izay resahan'izy ireo, dia ho nampihatra an'izay nolazainy izy ireo.

⁵³ Ahoana no ahafahantsika manorina tranobe mijoalajoala lehibe, ary an-tapitrisany dolara amin'ny tranobe, sy fanitarana lehibe an'ireo rafi-pandaminana sy ny sisa tahaka an'izany, nefà mitory fa ho tonga amin'ny fotoana rehetra Kristy? Ahoana no ahafahantsika manohy, mijery an'ireo fiangonantsika ka mahita azy ireo mihataka amin'ny herin'Andriamanitra ary miditra ao amin'izao tontolo izao, ka mampiditra an'izany ao amin'ny fiangonana ary manafangaro an'izany miaraka, nefà mamela an'izany isika? Nohon'ny laza, sy nohon'ny hevity ny olona ary ireo fahasamihafana ara-anaram-pianganana, miezaka ny hihoaatra an'ilay rafi-pandaminana eo akaiky, ahoana no hahafahantsika mampihatra an'izay toriantsika? Ary mahita an'izany izao tontolo izao. Fantatr'izy ireo izany. Noho izany, ny fivavahana dia lasa zavatra iray fotsiny toy ny hoe mikambana amin'ny lamina iray, na mikambana amin'ny fikambanan-javatra iray. Ny fivavahana...

⁵⁴ Ny famonjen'i Kristy dia tsy fikambanana iray. Izany tsy hoe mikambana amin'ny zavatra iray. Izany dia fahatsapana velona iray.

⁵⁵ Ankehitriny, Noa dia namokatra an'izay noresahany. Hoy izy hoe, "Hisy safo-dranon'ny fitsarana ho tonga eo amin'ity taranaka tsi-marina ity. Ary Andriamanitra dia handatsaka avy any an-danitra, ranonorana, ary hanafotra ny tany manontolo Izy." Ary tsy izany ihany no nataony, fa nanao lâlana iray handosirana izy ka nanasa ny olona hanatona an'izany. Saingy tsy nihaino azy izy ireo.

⁵⁶ Fa, Noa, satria mpaminany iray, dia famantarana iray ho an'io taranaka io, famantarana iray izay nitenenana ratsy, lehilahy iray izay noheverina ho lehilahy marary saina; nanamboatra zavatra iray, izay tsy–tsy nisy porofo iray na taiza na taiza, na tsy nisy mihitsy, izay tsy mba nisy nilaina azy.

Fa toa tahaka an'izany no eritreretin'ny olona amin'izao andro izao. Afaka mieritreritra fialofana amin'ny zava-milatsaka iray izy ireo. Inona ny soa hataon'ny fialofana amin'ny zava-milatsaka iray aminareo nefà tsy hisy hazo iray na vatomlampy iray akory aza ho tavela eto an-tany?

⁵⁷ Manana fialofana amin'ny zava-milatsaka iray isika, manana ny Kristiana. Araka ny nolazaiko, Alahady vitsy lasa izay, na noeritreretiko tany ho any teny an-dalàna hoe, "Tsy fialofana amin'ny zava-milatsaka iray ilay izy. Ilay izy dia filatsahana ao amin'ny fialofana iray, izay ilatsahantsika ao anatin'Izany, ny loha no mandeha aloha, miaraka amin'ny fontsika rehetra, sy ny fanahintsika rehetra,

ary ny saintsika rehetra, ao amin'i Kristy, ny sambofiaran'ny fiarovan'Andriamanitra."

⁵⁸ Fa, Noa, marary saina iray, noheverina tamin'izany andro izany, nohon'ny fahadalan'ny fitorian-teny, ary naneho famantarana iray teo anatrehan'ny olona, nanome fampitandremana azy ireo, nanameloka an'izao tontolo izao. "Nanameloka an'izao tontolo izao, tamin'ny fanorenana sambofiara iray," nefas tsy nisy rano mba hitsingevanan'izany. "Nanameloka an'izao tontolo izao izy," hoy ny Baiboly, Hebreo, toko faha-11. "Nanameloka an'izao tontolo izao izy ary namonjy ny ankohonany manokana, tamin'ny fanomanana," ary lasa famantarana iray ho an'Andriamanitra, ny amin'ny fihavian'ireo fitsarana tamin'izany andro izany. Zavatra iray be voninahitra toy ny inona!

⁵⁹ Taona maro taty aoriana, dia tonga ny famantarana hafa iray. I Mosesy izany, mpaminany iray. Izany no famantaran'Andriamanitra ho an'ny Isiraely. Efa tao anatin'ny fanandevozana nandrity ny efajato taona izy ireo. Ary nanomana famantarana iray ho azy ireo Andriamanitra, nialohan'ny fanafahana mihitsy. Ary izy no famantarana iray an'ny fanafahana ho an'ny Isiraely, sy famantarana iray an'ny fitsarana ho an'i Egypta.

⁶⁰ Noa dia famantarana iray an'ny fanafahana ho an'ny fianakaviany, ary famantarana iray an'ny fitsarana ho an'ilay izao tontolo izao very, ilay tsi-mpino. Ireo rano izay nanakenda an'izao tontolo izao mihitsy sy nandentika an'izao tontolo izao no fitaovana tokana an'ny famonjena an'i Noa. Ny zavatra tokana izay afaka namonjy azy dia ilay fitsarana.

Ny zavatra tokana izay hamonjy an'ilay Fiangonana amin'izao andro izao dia ny fitsarana, nametraka ny fitsarana teo amin'ny filatsahany Andriamanitra.

Fa nitory an'ilay zavatra iray ihany i Noa. Lasa famantarana iray izy.

⁶¹ Ary ankehitriny Isiraely, taorian'ny efajato taona, dia nanomboka niantsoantso fanafahana izy ireo. Ary tsy manambara ny Tenany mihitsy Andriamanitra ary tsy maneho ny Tenany mihitsy raha tsy vonona ny handray an'izay Asehony ny Olony.

⁶² Ankehitriny, oh, inona no azo lazaina eto mihitsy! Raha izany... Ahoana fa navelan'Andriamanitra hitanjaka ity firenena ity. Mahafantatra tsaratsara kokoa izy ireo. Efa namoaka an'izany ireo gazety, nanerana sy nanerana sy nanerana. Efa voaseho ireo famantarana'Ny Fihaviany. Nefas mandeha manohy hatrany izy ireo toy ny hoe mody tsy mahalala an'izany. Tsy manana fialan-tsiny izy ireo. Ao amin'ny farany isika.

⁶³ Mandefa an'ireo Mpaminaniny fotsiny ihany Andriamanitra rehefa mila mpaminany iray ny olona. Mandefa ny Famantarany Andriamanitra rehefa vonona ho an'ny famantarana iray ny olona. Saingy, ilay zavatra dia, mahalana ny olona . . . Tonga eo amin'ny toerana iray izay ilàny fientanam-po izy ireo, na hila izy ireo hoe, "Anehoy famantarana iray avy any An-danitra izahay." Nefa rehefa mandefa famantarana iray Andriamanitra, dia tsy te-hijery an'izany izy ireo. "Noho izany ilay izy dia mafina amin'ny mason'ny hendry sy ny manan-tsaina, mba ho voambara amin'ireo zaza izay hianatra." Tsinontsinoavin'izy ireo izany, ilay famantarana.

⁶⁴ Toy ny ahoana no tokony nahafantaran'ny Israely, rehefa teraka io zaza tsara io, rehefa niandrandra izy ireo teo ka nahita tamin'ny alàlan'ny—ny fotoan'ireo taona izay niainan'izy ireo hoe, "Ny olonao dia ho vahiny mandritry ny efajato taona, any amin'ny firenen-kafa iray, fa avy eo dia Izaho no hitondra azy ireo hivoaka." Tokony ho nahafantatra izy ireo hoe antomotra ilay fotoana, ary rehefa nahita an'io zaza tsara io teraka izy ireo. Fa, na ilay reny sy ray aza, Amrama sy Jokebeda, dia tsy natahotra an'ireo didin'ny mpanjaka, ka nametraka azy tao anatin'ilay renirano mihitsy izay nisy an'ireo voay; tsy nisy anankiray tamin'izy ireo afaka nanaikitra azy. Hitan'izy ireo fa nisy famantarana iray teo, saingy nodian'izy ireo tsy hita izany. Tsy vonona ho an'izany izy ireo.

Andriamanitra no nitondra azy avy hatrany ary nametraka azy tao an-dapan'i Farao, ka namela an'i Farao hitaiza azy sy hanome azy ny fianarana rehetra izay mety azony, mba haneho (Andriamanitra) hoe ahoana no Anaovany zavatra, ary avy eo dia nitondra azy tany ambadiky ny tany efitra, namela azy hanadino ny rehetra mikasika an'izany.

⁶⁵ Farao no nanofana azy tamin'izany. Andriamanitra nanofana azy. Nanana efapolo taona i Farao mba hanofanana azy, avy eo dia nila efapolo taona Andriamanitra mba hanofanana azy, namela azy hanadino ny rehetra mikasika an'izany. Ny fanofanan'ny olona; sy ny fanofanan'Andriamanitra.

Nanofana zanakalahy iray ho mpitarika i Farao, diplomaity iray, ho miaramila iray, mpiady iray, ho an'ny Farao hafa iray ho avy izay hihazona an'i Egypta eo amin'ireo toerany ambony, nanjera ny firenena hafa rehetra ka nanao azy ireo handoa hetra ho an'i Farao. Fa Andriamanitra nitondra azy tany ambadiky ny tany efitra, nanaisotra an'izany rehetra izany niala taminy. Ary naneho taminy, tao anatin'ny fotoana dimy minitra, tamin'ny alàlan'ny roimemy nirehitra, fa Izy dia Andriamanitra velona iray. Ary nanaisotra ny tahotra rehetra niala taminy; nanao azy ho vonona. Famantarana iray izy.

⁶⁶ Mila ny Olony hivavaka Andriamanitra. Ary rehefa tena navesatra entana Isirael, tao amin'izany toerana izany, ka tsy afaka nandeha lavitra intsony izy ireo, tanteraka ny fotoan'izy ireo, ary ireo enta-mavesatr'izy ireo dia nihoatra noho izay noeritreretin'izy ireo, tamin'izay fotoana izay dia nanomboka nivavaka izy ireo. Ary rehefa manomboka mivavaka ny olona, amin'izay fotoana izay dia manomboka mandre Andriamanitra. Izany no fotoana hahatanteraka ny Tenin'Andriamanitra.

⁶⁷ Ary noho izany, rehefa hitan'i Amrama sy Jokebeda fa izany no fotoana hahatanteraka ny Teny, dia nandeha nivavaka izy ireo, tamin'Andriamanitra. Ary mazàna dia ireo izay mivavaka no anankiray izay manana an'ilay enta-mavesatra, ilay anankiray izay mahazo zavatra. Ireo izay mivavaka, no voatendrin'Andriamanitra hanao tahaka an'izany.

⁶⁸ Niresaka izahay aninkeo maraina teo amin'ny latabatry ny sakafo maraina raha nandeha haingana izahay teo amin'ny mofo natono vitsivitsy sy ny sisa, mba handeha any am-piangonana. Nisy zavatra voalaza nikasika lehilahy anankiray izay nanana, lavitra avy eto, izay lasa niverina nifoka sigara rehefa avy sitrana tamin'ny homamiadana izy. Hoy aho hoe, "Mampalahelo."

⁶⁹ Koa noho izany dia niteny ny anankiray ka nanao hoe, "Izany no zavatra mahatsiravina indrindra ialana lavitra, izay misy, ny mifoka sigara."

⁷⁰ Hoy aho hoe, "Fantattro izany. Satria, devoly iray izany." Dia hoy aho hoe, "Izany dia—devoly iray izany." Dia hoy aho hoe, "Ary tsy afaka manajanona an'izany ianareo raha tsy ny herin'Andriamanitra no eo aminareo."

Mahafantatra lehilahy roa aho tamin'ny fiainako tany aloha, izy roa dia te-ho lehilahin'Andriamanitra.

Ny iray tamin'izy ireo, vantany vao nitarika azy teo amin'i Kristy aho, dia nanomboka nandrehitra sigara iray izy. Nifoka dimy na enina fonosana isan'andro izy, nipetraka fotsiny dia nandrehitra anankiray aorian'ny anankiray hafa, mandritry ny andro manontolo. Ary niezaka handrehitra sigara hafa iray izy, ka nisy Zavatra tsy namela azy hanao an'izany. Nanatona an'ilay fatana izy, tsy nahafantatra fa ny Soratra dia manameloka an'ireo zavatra ireo, ary nanokatra an'ilay fatana ka nandoro an'ilay fonosana tao anatin'ilay fatana. Ary nilamina hatreо izany.

⁷¹ Fa, ilay lehilahy hafa izay te-ho lasa Kristiana iray, dia niezaka ny tsara indrindrany izy. Niantso mafy ny Tompo izy. Najanony izy ireo, nandritry ny roa na telo herinandro. Ary rehefa nahatsiaro tena izy, tao amin'izany toerana izany, lasa tany ivelan'ny sainy izy. Ary rehefa nahatsiaro tena izy, ka nahita ny tenany tany ambadiky ny tokotany, nikapoka singam-bifotsy iray, tany ivelan'ny sainy. Nihazakazaka nankany an-

trano, haingana mihitsy, ary nandramby an'ireo sigarany, ka nifoka fonosana iray talohan'ny nandaozany ny trano tamin'io hariva io, anankiray ao aorian'ny iray hafa fotsiny. Hitanareo?

⁷² Ny anankiray dia nantsoina. “Tsy misy olona mahay manatona Ahy raha tsy Ny Raiko no mitarika azy, ary izay rehetra nomen'ny Ray Ahy no hanatona Ahy.” Inona no dikan'ilay fampitandremana? Izany dia Fiainana, ho an'ny anankiray. Hitany Izany. Tsy afaka mahita an’Izany ianareo raha tsy Andriamanitra no manambara an’Izany. “Izany dia miafina amin’ireo maso, ny hendry sy ny manan-tsaina, ary voambara amin’ireo zaza izay hianatra.” Marina izany.

⁷³ Amrama sy Jokebeda dia nahafantatra fa tonga ny fotoana. Antomotra akaiky ilay ora.

⁷⁴ Ary te-hilaza an’ity aho raha mbola miresaka an’izany. “Tsy izay maniry, na izay mihazakazaka; ilay izy dia Andriamanitra izay maneho famindrampo.” Marina izany. Andriamanitra izany.

⁷⁵ Noho izany, androany! Oh, aoka hilentika lalina izao! Raha, androany, Andriamanitra no niantso anareo, ka nanasaraka ny tenanareo tamin’ireo zavatr’izao tontolo izao ianareo, ary ny herin’Andriamanitra be voninahitra no nanamasina anareo ho afaka amin’ireo zavatra ireo, dia ianareo no tokony ho olona sambatra indrindra izay misy eto amin’izao tontolo izao. Nisy an-tapitrисany no ho nanao an’izany raha vitany, saingy tsy vitany. Tsy ho azy ireo ny hahazo an’izany. Izao no andro izay iantsoana an’ilay Fiangonana hivoaka, hisaraka. Hafa izany, amin’izay naha-izy azy fahiny. Eny.

⁷⁶ Rehefa nanomboka nivavaka ny olona, rehefa nanomboka nivavaka ho an’ny mpaminany iray Isiraely, dia nanana an’ilay mpaminany Andriamanitra. Nanana an’ilay mpaminany Andriamanitra, isan’andro, satria Andriamanitra dia mandeha alohan’izy ireo foana. Nanana an’ilay olona voaomana Izzy, saingy niandry ny olona handeha hivavaka Izzy, ny olona mba hila an’izany.

⁷⁷ Ara-tandindona toy ny ahoana no azoko ilazana fa izany ilay izy amin’izao andro izao! Ny ilaintsika amin’izao andro izao dia tsy mpanao fifohazana iray, tsy lehilahy iray hafa ho an’ny rafi-pandaminana malaza anankiray, izay hanao an’ireo vondrona rehetra hiaraka handrafitra. Ny ilaintsika amin’izao andro izao dia mpaminany iray nirahin’Andriamanitra, miaraka amin’ny Hafatra iray izay hanameloka an’izao tontolo izao. Afaka manana an’ilay lehilahy Andriamanitra, raha vonona ho an’izany fotsiny ny olona. Fantatrareo izay resahako. Izzy dia manana, angamba, manana azy any ho any eto amin’izao tontolo izao, fa ny olona no tokony hila an’izany. Tsy mandentika zavatra fotsiny ao an-tendanareo Andriamanitra. Ianareo no tokony hila an’izany. “Sambatra ireo izay noana sy mangetaheta ny fahamarinana, fa izy ireo no hovokisana.” Marina izany.

⁷⁸ Rehefa avy nekena i Mosesy... Rehefa ny olona, raha ny marina, no nahafantatra fa nila mpitarika iray izy ireo, dia nanomboka nivavaka izy ireo. Nanomboka nivavaka izy ireo mba handefasan'Andriamanitra mpitarika iray ho azy ireo, na olona iray hitondra azy ireo hivoaka. Ary naniraka lehilahy iray ho azy ireo Izzy, mpaminany iray. Izany no Famantarany. Ankehitriny, raha tsy mpaminany iray ity lehilahy ity, raha nitsangana izy, nanao hoe, "Miaramila manam-pahaizana ambony iray aho," dia nanana zò tsy hino an'io lehilahy io ny Isiraely. Satria, Andriamanitra, tamin'ny fotoana rehetra, tsy nisy fahadisoana, dia maniraka mpaminany iray. Manonònà fotoana anankiray ao amin'ny Baiboly izay mba nisy. Ilay izy isan'andro dia mpaminany iray izay Irrahiny miaraka amin'ny HOY NY TOMPO HOE.

⁷⁹ Na dia Davida aza, ny tenany, ilay miaramila manam-pahaizana ambony indrindra izay hany nananan'ny Isiraely, ary, kanefa, Davida dia mpaminany iray. Izany tokoa, izany izy. Izzy no ilay mpaminany, Davida.

⁸⁰ Izzy dia niandry ny olona hanana faniriana ao am-pony handre an'io mpaminany izay Hirahiny io.

Mazava ho azy, nisy andiany iray izay nilaza fa nanana izy ireo, nefo tsy nanana. Izany no nanaporofo taty aoriania fa tsy marina ny azy ireo. Nikorontana fotsiny tao anatin'ny fientanam-po izy ireo. Ary hoy ny Baiboly hoe, "Olona marobe nifangaro no nandeha niaraka tamin'izy ireo." Inona no nataon'izany? Nitondra olana tany an-efitra. Ary isaky ny, misy zava-mahagaga vita. Oh, maniry aho ny ho afaka hanao an'ity hilentika, tsara. Isaky ny mandefa zavatra iray Andriamanitra, dia misy fakan-tahaka iray henjana, ara-nofo an'izany, mandeha miaraka amin'ilay izy. Isaky ny, zavatra iray foana, mody-finoana an'izany; ary izany no mahafa-po tsara ny olona.

Fa ny mpaminanin'Andriamanitra tena izy iray dia mijanona amin'ny HOY NY TOMPO HOE. Tsy hihetsika hiala amin'ireo Soratra ireo mihitsy izy raha nirahin'Andriamanitra.

⁸¹ Nijanona marina tokoa tamin'ny Soratra i Mosesy. Hoy Andriamanitra hoe, "Izaho no hitondra azy ireo hivoaka." Hoy Izzy tamin'i Mosesy hoe, "Naniraka anao Aho hanao an'ilay asa." Ary nanana fahatsapana iray i Mosesy. Nihaona tamin'Andriamanitra izy. Nanana ny Tenin'ny Tompo izy.

⁸² Ny antony anirahan'Andriamanitra mpaminany dia satria izy ireo no manana ny Tenin'ny Tompo. Ny Tenin'ny Tompo dia tonga amin'ireo mpaminany. Ary raha tsy manana ny Tenin'ny Tompo izy, amin'izay fotoana izay dia tsy mpaminany izy.

⁸³ Betsaka ireo fakan-tahaka ara-nofo izay miezaka milaza fa mpaminany izy ireo, nanerana ny taona rehetra, nefo isan'andro izy ireo dia manalavitra ny Tenin'ny Tompo. Fa ny mpaminany

marina iray dia mijanona marina tokoa eo amin'ny Teny. Ankehitriny, aza adino io filazana io. Ny mpaminany marina iray dia mijanona amin'ny HOY NY TOMPO HOE.

⁸⁴ Nampitandrina antsika Jesosy ny amin'izay hitranga amin'ny andro farany. Fa ny—ny mpanompo marina iray, ilay mpaminany marina, dia tsy diso mihitsy amin'ny fijanonana marina amin'ny HOY NY TOMPO HOE.

⁸⁵ Nijanona niaraka tamin'ny Tompo i Mosesy. Famantarana iray izy. Izy no famantarana iray ho an'ny Israely hoe antomotra ny androm-panafahan'izy ireo, ary izy no famantarana iray ho an'i Egypta, hoe antomotra ny andron'ny fiafaran'izy ireo. Satria, maty an-drano tao anatin'ny Ranomasina Maty izy ireo, taty aoriana, ilay tafik'i Farao manontolo. Teo amin'ny fiafaran'ny heriny ara-miaramila izy ireo, ary ny mpaminany iray dia famantarana iray an'ny fiafaran'ny firenena.

⁸⁶ Eritrereto izany, lehibe toy ny ahoana Andriamanitra, ary ao anatin'ny fahatsorana toy ny inona no Iasany. Azo antoka tokoa, raha afaka mahazo an'izany ilay tsy nianatra, dia tokony hahazo ilay nianatra. Amena. Raha ireo andevo tao amin'ny lava-potak'i Egypta no afaka nahazo fa mpaminany iray avy tamin'Andriamanitra io, ary antomotra ilay ora, dia tsy mihoatra noho izany ve no tokony ahafantaran'ny lapan'i Farao an'izany. Saingy izany ilay karazana izay tsy mahafantatra an'izany. Izany ilay karazana izay diso an'izany, isan'andro. Rehefa io . . .

⁸⁷ Nitsangana i Mosesy, nijery avy teo amin'ireo varavarankely ireo, an'ireo zanak'Israely nandalo. Ho an'ny Israely . . . Ho an'i Farao, dia andevo sy alika izy ireo. Ho an'i Mosesy, dia ilay voafidin'Andriamanitra izy ireo. Ny Baiboly no nilaza, hoe, "Mosesy dia nisafidy," nanao ny safidiny manokana, "ny hiaritra ny latsan'i Kristy, nihevitra an'izany ho harena lehibe lavitra noho ireo fahafinaretan'ny fahotana, satria nahazo famalian-tsoa ho an'ny valisoa izy." Fantatr'i Mosesy fa tsy mpihosom-potaka ireo; vahoaka iray miaraka amin'ny teny fikasana iray ireo.

⁸⁸ Ny tenany, dia fantany hoe iza izy. Tsy afaka niteny tamin'izy ireo izy. Tokony ho fantatr'izy ireo izany, ny tenan'izy ireo. Fantany, ny tenany, hoe inona ny asany, ho—ho vitaina. Fantany fa Andriamanitra no nanangana azy ho an'io tanjona io, saingy tsy afaka niteny tamin'izy ireo izy. Ary raha mbola jamba tamin'izany foana izy ireo, dia tsy nanambara ny tenany niharihary mihitsy izy, mandra-pahafantatr'izy ireo an'izany. Tamin'izay fotoana izay, hitan'izy ireo io famantarana io, ka fantatr'izy ireo izany.

⁸⁹ Hoy Izy hoe, "Hanome famantarana iray ho an'ny Israely Aho. Raiso io tsorakazo io; avadiho ho bibilava iray izany. Raha tsy hihaino an'izany izy ireo, amin'izay fotoana izay dia apetraho ao an-tratranao ny tànanao, sintony izany, sitrano

amin'ny habokana ny tenanao, amin'izay fotoana izay dia hino an'izany izy ireo. Ary avy eo, raha tsy hihaino an'izany izy ireo, dia makà rano avy ao Neily, araraho eo amin'ny tany maina izany, ka ho lasa rà ireo rano rehetra." Famantarana iray an'ny firenena izany. Hino an'izany ny olona. Rehefa, ireo izay vonona ny handray an'izany no hino an'izany rehefa mahita an'ilay famantarana'Andriamanitra mihetsika izy ireo, saingy tsy maintsy manana zavatra hafa ilay firenena. Noho izany, dia nanome famantarana iray ho an'izany rehetra izany Izy.

⁹⁰ Nampiasa lehilahy iray Andriamanitra, lehilahy iray manetry tena, mpaminany iray, mba ho famantarana iray an'ny fiafaran'io toeran'ny firenena tany io. Andriamanitra, andefaso anankiray hafa izahay. Anangano anankiray hafa izahay. Raha handeha hivavaka tahaka an'izany ny olon'Andriamanitra, dia hanangana azy Izy. Ilay izy dia, ny olona no tokony banana an'izany enta-mavesatra izany. Tokony hifoha izy ireo. Tokony hahalala izy ireo. Tokony hahafantatra izy ireo hoe andro inona no iainantsika, ary inona ilay toerana manodidina antsika, alohan'ny hany hifohazan'izy ireo.

Manohy miaina fotsiny tahaka ny nataonareo isan'andro ianareo. "Tsy maintsy manorina trano vaovao iray amin'ity taona ity. Tsy maintsy manana fiara iray tsaratsara kokoa noho ireo Jones aho. Tsy maintsy manao an'ity aho." Oh, betsaka loatra eo amin'ity! Nefa fantatrareo, tsy mampaninona . . . Mety tsara daholo izany Saingy tokony ho fantatrareo, rahalahy, fa io karazan-javatra rehetra io dia ho levona.

Hoy Jesosy hoe, "Aza matahotra an'izay afaka mamono ny vatana," ny baomba atomikan'i Rosia. Aza matahotra an'izay afaka mamadika an'ity vatana ity ho vovom-bolokano, ao anatin'ny minitra vitsy, "fa matahora an'Izay afaka mamadika ny vatana tahaka an'izany ka manipy ny fanahy ao amin'ny helo." Izay ilay izy.

⁹¹ Araka ny noteneniko tamin'ny dokotera iray, tany amin'ny hopitaly rehefa tany ny reniko, niresaka izy mikasika ny hoe lehibe toy ny ahoana ny siansa, mba hiasa eo amin'ireo singa samihafa an'ny vatana, ary mametraka fanafody ao anatin'izany, sy hahita hoe naohoana ilay izy no hamono tsimoka anankiray, ary mitahiry ny tsimok'aina. Hoy aho hoe, "Mahafinaritra izany. Tena tsara mihitsy izany." Nihaino azy vetivety aho. Fa hoy aho hoe, "Dokotera, tsara izany. Mankasitraka an'izany aho. Tena mahafinaritra izany. Izaho—mankasitraka an'Andriamanitra tokoa aho ny amin'izany. Fa, jereo, mandany ny fotoanao rehetra ianao amin'ny fiezahana hahita zavatra iray eo amin'ny famoronana iray. Fa naohoana no tsy mieritreritra indray mandeha mikasika ny hoe Iza no namorona an'izany, Iza no nanamboatra an'izany, Iza no ilay Mpamolavola an'izany? Andriamanitra no Mpamolavola an'izany."

Lehibe kokoa toy ny ahoana ilay Mpamorona noho ny famoronana izay Nataony! Nahoana isika no mametraka tsindrim-peo betsaka eo amin'ilay famoronana, nefà tsy mieritreritra ny amin'ilay Mpamorona Izay nanao ny lanitra sy ny tany, ary nanao an'ilay vatana sy aina? Afaka mandrava an'izany amin'ny fotoana rehetra izay Tiany Izy, satria Azy izany.

⁹² Lasa zavatra iray tena mahafinaritra izany, ny miasa eo amin'ny vatan'olombelona. Mankasitraka an'izany isika. Afaka mamindra maso iray izy ireo, avy amin'ny olona anankiray mankany amin'ny iray hafa; maka an'ireo kofehy bitika kely, ary manaisotra maso iray avy eo amin'ny lava-mason'ny olona iray ary mametraka an'izany eo amin'ny lava-mason'ny olona iray hafa, ka afaka mahita avy amin'io maso io ilay olona. Zavatra iray mahafinaritra izany.

⁹³ Ilay izy taloha, raha ny reny iray, rehefa hiteraka zazakely iray izy, ka ilay—tsy mety teraka ilay zazakely, izy dia—natao tahaka an'izany izy, ka tsy mety teraka ilay zazakely: ilay reny sy ilay zazakely, izy ireo, dia maty. Marina izany. Fa mahalana ianareo no mba nandre an'izany, hafa ilay izy, angamba tsy misy intsony. Fa amin'izao andro izao izy ireo dia afaka maka an'io reny io aorian'ny efa naha-tao amin'ilay toerana hahazoany an'ilay zazakely, ka raha ilay... rehefa ilay reny aza no saiky mbola ao—ao amin'ny fotoan'ny famoahana, izy... afaka mitondra an'io reny io ao amin'ny efitra iray izy ireo ary manome azy fampatoriana kely, ka manala an'io zaza io, manana fahaterahana mahazatra, mitondra an'ilay zazakely. Mankasitraka an'izany isika.

⁹⁴ Mitenena rafitra anankiray amiko. Tampeno ny fantsona iray eto any ho any, eo amin'io fitarihan-drano eto an-tanàna io, dia diniho izay mitranga amin'ilay fantsona lehibe. Manapoaka azy ianareo.

Fa, kanefa, afaka manala ranjo iray isika, manapaka sandry iray, ary, amin'ny alàlan'ny fahagagan'Andriamanitra, dia hamela an'io rà io handeha amin'ny lèlana hafa iray Izy, amin'ny fanandroany, ary hampandalo an'izany mankany amin'ny lèlana hafa iray. Mamonjy ny ain'ilay olona ianareo. Iza no afaka hanao an'izany? Teneno amiko.

⁹⁵ Tapaho ilay lèlana-drano, tapaho ilay fitarihan-drano lehibe eto any ho any ao amin'ilay rano, nefà mipaompy avy ao amin'ny fantsona iray izy. Inona no hataon'izany? Andramo indray mandeha izany dia jereo izay mitranga. Tsy misy lèlana hafa handalovana. Tsy maintsy mipoaka miverina mankany amin'ilay fantsona izany.

Raha tsy nanao lèlana iray Andriamanitra mba hampandalovan'io rà io ny tenany, eo no ho eo, famerenana anankiray mankany amin'ny fo dia ho faty ianareo. Isaky ny

mandratra ny rantsan-tànanareo ianareo, dia fahafatesana izany, eo no ho eo. Isaky ny maratra ianareo any ho any, izany dia manokatra lèlan-drà iray na zavatra iray, ho fahafatesana izany, eo no ho eo. Tapaho ny rantsan-tànanareo, ho faty ianareo. Izay ihany. Hipoaka avy hatrany hiverina ao amin'ny fonareo indray izany. Hamono anareo izany. Fa Andriamanitra . . .

⁹⁶ Ankehitriny, mieritreritra isika fa mahafinaritra izany. Mieritreritra isika fa mahafinaritra izany. Ary mankasitraka isika hoe toy ny ahoana no ananan'ny siansa, afaka mamatotra an'ireo lèlan-drà ireo izy ireo ka manao azy ireo tsy hivo-drà. Mahafinaritra daholo izany. Fa Iza ilay Anankiray Izay namolavola an'izany? Hitanareo? Mijery eo amin'ilay famoronana rehetra isika nefä manadino an'ilay Mpamorona an'izany. Hitanareo? Mijery an'ireo zavatra ara-boajanahary isika, nefä manadino an'ilay-ilay zavatra ara-panahy rehetra. Izany no ataontsika.

⁹⁷ Ankehitriny, ireo mpaminanin'Andriamanitra, izy ireo dia . . . manana Ny Teniny izy ireo. Izany no antony inoan'ny olona azy ireo.

Izany no antony nilazan'Andriamanitra tamin'i Mosesy, nilaza Izy any amin'ny Genesisy any, maro, ao amin'ny Eksodosy, manerana ny rehetra hoe, "Raha misy anankiray tonga eo anivonareo, izay ara-panahy, na, mpaminany . . ." "Ankehitriny dia ahoana no hahfantarantsika an'ireo zavatra ireo?" Hoy Izy hoe, "Raha milaza zavatra iray izy ka miseho izany, milaza zavatra hafa iray, miseho izany, amin'izay fotoana izay dia inoy izany." Hitanareo? Famantarana iray izany.

⁹⁸ Noho izany dia manome Ny Teniny Izy, tsy ho an'ireo mpitarika, tsy ho an'ireo mpanao didy jadona, fa ho an'ireo mpaminany. Khrushchev dia tsy famantarana iray ho an'izao tontolo izao. Tsia, tompoko. Hitler dia tsy famantarana iray ho an'izao tontolo izao. Fa any ho any, any amin'ny toerana iray, dia manana mpaminany iray manetry tena Andriamanitra miandry an'ilay ora. Izy no famantarana. Izy no famantarana izay hanameloka an'izao tontolo izao ary hamonjy an'ilay Fiangonana. Ny mpaminany!

⁹⁹ Elia dia famantarana iray tamin'ny androny, Elia mpaminany. Ho an'ny . . .

Izy dia mpa- . . . izy dia famantarana iray an'ny Tenin'Andriamanitra, fitsarana ho an'i Egypta ary fanafahana ho an'ny Isiraely, raha te-hino azy izy ireo.

¹⁰⁰ Io andron'ny fahotana an'i Elia io, izay nanatodihan'ny Isiraely lamosina an'Andriamanitra, niverina nankao amin'ny fahotana izy ireo. Adinon'izy ireo ilay baiko. Adinon'izy ireo ny mikasika ny hoe tarihin'Andriamanitra, sy ilay Jehovah lehibe izay nanokatra ny Ranomasina Mena, sy nitondra azy ireo

nivoaka an'i Egypta, ary mpaminany lehibe iray tahaka an'i Mosesy teo anivon'izy ireo. Adinon'izy ireo izany.

Adinontsika izany. Ianareo Metodista dia manadino an'i John Wesley. Ianareo Loterana dia manadino an'i Martin Luther. Ianareo Batista dia manadino an'i John Smith. Maro amintsika no manadino an'i Charles Finney, ilay lehibe indrindra amin'izy rehetra.

¹⁰¹ Voalaza fa ny fito amby sivifolo isan-jaton'ireo niova fo an'i Finney no nihazona. Dimy amby fitopolo isan-jato avy amin'ny an'i Moody no niverin-dàlana tao anatin'ny herintaona. Ary avy amin'ny an'i Wesley, ilay vondron'ny fahamasinana, dia niverin-dàlana tsy ankitsahatra izany. Fa i Finney dia nanana fito amby sivifolo isan-jato. Zalahy kely, bitika, mahia, sola loha no nandroso nankeo amin'ny polipitra ka njery nankany amin'ny mpanatrika, tahaka an'izao, ka torana ny olona, satria nijanona tany anatin'ireo kirihiitra izy indray andro mandra-pihazon'ny Fanahy Masina azy. Nataony izany. Famantarana iray izy ho an'ny fiafarana, teo amin'ny roanjato taona lasa izay, an'ilay fifohazana malaza izay nananan'i Wesley sy izy ireo, ary teo am-pahatongavana ny fitsarana.

¹⁰² Famantarana iray izy, io taranaka mpanota io. Ary toy ny ahoana no nitsanganan'i Elia tany, sahy sy sarotiny, irery, tsy nisy olona niaraka taminy, saingy famantaran'Andriamanitra izy.

Ny sisa tamin'ilay mpitondra fivavahana dia nandeha niaraka tamin'i Ahaba daholo, tao amin'ny lâlan'ny modernisma. Nanana moderina izy ireo tao amin'io taranaka io. Fa ahoana i Ahaba antitra, na, Ahaba antitra, sy ny tombony lehibe rehetra, ary izany no nampiditra ny fiangonana rehetra tao amin'ny Katoli-...na, tsy Katolisima, fa saiky ilay zavatra iray ihany: tao amin'ny fanompoan-tsampy. Nitondra azy ireo tao amin'ny toerana iray izay naha-wishy-washy azy ireo. Ny sasany dia afaka nanompo tamin'ity fanao ity, ary fahalalahana fotsiny, "Afaka manao ny zavatra rehetra izay tianareo ianareo." Ary tafiditra tao amin'io karazan-toerana io.

¹⁰³ Ary ahoana fa nitsangana teo i Elia, sahy, niaraka tamin'ny HOY NY TOMPO HOE. O Andriamanitra, omeo lehilahy tahaka an'izany izahay. Tsy natahotra ny hiteny tamin'i Jezebela mikasika ny toerany izy. Tsy natahotra an'i Ahaba izy. Tsy natahotra izy hoe diso izy. Nitsangana tamin'ny fahasahiana izy, ary nanatona an'i Ahaba, ka nanao hoe, "Tsy hisy ando akory aza hilatsaka raha tsy izaho no miantsosy an'izany." Amena.

¹⁰⁴ Inona izy? Famantarana iray ho an'io taranaka mpanota io. Hitan'ny Isiraely ve izany? Tsia. Nihomehy azy izy ireo, naneso azy.

Nilaza mialoha izy fa hisy hain-tany iray, hoe hisy—hisy olana, hanoanana, maty mosary. Ary naminany am-pahasahiana

izy, nitsangana irery, niaraka tamin'ny HOY NY TOMPO HOE. Hoy izy, "Tompo, namono ny mahatoky rehetra izy ireo. Namono azy rehetra izy ireo. Izaho irery sisa no tavela, izay mitsangana miaraka amin'Ny Teninao." Inona ilay olana? Ny Tenin'Andriamanitra. Te-hijanona amin'ny Teny i Elia. Tena mpaminany iray izy.

¹⁰⁵ Hoy ireo mpaminany hafa hoe, "Oh, eny, tsy manao fahasamihafana betsaka izany. Tsy miraharaha Jehovah, fantatrareo."

Tena miraharaha Jehovah. Tsy maintsy ho Ny Teniny izany. Ary nitsangana am-pahasahiana teo amin'io Teny io i Elia, niaraka tamin'ny HOY NY TOMPO HOE. Nanome azy tsiambaratelo kely iray Andriamanitra, indray andro. Hoy Izy hoe, "Manana fito arivo Aho, ry Elia, ka ianao no vavolombelona iray, eto. Tsy manana faherezana betsaka ho tonga sy hilaza an'izany izy ireo. Mifaina manodidina any anatin'ireo kirihitra izy ireo. Fa, kanefa, ao am-pony, dia Mpanompoko izy ireo. Tsy namoritra lohalika teo amin'i Bala izy ireo. Matahotra ny hanao an'izany izy ireo. Fa, manome famantarana iray ho anao Aho, ary ianao dia famantarana iray. Mijoroa eo, ary mijoroa eo amin'Ny Teniko. Hiahya anao Aho. Omeo famantarana iray izy ireo." Haleloia!

Andriamanitra, andefaso zavatra tahaka an'izany izahay, izay ho famantarana iray an'ny Tenin'Andriamanitra. Ary ny teny fikasana tsirairay izay nampanantenain'Andriamanitra dia voatohana ao amin'io olona io, satria famantarana iray izy, famantarana iray nohadinoina.

¹⁰⁶ Oh, nieritreritra izy ireo hoe, satria mpanjaka malaza iray i Ahaba ka natahotra azy ny firenena rehetra, dia ampy tsara izay. Saingy Elia dia famantarana iray an'ny Teny. Mpaminany marina iray izany, famantarana iray an'ny Teny. Noho izany raha mbola famantaran'ny Teny foana izy, dia tsy nino azy izy ireo. Tsy nisy nilain'izy ireo azy.

¹⁰⁷ Famantarana iray izy ho an'ilay mpitondratena, rehefa naniraka azy avy teny an-Tendrombohitra Karmela Andriamanitra, avy teny...teo amin'ny renirano Kerita. Nandefa azy teo, rehefa avynofahanan'ny goaika izy, ary ritra ilay renirano. Nandeha nankao amin'ny tranon'io mpitondratena io izy. Toerana iray toy ny inona handehanan'ny mpitiority teny iray! Fa nandeha teo izy satria Andriamanitra no niteny taminy mba handeha. Fa nandeha teo Izy. Nanao hoe, "Efa nandidy azy Aho hamelona anao."

¹⁰⁸ Tokony ho efa famantarana iray izy. Tokony ho efa famantarana iray izy. Rehefa, teo ivelany teo izy, nanana koba ampy hanaovana mofomamy iray, ka hihinana an'izany izy sy ny zananilahy. Tavoara ampy mba...Ary diloiilo ampy tao anatin'ny tavoara, hanaovana menaka kely, mandeha

miaraka amin'izany. Hoy izy hoe, "Eto ivelany eto aho maka tsorakazo roa."

¹⁰⁹ Tamin'io maraina mahatsiravina, mafana, mampitsovaka io rehefa lehilahy antitra iray feno volon-tava, volo fotsy no mihantona midina ao an-damosiny, no nandroso teo, ary nangirana ny loha solany, niankina teo amin'ny vavahady, nanao hoe, "Itondray rano fisotro kely aho," ary nanao hoe, "ankoatr'izany, dia itondray sombin-koba eny an-tananao aho, mofomamy iray."

¹¹⁰ Hoy izy hoe, "Tsy manana koba betsaka aho. Eto ivelany eto aho ankehitriny, maka tsorakazo roa, mba hanaovana mofomamy kely iray ho an'ny zanakolahy. Manana ampy hanaovana anankiray ho ahy sy ho azy fotsiny aho. Ary hihinana azy izahay ka ho faty."

¹¹¹ Hoy izy hoe, "Aza matahotra, fa, HOY NY TOMPO HOE." Izany no lehilahy izay ilaintsika. Tsy hoe, "Ankehitriny, izany dia *mety* hitranga, ranabavy. Izany dia *mety* hiseho. Tsy fantattro." Tsia, tsia. Pozitifa i Elia. "HOY NY TOMPO HOE. Tsy ho foana io barika io, sady tsy ho ritra io tavoara io, mandra-pahatongan'ny andro izay andefasan'Andriamanitra ranonorana eo ambonin'ny tany." Amena. Eo ianareo izao. Tokony ho famantarana ampy ho azy izany.

¹¹² Izy no maneho ny fiangonana amin'izao andro izao. Rehefa avy nijanona niaraka taminy nandrity ny fotoana fohy i Elia... Nanana zazalahy kely iray izy. Narary izy. Tena ratsy ny aretiny hany ka tsy nisy fofon'aina tavela tao anatiny. Maty izy. Tamin'izay fotoana izay dia inona no nataony? Efa nahita an'ireo famantarana ireo ny fiangonana. Saingy, inona, vantany vao tonga ny loza kely iray, dia te-hanome tsiny haingana an'ilay fiangonana izy noho izany. Te-hanome tsiny an'i Elia izy. Hoy izy hoe, "Ianao ry lehilahin'Andriamanitra, ankehitriny tonga tetu ianao mba hampahatsiahy an'ireo fahotako sy haka ny ain'ny zanakolahy."

¹¹³ Nentin'i Elia ilay zanakalahy, niakatra tao amin'ny efitra izay natoriany tao, nametraka azy teo ambonin'ny fandriany manokana, naninjitra ny tenany teo amboniny, nanao hoe, "Tompo Andriamanitra!" Haleloia! "Avereno ny ain'ity zazalahy ity." Dia nifoha ilay zazakely.

¹¹⁴ Nentiny niverina nidina izy. Nijery an'ilay zazakely io vehivavy io, ary njery azy avy eo, tamin'izay fotoana izay dia fantany fa nisy zavatra teo. Hoy izy hoe, "Izao no ahafantaroko fa ao am-bavanao ny Tenin'Andriamanitra." Amena. Famantarana iray ho an'io mpitondratena io izy. Rehefa hitany ny herin'Andriamanitra, Izay mamelona sy afaka mamono, nanangana ny zazakeliny maty ho amin'ny fiaianana, dia hoy izy hoe, "Izao no ahafantaroko fa ianao dia lehilahin'Andriamanitra iray." Fantany izany.

Hihomehy an'izany ireo firenena amin'izao andro izao, tahaka ny nataon'izy ireo tamin'izany. Tsy hino an'izany izy ireo. Fa nahafantatra hafa io vehivavy io. Famantarana iray izany tamin'izany fotoana izany, ary dia famantarana iray izy, mba hanangana ny zananilahy maty ho amin'ny fiainana. Ireo mpaminany ireo dia famantaran'Andriamanitra foana.

¹¹⁵ Rehefa niantso fampisehoan-kery iray Elia avy eo, nanao hoe, "Raha Andriamanitra no Andriamanitra, dia manompoa Azy. Raha i Bala no andriamanitra, dia manompoa azy."

Tsy mety ho andro iray mahafinaritra ho an'i Elia ve izany amin'izao andro izao? Raha ireo politika no andriamanitra, dia manompoa azy. Inona no azontsika ao amin'ireo politika? Inona no nataontsika? Tsy manana afa-tsy andiana fahalòvana isika. Tsy manana na inona na inona isika.

Fa verintsika ny tsirairay, saiky ny sakaizantsika tsirairay izay nananantsika, nanerana an'ireo firenena. Teto, tamin'ny herinandro lasa, nahavery firenena roa na telo amboniny ho an'ny kominisma. Mitaky hetra amin'ny olona isika ary maka ny volan'izy ireo, ka mandefa an'izany any mba hamahana an'ireo olona izay hitodika any amin'ny kominisma vantany vao lasa ambinina izy ireo. Fihatsarambelatsihy iray izany. Marina izany.

¹¹⁶ Milaza ho Kristiana isika. Ndao isika ho tahaka ny Kristiana, arak'izany, tsy amin'ny famahanana an'ireo zavatra tahaka an'izany. Izany dia manana tena kely izay—izay... Ny olona tsotra tsara fo dia hanao an'izany. Izany no fivavahana. Tsy famonjena izany.

Maro be ny olona izay manafangaro ny fivavahana sy ny famonjena. Ny fivavahana dia ny mamahana an'ireo mpitondratena sy mahanttra, sy ny sisa. Izany no fivavahana. Fa ny famonjena dia Fahateraham-baovao iray, nateraka indray. Samihafa izany. Ny fivavahana, Mohometana dia fivavahana iray. Misy fivavahana maro.

¹¹⁷ Ankehitriny, teo amin'ny Tendrombohitra Karmela, tamin'io andro izay niantsoany an'ilay fampisehoan-kery io, ary niantso an'i Ahaba sy ireo mpisorona an'arivony izy izay nikambana tamin'ilay tempolin'ireo anaram-piangongan'izy ireo, niantso azy ireo teny amin'ny Tendrombohitra Karmela izy, nanao hoe, "Miakara eto. Mihaonà amiko eto ambony eto. Hahatanty an'ilay andiany manontolo aho." Inona no nataony? Nanana ny HOY NY TOMPO HOE izy. Tsy natahotra izy. Hoy izy hoe, "Manolora ombilahy iray. Antsoy i Bala. Aoka ilay Andriamanitra izay mamaly amin'ny afo no ho Andriamanitra."

¹¹⁸ Noho izany, nandritry ny andro manontolo, hatramin'ny... nanomboka ny maraina hatramin'ny taorian'ny sakafo hariva, dia nitsambikina teo amin'ny alitara izy ireo. Nandidy ny tenany

izy ireo. Nihiakiaka izy ireo. Nihorakoraka izy ireo. Nandeha nandroso sy niverina i Elia, nanao hoe, “Mihorakoraha mafy kely kokoa. Angamba lasa nandeha any amin’ny dia fanjonoana izy, na tahaka an’izany. Sahirana izy, na tahaka an’izany.”

Satria, nanana ny HOY NY TOMPO HOE izy. Afa-po izy. Nanana ny Tenin’Andriamanitra izy.

Rahalahy, ranabavy, inona no mbola ilain’ny olona iray ankoatry ny teny fikasan’Andriamanitra iray? Andriamanitra no nilaza fa Hataony izany. Abrahama ilay izy. Nihevitra izy fa Andriamanitra dia mahay manatanteraka an’izay Noteneniny. Fantany fa afaka manao an’izany Andriamanitra, satria Andriamanitra no niteny an’izany.

¹¹⁹ Noho izany izy—noho izany dia niantso azy ireo teo ambony teo izy. Ary noho izany dia nandidy ny tenany izy ireo, sy nihorakoraka ary nihiakiaka nandrity ny andro manontolo, hatramin’ny fanatitra hariva. Tamin’izay fotoana izay, Elia, diniho hoe ahoana no nanaovany azy. Ny zavatra voalohany nataony dia nanangona an’ireo vato roa ambin’ny folo.

Tsy voazarazara Andriamanitra. Ireo anaram-piangonana no mizarazara an’ireo fiangonana, fa tsy Andriamanitra.

Hoy ny anankiray hoe, “Kristiana ve ianao?”

¹²⁰ “Batista aho.” Koa izany dia tsy mihoatra ny milaza hoe kisoa iray izy.

¹²¹ Hoy izy, “Izaho—Metodista aho.” Eny, izany dia tsy mihoatra noho ny kisoa iray, indray, amin’Andriamanitra.

¹²² Hoy aho hoe, “Kristiana ve ianao?” Mba ho Kristiana iray, dia tsy maintsy mitovy amin’i Kristy ianareo, mametraka ny maha-Andriamanitra ao anatinareo, miaraka amin’ny Fanahy Masina, tahaka ny nilatsaka tamin’ny Andron’ny Pentekosta. Tsy fientanam-po iray, fa ny tiako lazaina dia tena Pentekosta iray. Hitanareo? Marina.

¹²³ “Pentekotista aho. An’ny Tokana aho. Izaho dia—trinite aho. Izaho dia . . .” Oh, oadray! Izany dia tsy mihoatra ny milaza hoe zavatra hafa iray ianareo. Tsy midika zavatra iray amin’Andriamanitra izany. Mampizara izany.

¹²⁴ Izany no nitranga tany teo anivor’ireo mpitondra fivavahana ireo. Fa nanangona an’ireo vato roa ambin’ny folo ireo i Elia, mba haneho fa Andriamanitra dia Andriamanitra anankiray eo ambonin’izy rehetra, nanangona azy ireo.

¹²⁵ Noho izany, rehefa nangoniny tahaka an’izany izy ireo, dia novonoindy ilay ombilahy ary napetrany teo an-tampon’ilay alitara izany, teo ambonin’ireo kitay. Hoy izy hoe, “Ankehitriny, mba hahazoana antoka fa tsy misy sandoka ao amin’izao, dia mandehana itondray rano roa ambin’ny folo barika aho.” Ary nolomany rano tokoa io kitay io. Oh, Haleloia! Te-haneho izy

fa Andriamanitra no Andriamanitra. Satria, nahoana? Nanana ny HOY NY TOMPO HOE izy. Mpaminany iray izy. Nanana ny Tenin'Andriamanitra izy.

¹²⁶ Noho izany izy ireo dia—izy ireo nanao tamin'izany andro izany, raha milaza izy ireo fa handroaka anareeo amin'ny fiangonana, izy ireo dia hanao an'ity, ny *hafa*, raha nataao batisa tamin'ny Anaran'i Jesosy ianareo, ary ireo zavatra samihafa tahaka an'izany: fahadalana. Izany no HOY NY TOMPO HOE.

¹²⁷ Olona maha-te-ho tia, indray hariva, no niresaka tamiko, tonga nametraka ny sandriny nanodidina ahy, ary nanao hoe, “Rahalahy Branham,” hoy izy, “te-hanontany zavatra iray aminao aho.” Hoy izy, “Raha hanao marimaritra iraisana kely fotsiny ianao, io karazan-javatra izay resahanao io.”

Hoy aho hoe, “Inona?”

Hoy izy, “Io batisa rehetra io.” Hoy izy, “Ireo fiangonana any Chicago sy ny rehetra manodidina dia mila anao mafy mihitsy, saingy matahotra izy ireo ny hilazanao an’io.”

¹²⁸ Hoy aho hoe, “Azo antoka, ho lazaiko izany. Izany tokoa, ho lazaiko izany.”

Hoy izy, “Eny, izany ilay zavatra tokana izay anoheranay anao.”

¹²⁹ Hoy aho hoe, “Amin’izay fotoana izay dia tsy manohitra ahy izy ireo. Tsy izaho ilay Anankiray izay nilaza an’Izany. Andriamanitra no nilaza an’Izany. Mihaika azy rehetra ireo aho ho tonga hanaporofa fa diso Izany.” Hitanareo?

¹³⁰ Hoy izy, “Eny, hitanao, ianao—tokony hanaiky ianao ka hanao fiombonana.”

Izany ilay zavatra iray ihany izay tian’izy ireo hataony. Amena. Tsy manao marimaritra iraisana Andriamanitra. Tsia, tompoko. Tsy manao marimaritra iraisana Izy.

Hoy izy hoe—hoy izy hoe, “Ankehitriny, Rahalahy Branham, te-hanontany zavatra iray aminao aho. Ilay Anjelin’ny Tompo ve . . .” Hoy izy, “Izahay rehetra dia mino an’ilay Anjelin’ny Tompo. Ilay Anjelin’ny Tompo ve no niteny taminao an’Izany?”

¹³¹ Hoy aho hoe, “Tsy ahoako izay ho lazain’ilay Anjelin’ny Tompo. Raha Izany, ilay Anjelin’ny Tompo, dia hilaza an’Ity Izy. Fa raha nilaza zavatra nifanohitra Izy, dia tsy ilay Anjelin’ny Tompo Izy.” Hoy aho hoe, “Tsy mampaninona izay nolazain’ny Anjely, na zavatra hafa, hoy i Paoly hoe, ‘Na dia Anjely iray avy any An-danitra aza no mitory filazantsara hafa aminareo, dia aooka izy ho voaozona.’”

¹³² Ireo Anjely sy ny olona rehetra, zavatra mibontsimbontsina iray ara-nofo, milaza mikasika an’ireo Anjely. Joseph Smith, Brigham Young, ary ireo fivavahana samihafa rehetra, an’ireo Adventista sy ny zavatra hafa rehetra, mahita an’ireo karazan-

javatra rehetra tahaka an'izany izy ireo, nef a mifanohitra amin'ny Teny foana ilay izy.

¹³³ Fa, manohana Ny Teniny Andriamanitra. Izany No Teniny. Hoy aho hoe, "Izany no Tenin'ny Tompo. Azo antoka. Ny rehetra izay hany fantattro dia nampianarina ahy tamin'ny Alàlany. Tsy nandeha nankany amin'ny seminera iray mihitsy aho na sekoly. Avy any Aminy izany." Fa hoy aho hoe, "Raha mifanohitra ilay izy... Raha mifanohitra amin'Izany ilay izy, dia tsy hino Azy aho. Satria, izany no Tenin'Andriamanitra, izay voalohany. Ny zavatra hafa rehetra dia lainga." Ny Tenin'Andriamanitra, mijanònà amin'Izany.

¹³⁴ Noho izany, Elia, rehefa nahavita izy, nolomany rano ireo vatan-kazo rehetra, tamin'ny rano roa ambin'ny folo barika. Nandraraka azy ireo teo an-tampony teo. Nandroso teo izy, nilamina mihitsy arak'izay naha-izy azy. Nahoana? Tsy afaka mandainga Andriamanitra. Andriamanitra no niteny taminy. Hoy izy hoe, "Tompo Andriamanitr'i Abrahama, Isaka, ary Isirael, aoka ho fantatra amin'ity andro ity fa Ianao no Andriamanitra, ary izaho no Mpanomponao. Ary nanao an'izao aho araka ny Didinao, satria izany no HOY NY TOMPO HOE. Nanao an'izao aho satria Ianao no niteny tamiko hanao an'izany, satria araka Ny Teninao izany. Aoka ho fantatra ankehitriny fa Ianao no Andriamanitra."

Dia nilatsaka ny Afon'ny Tompo, nandevona ny fanatitra, ireo vatan-kazo nilona rano, nilelaka an'ireo vatolampy, sy ny zavatra hafa rehetra, ary nanaisotra ny zavatra rehetra. Tamin'izay fotoana izay dia niantsoantso ny Isirael, ireo fito arivo hoe, "Aoka Andriamanitra no ho Andriamanitra."

¹³⁵ Elia, tsara tarehy toy ny ahoana ny mahita an'io vatana kely, antitra mahia, mifono hoditra mikentrona tanteraka io, io tsorakazo kely teny an-tànany io, tavoaran-diloilo kely no nihantona teo amin'ny valahany, silaka hoditr'ondry iray no nandrakotra nanodidina azy. Nahoana, hapetrak'izy ireo ao an-tranomaizina izy androany raha nandeha teny an-dàlambe; nef a mamela an'ireo vehivavy hanao sorta izy ireo; fa azo antoka fa tsy hanao an'izany izy ireo, hitanareo, tahaka an'izany, hivoaka. Koa, noho izany, fa indro tonga izy ireo. Indro nidina izy ireo, nanerana teo, nanerana ny havoana, niaraka tamin'io tsorakazo io.

¹³⁶ Ankehitriny, ny Tendrombohitra Karmela dia tsy toerana foana kely—kely iray izay mipetraka eo afovoan'ny tany efitra. Tendrombohitra goavana iray izany. Izany dia manao, karazana zorony iray tahaka an'izao, ary miakatra eny amin'ny tampony iray, ary mitodika mankany amin'ny ranomasina. Ary nihazakazaka hatrany ambony i Elia sy Gehazy, ilay tampony. Ary niankohoka tamin'ny tavany i Elia teo, ka nanomboka niantsoantso an'Andriamanitra, niaraka tamin'ny lamosiny

nitodika tany Andrefana, nankany amin'ny masoandro. Telo taona sy enim-bolana, tsy nisy ando akory aza nilatsaka. Hoy izy tamin'i Gehazy hoe, "Mandehana mijery ka jereo raha mahita zavatra ianao, rahona iray eo ambonin'ny ranomasina."

Nitsangana teo ambonin'io tendrombohitra io, njery nankany amin'ity lalana ity, nanao hoe, "Tsy mahita zavatra iray aho."

¹³⁷ Nijanona tsara teo izy. "Andriamanitra, raha nibebaka ireto vahoaka ireto, raha niverina Taminao ity vahoaka ity, raha vonona hiala amin'io fahadalana io izy ireo ka hiverina amin'Ny Teninao, amin'izay fotoana izay dia Andriamanitra Ianao, mba hamaly Ny Teninao."

¹³⁸ Mamelà ahy hiteny an'ilay zavatra iray ihany androany. Alaivo ireto anaram-piagonana ireto ka vakio izy ireo, adinoy ireo fahasamihafana ara-anaram-piagonana ireo, ka avelao ny olona hiverina amin'ny Tenin'Andriamanitra, ho eo amin'ilay tsipika voamarika. Hoporofoiko aminareo fa misy Andriamanitra iray izay mbola afaka mamaly amin'ny Afo foana.

¹³⁹ Avelao ny olona hiantso an'Andriamanitra. Avelao...?... hiantso olona iray. Avelao ny olona hiantso mpaminany iray. Hametraka azy eo an-tsehatra Andriamanitra. Mihaika an'ireo firenena aho hanao an'izany. Mianjerà amin'ny tavanareo ka miantsoa an'Andriamanitra, mba handefa mpanafaka iray, dia diniho izay mitranga. Ataovy indray mandeha fotsiny izany, fa hamaly Andriamanitra. Mamaly foana Andriamanitra.

¹⁴⁰ Niankohoka ka nanao hoe, "Andriamanitra, aoka ho tanteraka izany androany. Efa nanohitra Anao ireto vahoaka ireto fahiny. Ireto vahoaka ireto dia voasaraka tao anatin'ireo karazana anaram-piagonana rehetra tany. Fa, androany, dia nanaporofy ny Tenanao Ianao. Andriamanitra Ianao. Dia hoy ny olona hoe, 'Roahy i Bala.' Ary efa namono an'ireo mpisorona an'arivony ireo aho. Any ivelan'ny lalana izy ireo ankehitriny, Tompo. Lasa ireo sakantsakana rehetra, ireo sakana kely izay nanasaraka anay."

Ho tian'ny Metodista ny ho tonga hanompo miaraka amin'ny Batista; ho tian'ny Batista ny ho tonga miaraka amin'ireo Pentekotista; ilay marina am-po ao ambany ao, ireo fito arivo mahatoky. Fa tsy afaka manao an'izany izy ireo. Raha manao izy ireo, dia ho voaroaka avy ao amin'ny fiagonany. Ny sasany amin'izy ireo dia tsy miraharaha. Tonga izy ireo, na ahoana na ahoana. Marina izany.

¹⁴¹ Fa avelao izy rehetra ireo hamotika an'ireo fanaratsiana ireo ka hitambatra, ary hanao hoe, "Hanadino an'ireo fanekempinoana sy katesisma rehetra ireo isika, ary ny zavatra rehetra izay vakantsika. Ndao isika hiverina amin'ny Tenin'ny

Tompo.” Diniho izay hiseho amin’izay fotoana izay. Hanangana mpaminany iray ho azy ireo Andriamanitra, azo antoka fa hanangana Izy, izay hitondra an’Izany avy hatrany eo amin’izy ireo, raha vonona ny handray an’Izany izy ireo. Voalohany, tsy maintsy mivavaka izy ireo. Miandry Andriamanitra.

¹⁴² Tsy hafahafa ve fa miandry ny olona banana anjara ao amin’izany Andriamanitra? Rehefa njery teo amin’ireo vokatra Jesosy, dia hoy Izy hoe, “Masaka ny vokatra. Vitsy ny mpiasa. Mivavaha amin’ny Tompon’ny vokatra,” Izy izany. “Mivavaha Amiko, mba Handefasako an’ireo mpiasa hankeo amin’ny Vokatro.” Izany no anjara iray tsy maintsy ataoareo. Miandry Ny Fiagonany hiantso Azy Andriamanitra. Efa nanao an’izany foana Izy. Miandry ny olona hiantso ny Mpanompony ho ao amin’ny hetsika Andriamanitra androany. Fa ilay mpanompo dia tsy afaka miditra ao amin’ny hetsika raha tsy mivavaka ny olona.

¹⁴³ Tsy afaka niditra tao amin’ny hetsika Israely tany, niaraka tamin’ireo famantarana sy fahagagana, raha tsy lavo tamin’ny tavany izy ireo ka nivavaka ho an’ny mpanafaka iray. Nanana ny Mpanafany Andriamanitra. Nanana mpaminany iray Andriamanitra niandry tany an-efitra tany, nitahiry azy nandrity ny efapolo taona, niandry azy ireo mba hahitsy, hivavaka. Fa rehefa nahitsy izy ireo ka nanomboka nivavaka, tamin’izay fotoana izay Andriamanitra dia nandefa an’ilay mpanafaka.

Hanao an’ilay zavatra iray ihany Andriamanitra androany, raha hikambana fotsiny ny olona, handeha hivavaka. Eny àry.

¹⁴⁴ Izy dia famantarana iray ho an’ireo mpaminany sandoka ireo sy ho an’i Ahaba, hoe izy no mpanompon’Andriamanitra. Mpaminanin’Andriamanitra iray izy. Avy eo, dia famantarana iray ho an’ny Israely ihany koa izy, ka afaka nanidy ny lanitra izy na nanokatra ny lanitra, raha niriany izany. Azo antoka fa izany izy.

Teneno amiko ny anankiray izay afaka manidy ny lanitra, asehoy ahy ny anankiray izay afaka manokatra ny lanitra, ankoatran’Andriamanitra. Ary ny Tenin’Andriamanitra, na, ny Tenin’Andriamanitra dia miaraka amin’ireo mpaminany.

¹⁴⁵ Mikaia, famantarana iray ho an’i Josafata. Mikaia dia famantarana iray ho an’i Josafata, hoe mitahiry mpaminany marina iray eo an-tànana Andriamanitra.

¹⁴⁶ Mariho ankehitriny. Nanana mpaminany efajato izy, nanana i Ahaba, ary niantso an’ireo mpaminany efajato ireo izy. Ary tamin’ny saina iray no nitenenan’izy ireo taminy. Ary kanefa, tao am-pon’i Josafata tao, lehilahin’Andriamanitra iray, dia fantany fa nisy zavatra tsy nety tao. Fantany fa nisy zavatra tsy nety tao. Hoy izy hoe, “Tsy manana anankiray amboniny ve ianao?”

¹⁴⁷ “Aorian’ireo efajato mitsangana eo ireo ve?” Hoy izy hoe, “Mpaminany ireo rehetra ireo, mpaminanin’i Jehovah.” Teo ireo—ireo Metodista, ireo Batista, ny Presbyterana, ny an’ny Tokana, oh, oadray, oadray, ireo Triniterana, ary ny karazany samihafa rehetra. “Manana azy rehetra ireo isika eto, ary amin’ny saina iray no ilazan’izy ireo fa ity no firenena lehibe indrindra izay misy. Tsy misy na inona na inona atahorantsika.” Tahaka ny zazalahy kely iray izay nisiotsioka teo an-tokotanim-pasana, fantatrareo, nefo natahotra izy. Aza manahy ny amin’izany ianareo.

Hoy izy, “Fa tsy manana anankiray amboniny ve ianao?”

Hoy izy, “Oh, eny, misy anankiray hafa eto, saingy,” hoy izy, “halako izy.” Hitanareo? Hoy izy, “Miteny zavatra ratsy mikasika an’ity firenena ity foana izy. Milaza zavatra ratsy izay hitranga aminay foana izy.”

¹⁴⁸ Hoy Josafata hoe, “Izaho dia—tiako ny hihaino azy.” Oh, eny!

Inona izy? Famantarana iray. Tsy mampaninona na firy ireo rafi-pandaminana na anaram-piangonana, mbola manana mpaminany iray foana Andriamanitra izay mijanona amin’ny Teny.

¹⁴⁹ Fantatr’i Josafata fa efa voaozona i Ahaba, satria ilay tena mpaminany, Elia, izay efa famantarana ho an’ireo firenena, dia nanao hoe, “Ireo alika no hilelaka ny rànao, ho tonga eto.” Marina izany. Fantany fa izy sy Jezebelo no nanao an’izany ho tonga amin’izy ireo. Fantany fa izany ilay izy. Hitanareo?

¹⁵⁰ Ary Mikaia, nilaza i Mikaia... Izy ireo—nanatona azy izy ireo ka nanao hoe, “Ankehitriny, ho teneniko aminao, raha te-hiditra ao amin’ilay fikambanana manaraka ianao, dia ho teneniko aminao izay ataonao. Maneke fotsiny ianao fa marina ny an’ireto mpitory teny rehetra ireto. Hitanareo? Teneno aminy hoe, ‘Miakara.’” Ary hoy izy, “Maneke fotsiny ianao.” Hoy izy, “Ho teneniko aminao izay hataonay. Izahay dia hanao... Hojerenay izay hahatafiditra anao ao anatin’ny rafi-pandaminanay, raha hanao an’izany fotsiny ianao, hitanao, raha hanao marimaritra iraisana fotsiny ianao eo amin’ireo zavatra vitsy izay resahanao eto ireo. Asehoy fotsiny, mandehana, maneke azy ireo, mandehana miaraka amin’izy ireo.” Hah-hah! Azonareo eritreretina ve ny mpaminanin’Andriamanitra marina iray hanalavitra ny Tenin’Andriamanitra? Azonareo ve?

“Eny,” hoy ireo lehilahy ireo, “saingy, nahita fahitana iray izahay,” ireto mpaminany efajato ireto. “Fantatray. Mpaminany izahay. Fantatray, satria mpaminany izahay.”

¹⁵¹ Hoy i Mikaia hoe, “Tsy misalasala aho fa nahita fahitana iray ianareo. Tsy misalasala an’izany aho na kely aza, fa nahita ianareo, fahitana iray, saingy tsy arak’ity Teny ity ilay izy.” Amena. Hoy izy, “Izaho dia nahita fahitana iray, ihany koa.”

Amena. Oh, mamindrà fo! Famantarana iray izy. Famantarana iray izy. Hoy izy hoe, “Nahita fahitana iray aho, ary nahita ny Isirael, tahaka ny ondry, nihahaka teny amin’ny havoana iray, tsy nanana mpiandry.”

Ary ity mpanara-maso ambony goavana ity, eveka, dia nandroso ka namelaka azy teo amin’ny vava. Hoy izy, “Taiza no nandehanan’ny Fanahin’Andriamanitra rehefa niala tamiko Izy?”

¹⁵² Hoy izy hoe, “Ho hitanao rehefa ao an-tranomaizina ianao. Ho hitanao.”

Izy, hoy Ahaba hoe, “Ataovy ao an-tranomaizina io zalahy io. Fahano an’io mofom-pahoriana io izy, ary omeo ranom-pahoriana, ho sotroina.” Hoy izy, “Rehefa miverina soamantsara aho,” hoy izy, “amin’izay fotoana izay dia izaho no hikarakara azy.”

¹⁵³ Nitsangana teo i Mikaia antitra niaraka tamin’ny HOY NY TOMPO HOE. Hoy izy hoe, “Raha hiverina mihitsy ianao, dia tsy niteny tamiko Andriamanitra.” Ham! Izay ilay izy. Inona izy? Famantarana iray izy, fa ireo mpaminanin’i Jehovah, ireo mpaminanin’Andriamanitra, dia mijanona amin’ny Tenin’Andriamanitra.

¹⁵⁴ Raha manana mpaminany iray ianareo izay milaza fa ianareo dia tokony hatao batisa amin’ireo titra an’ny “Ray, Zanaka, Fanahy Masina,” dia mpaminany sandoka iray izany. Raha milaza ianareo fa misy mpaminany iray eo anivonareo, izay manao hoe, “Misy Andriamanitra telo,” dia mpaminany sandoka iray izany. Tsy misy Soratra ho an’ny anankiray amin’izany. Marina izany. Fa ny mpaminanin’Andriamanitra marina iray dia hijanona amin’ity Teny ity. Ary raha mifanohitra amin’ity Teny ity ny fahitany, dia tsy mpaminany marina iray avy amin’Andriamanitra izy.

¹⁵⁵ Na aiza na aiza, ao amin’ny Baiboly, dia tsy nisy olona iray hany natao batisa tamin’ny titra an’ny “Ray, Zanaka, Fanahy Masina.”

¹⁵⁶ Jereo i Paoly, tao an-tranomaizina tao, Jiosy kely iray, mifaingoka orona, sola loha, nandry tao, nandany roapolo taona, tao an-tranomaizina Romana iray. Izy no nanoratra an’ireto epistily ireto. Ankehitriny, inona no heverinareo ny amin’izay noeritreretin’ireo vehivavy mpitory teny mikasika an’i Paoly, rehefa hoy izy hoe, “Aoka ny vehivavy hangina ao ampiangonana. Tsy avelako hiteny izy ireny”? Ataoko fa afaka nandresy lahatra azy marina tokoa izy ireo.

Inona no heverinareo an’izay noeritreretin’ireo eveka, ireo eveka, rehefa nilaza an’ireto zavatra samihafa rehetra ireto izy hoe, “Ajanony ity karazan-javatra eto ity, sy ity eto ity, ity rehetra ity, itsy,” i Paoly niteny tamin’izy ireo? “Iza io zalahy io,

na ahoana na ahoana, io zalahy izay mandry ao an-tranomaizina eo io?" Saingy efa nifanena tamin'i Jesosy izy. Fantany izay noresahany.

Ary avy tao amin'io vondrona iray io ihany, taorian'ny fahafatesan'i Paoly, dia nanao izy ireo tamin'ny farany, avy tao amin'io andiana eveka sy olona ambony io, tao amin'ny Fivoriambé Niseana, ka izany no nanao an'ilay fiangonana Katolika, hanalavitra ny Tenin'Andriamanitra. Teo no tonga ny "Ray, Zanaka, Fanahy Masina" anareo. Mihika ny olona rehetra aho, hatraiza hatraiza, ny firenena rehetra, mba hanohitra an'izany.

¹⁵⁷ HOY NY TOMPO HOE. Ny batisa mampiasa ny titra an'ny "Ray, Zanaka, Fanahy Masina" dia sandoka. HOY NY TOMPO HOE. Mandidy ny tsirairay avy aminareo aho, eto na eo amin'ny horonam-peo, izay tsy natao batisa tamin'ny Anaran'i "Jesosy Kristy," mba hatao batisa indray amin'ny Anaran'i Jesosy Kristy.

¹⁵⁸ Paoly, ao amin'ny Asa, 5:9, na, 19:5, dia nanao hoe, "Efa noraisinareo ve ny Fanahy Masina fony ianareo vao nino?"

Hoy izy ireo hoe, "Tsy fantatray na misy ny Fanahy Masina."

Hoy izy, "Noho izany dia ho amin'ny inona no nanaovana batisa anareo?"

¹⁵⁹ Hoy izy ireo, "Izahay dia natao batisa," saingy tsy tamin'ny batisa Kristiana.

"Ray, Zanaka, ary Fanahy Masina" dia tsy batisa Kristiana. Tsy nisy Kristiana hany natao batisa tahaka an'izany, ao amin'ny Baiboly na an-jatony taona taorian'ny Baiboly. Faneke-pinoana Katolika iray izany, fa tsy Foto-pampianarana Kristiana iray. Asehoj ahy ao amin'ny Baiboly. Izany dia—fitaka iray izany. Asan'ny devoly izany.

Ny tiako lazaina dia tsy hoe ireo olona izay natao batisa tahaka an'izany no tahaka an'izany. Manana olona betsaka Andriamanitra any androany izay tsy mahafantatra tsratsara kokoa.

¹⁶⁰ Fa, tonga ny ora, tsy maintsy miverina amin'ny Teny isika raha manantena an'Andriamanitra hiasa amin'izao andro izao tahaka ny Nataony tamin'izany.

¹⁶¹ Nilaza tamin'ny reniko aho rehefa teo am-pahafatesana izy, talohan'ny nahafatesany. Hoy aho hoe, "Neny, rehefa lasa Kristiana aho, mbola zazalahy iray, dia nanomboka nitady ary nahita. Fantatro fa nisy Andriamanitra iray, avy tamin'ireo fahitana izay fantatralo, sy ireo zavatra izay nitranga nandritry ny fiainana rehetra." Hoy aho hoe, "Avy eo dia nahita ny fiangonana Katolika aho nanao hoe, 'Izahay no fiangonana. Tsy manao fahasamihafana izay lazain'ny Baiboly. Mino izahay fa marina daholo Izany, saingy, izahay no fiangonana. Izay

lazainay, dia fatoran'Andriamanitra any An-danitra.' Ary noho izany, avy eo, dia manao an'ilay izy tahaka an'izao izy ireo. Vatana anankiray izany. Hoy ireo Loterana hoe, 'Diso izy ireo. Izahay dia mino an'izany tahaka an'izao.' Hoy ireo Batista hoe, 'Diso izy rehetra. Izahay dia mino an'izany tahaka an'izao.' Ary misy an-jatony amin'ireo vatana ireo."

Nahoana, ahoana no mba ahafahanareo hanana finoana? Iza amin'ireo no marina? Misy Zavatra anankiray marina. Tsy fantattro Izany tamin'izany.

¹⁶² Hoy aho hoe, "Neny, niverina tamin'ny Baiboly aho ka nahita ny lâlan'ireo apostoly voalohany, karazana fiangonana inona no nananan'izy ireo, toy ny ahoana no nampianaran'izy ireo, sy ireo zavatra izay nataon'izy ireo. Nataoko marina tokoa arak'izay nanaovan'izy ireo azy izany, araka ny nolazain'ny Baiboly, ary manana an'ilay vokatra iray ihany aho." Amena. Mamelâ an'ilay fitenenana, saingy ny—ny porofon'ny fahatsarana dia ny fampiasana azy. Marina izany. Manana an'ireo vokatra iray ihany izay nananan'izy ireo. Eny.

¹⁶³ Noho izany, tsy afaka mametraka fahatokiana eo amin'ny zavatra iray izay misy fanao sivinjato samihafa ianareeo, amin'ny fandehanana amin'ity lâlana ity sy *itsy* lâlana *itsy*.

Tamin'izay fotoana izay dia hitako, tao amin'ny Baiboly, fa Jesosy no nilaza, Izy tenany hoe, "Raha misy olona hanaisotra Teny anankiray, na hanova an'Izany, ao amin'ity Boky ity; olona iray hanampy zavatra iray amin'Izany, na hanaisotra zavatra iray amin'Izany; dia mitovy ihany fa hesorina, ny anjarany avy ao amin'ny Bokin'ny Fiainana." Naneho fa nanana ny anarany izy tao, mety tsara, saingy hesorina. Oh!

¹⁶⁴ Tsy maintsy miverina amin'ity Teny ity isika. "Ny lanitra sy ny tany ho levona, fa Ny Teniko tsy ho diso mihitsy." Eny, tompoko. "Aoka ny tenin'olona rehetra ho lainga. Ny Ahy ho marina," hoy Jesosy. Ndao isika hijanona amin'ny Teny. Hia. Oh, oadray! Hia.

¹⁶⁵ Fantatr'i Josafata fa Andriamanitra dia mitahiry tena mpaminany iray, marina izay mijanona amin'Ny Teniny ary tsy hanao marimaritra iraisana amin'Izany. Tsia, tompoko.

¹⁶⁶ Nijanona tsara tamin'Izany izy. Efajato no nanohitra azy, niaraka tamin'ireo faminaniany, ihany koa. Saingy ny azy no Tenin'Andriamanitra, niaraka tamin'ilay famantarana iray ihany sy ny sisa.

Ary milaza aho, androany, fa ny ilaintsika androany dia lehilahy iray, mpaminany iray, mitsangana eo anivontsika, izay hijanona amin'ny Tenin'Andriamanitra tsy mampaninona izay lazain'olon-kafa, na izay nolazain'ny anaram-piangonana.

¹⁶⁷ Tsy nanana fiaraha-miasa i Mikaia. Tsy nanana fiaraha-miasa i Mosesy. Tsy nanana fiaraha-miasa i Noa. Tsy nisy iray

tamin'izy ireo, fotsiny, hany nanana fiaraha-miasa. Nanohitra azy rehetra izany. Fa izy ireo no famantarana ao amin'ireo andro ratsy alohan'ny andefasan'Andriamanitra fitsarana. Ary mihazona Ny Teniny Andriamanitra ary mila Ny Teniny hazonin'ny Olony. Deraina ny Tompo.

Ankehitriny, midina eo amin'ny famaranana, mandrity ny minitira vitsy fotsiny ankehitriny. Henoy tsara ankehitriny.

¹⁶⁸ “Nisy lehilahy iray nirahin’Andriamanitra ka ny anarany dia Jaona,” mpaminany famantarana iray. Talohan’ny hany nahatongavan’i Jesosy teto an-tany, mba hanambara ny Tenany, dia naniraka mpaminany iray Izzy teo Alohan. Nataony ve izany? Nandefa mpaminany iray Izzy, ilay Elia an’ny Testamenta Taloha, dia naminaniana fa ho avy amin’ny herin’i Elia an’ny Testamenta Taloha. Tsy maintsy ho mpaminany famantarana iray izy hoe ho tonga Jesosy, hoe tsy maintsy hisy Mesia iray ho tonga.

¹⁶⁹ Ary nivoaka avy tao an-efitra i Jaona, izy no famantarana iray hoe eny amin’ny Lèlany ny Mesia. Rehefa niseho i Jaona, dia tokony ho nahafantatra ny Israely, tamin’ny alàlan’ireo mpaminaniny.

Eo no mahadiso ny olona amin’izany. Tsy mino ny mpaminaniny izy ireo. Tsy mino izy ireo. “Tsy mino izahay fa izay nolazain’i Petera dia marina mihitsy, tamin’ny Andron’ny Pentekosta.” Tsy mino izy ireo fa marina izany. Tsy mino an’izay nolazain’i Paoly izy ireo, ilay zavatra iray ihany izay nolazain’i Petera. Hoy izy, “Raha misy Anjely iray avy any An-danitra mitory teny hafa iray, dia aoka izy ho voaozona.” Tsy mino an’izany izy ireo. Hitanareo? Tsy mino an’izany izy ireo.

Ary tsy nino ny mpaminaniny izy ireo. Raha nahafantatra izy ireo, dia ho nahafantatra an’izay nolazain’i Isaia hoe, “Hisy feon’ny anankiray izay miantsy mafy any an-efitra, mba hanamboatra ny lèlana eo alohan’ny Tompo.” Tokony ho nahafantatra an’izany izy ireo. Mpaminany iray izy, andriana iray amin’ireo mpaminany. Niteny tamin’izy ireo izy, saingy tsy nino an’izany izy ireo. Tsia, tsia. Hoy izy hoe, “Hisy Mesia iray ho tonga.”

¹⁷⁰ Ity lehilahy ity dia lehilahy iray nirahin’Andriamanitra. Oh, rahalahy! Tsy nanana mpanaraka izy. Nanome azy mpanaraka iray Andriamanitra, ondry vitsy, tahaka ny Nataony tamin’i Elia. Nomen’Andriamanitra azy ny mpanaraka azy. Tsy azony avy tamin’ny rafi-pandaminana ara-politika iray izany. Nitony ny Teny izy, nijanona teo amin’ny Tenin’Andriamanitra, ka Andriamanitra no nanome azy ondry vitsy. Nijanona teo amin’ny Tenin’Andriamanitra i Elia. Nomen’Andriamanitra ondry vitsy izy.

¹⁷¹ Tsy nanana fiaraha-miasa ity lehilahy ity. Tsy nanana mpanaraka izy, tsy nanana fiaraha-miasa, tsy nikambana

tamin'ny anaram-piangonana, tsy nangataka na inona na inona ary tsy natahotra na inona na inona. Jaona izany. Nahoana? Lehilahy iray nirahin'Andriamanitra izy. Izany no antony nahatantesany. Izy no Elia nitsangana teo, mba hanaporofo tamin'ny olona fa ho avy ny Mesia. Hoy izy hoe, "Izaho no feon'ilay miantsso mafy any an-efitra, araka ny nolazain'ny mpaminany Isaia. Miomàna hihaona amin'ny Tompo."

¹⁷² Nitsangana teo ireo Fariseo sy Sadoseo ka niady hevitra mikasika ny akanjon'izy ireo sy ny sisa. Raha mbola niady hevitra sy nifamaly mikasika an'izany mihitsy izy ireo, dia tonga teo afovoan'izy ireo mihitsy ilay Mesia, nandeha.

¹⁷³ Hoy i Jaona hoe, "Indro, io Izy." Haleloia! Diniho izy. Izy no nampidittra Azy. "Io Izy. Mitsangana eo anivonareo mihitsy Izy ankehitriny."

Saiky tamin'io fotoana io, dia nierona ny lanitra. Niditra tao anaty rano Jesosy. Ary nanambara i Jaona, fa nahita ny Fanahin'Andriamanitra, tahaka ny voromailala, tonga nidina. Niantsoantso ny Feo iray hoe, "Ity ny Zanako Malalako Izay Strako hitoerana." Oh, oadray, oadray!

¹⁷⁴ Hoy i Jaona hoe, "Ankehitriny dia tsy maintsy mihena aho. Izy hitombo." Oh, mpaminany iray toy ny inona, famantarana iray ho an'ny Isirael! Eny, tompoko.

¹⁷⁵ Lehilahy iray nirahin'Andriamanitra izy, na dia mpisorona iray aza ny rainy. Oh, eny. Ny rainy, Zakaria, dia mpisorona iray. Fa efa voamarikareo ve? Andriamanitra dia tsy namela an'io mpaminany io hikorontana miaraka amin'ireo rafi-pandaminan'izy ireo. Ho nentin'ny rainy nankao amin'ny sekolin'ny teolojia izy, ho ao amin'ilay anaram-piangonana malaza *Izao-sy-izao*, nanao azy ho mpitoriteny tsara iray, fantatrareo, ary nanofana azy tanteraka, sy nanome azy karazan-javatra betsaka manontolo izay tsy tokony hananany. Fa tsy namela ny fanahiny ho voaloto Andriamanitra. Azonareo ve? Tsy afaka namela an'io lehilahy io hikorontana miaraka amin'ireo rafi-pandaminana Izy. Tsy nikambana tamin'ny iray tamin'izy ireo izy, tsy nisy sekta, Fariseo, Sadoseo, na Herodiana, na mety ho inona ilay izy. Tsy namela an'izany Andriamanitra.

¹⁷⁶ Nanana fahaterahana hafahafa izy. Zaza iray hafahafa izy. Mpaminany iray izy. Mpisorona iray ny dadany, saingy tsy namela azy hikorontana miaraka amin'ireo mpihatsaravelatsihiny rehetra Izy, ireo fivavahana Fariseo sy ny sisa. Inona no Nataony? Nentiny nankany an-efitra izy ary nanofana azy tany an-tany efitra.

¹⁷⁷ Fiofanana iray toy ny inona! Amena. Nanofana azy tamin'ny alàlan'ny fahatsapana Izy. Izany ilay tsara indrindra, mahafantatra an'Andriamanitra. Rehefa nivoaka izy, dia

fantany marina tokoa hoe inona ilay fanirahany. Andriamanitra no nanamarina an'io fanirahana io.

Taiza no Nanamarinany an'izany? Teo amin'ny renirano. Ankehitriny, raha afaka manao roa ampiana roa ianareo. Hitanareo? Teo amin'ny renirano!

Hoy izy, "Izaho no feon'ny anankiray izay miantso mafy any an-efitra hoe, 'Amboairy ny lâlan'ny Tompo, ataovy mahitsy ny Lâlany."

¹⁷⁸ Jaona, lehilahy iray nirahin'Andriamanitra. Tsy namela azy ho voaloto amin'izany Andriamanitra. Nanofana azy tany an-efitra Izy, tamin'ny alâlan'Andriamanitra. Izy dia nanofana azy tsy tao amin'ireo sekolin'izy ireo, tsy tao amin'ny teolojian'izy ireo. Raha nanao Izy, dia ho nampianarina tanteraka tamin'izany karazan-javatra izany izy tahaka anareo mivoaka avy amin'ireo sekoly amin'izao andro izao, ireo karazan-tsekoly rehetra. Tsy hoe ny Presbyterana fotsiny, Batista ary Metodista, fa ireo sekoly Pentekotista, dia ratsy mihitsy, ny tsirairay avy amin'ireo sekolin'ny teolojia ireo, dia mamoaka azy ireo avy ao. Oh!

¹⁷⁹ Ny fihaviany, niteny fa ny Fanahy, an'i Isaia. Ny fihaviany, ny fihavian'i Jaona, dia efa voalaza mialoha tao amin'ny Soratra. Hoy ny Isaia 40:3 hoe, "Izaho haniraka ny Irako eo Alohako, hanamboatra ny lâlana," na, ny Malakia 3 izany. Nilaza... Malakia 3 no nilaza fa Izy dia haniraka ny Irany eo Alohany. Ilay mpaminany, ilay mpaminany farany, dia niresaka ny aminy. Ilay zavatra farany izay niresaka ny aminy. Tsarovy, ilay Boky farany an'ny Testamenta Taloha dia niresaka fa Elia dia ho tonga eo amin'ireo zanak'Israely mialohan'ny fisehoan'ny Mesia.

¹⁸⁰ Vonona ve ianareo? Ny Boky farany ao amin'ny Baiboly, ny Apokalypsy, dia maneho amintsika fa hisy ny fiverenany amin'ny andro farany, ho an'ilay fiangonana Jentilisa, famantarana iray. Toy ny ahoana no nahadiso azy ireo an'izany! Naminaniana izy fa hiverina indray, mialoha indrindra an'ilay Fihaviana lehibe sy faharoa an'ny Tompo. Ao amin'ny Mal... Ao amin'ny Malakia ny toko faha-4, ao amin'ny Apokalypsy ihany koa, ny toko faha-3, dia miteny amintsika fa ho eto izy amin'ny andro farany. Io anankiray io ihany, izay hitsangana eo amin'ny banga ho an'ny olona, miaraka amin'ny ondry vitsy izay homen'Andriamanitra azy, ho tonga izy amin'ny andro farany. Andriamanitra no niteny an'izany. Ho famantarana iray ho an'ity firenena Jentilisa ity izy, hoe tsy hisy intsony ny androny.

¹⁸¹ Ary, tsarovy, rehefa miseho eo amin'ny sehatra izy, dia antomotra ilay fotoana. Ndao isika hivavaka mba handefasan'Andriamanitra azy. Antomotra ny fotoana.

¹⁸² Vantany vao nifarana ny asam-panompoany, dia naneho ny Tenany ny Mesia. Vantany vao ho tonga ity anankiray lehibe

ity amin'ny andro farany, hamarana ny asam-panompoany, dia haneho ny Tenany ny Mesia. Ho tahaka an'izany ilay izy. Antomotra ilay fotoana, noho izany dia tsaratsara kokoa amintsika ny mivavaka. Tsaratsara kokoa aminareo ny manomboka mivavaka.

¹⁸³ Ny famantarany nomen'Andriamanitra ho an'ity taona ity no hanaporofo hoe inona izy. Hahafantatra an'izany ny olona rehetra. Hanamarina an'izany Andriamanitra. Haneho famantarana sy fahagagana izay toy ny tsy mbola natao teto an-tany mihitsy izy, amin'ny alàlan'izany. Ny tiako lazaina dia tsy hoe mihendratrendratra, mihovitrovitra, ary miteny amin'ny fiteny tsy fantatra. Hiverina hiaraka amin'ny Tenin'Andriamanitra izy, tahaka an'ity lehilahy ity. Nahoana? Efa naminaniana izy ny amin'ny fihaviana, ao amin'ny Malakia 4 sy Apokalypsy 3, noho izany dia ho avy izy. Tsy misy na inona na inona hampijanona azy; ho avy izy. Amena. Ho eto izy. Amena. Aoka ny olona ho lavo eo amin'ny tavany androany ka hanomboka hiantsoantso an'Andriamanitra, dia diniho izay mitranga. Hahita azy hiseho amin'ny hery ianareo. Eny, tompoko.

¹⁸⁴ Araka ny Soratra, ny Hafatra famantarany dia ho “ny famerenana.” Ho inona ny...Ahoana no hahafantarantsika ny maha-izy azy? Ahoana no hahafantarantsika fa izany ilay anankiray marina?

¹⁸⁵ Fantatrareo, nanontany an'izany ny Isiraely indray mandeha, ao amin'ny Deoteronomia, toko faha-20...andininy faha-20, mino aho fa izay ilay izy. Hoy izy hoe, “Ahoana no hahafantarantsika fa ho io ilay anankiray marina?”

Ahoana no ahafantarantsika? Niteny tamintsika Andriamanitra fa ho fantatsika izy. Inona no hataony? “Hamerina ny fon'ireo zanaka hiverina amin'ny Hafatra pentekotista tany am-boalahany tany amin'ny fiandohana izy.” Oh, oadray!

¹⁸⁶ Famantarana iray izay notsinontsinoavina, ilay tena famantarana, nefo diso an'izany izy ireo. Diso foana izy ireo.

¹⁸⁷ Miverena amin'ilay Fiangonana marina, ilay Hafatra marina! Hitoetra irery hanohitra ny anaram-piangonana izy, sahy sy tsy manan-tahotra, miaraka amin'ny HOY NY TOMPO HOE. Tsy hanao marimaritra iraisana amin'ny anaram-piangonana izy. Tsy hisy hidirany amin'ny anankiray; tsy hisintona tady amin'ny inona na inona. Hahitsy eo amin'ny Teny izy, HOY NY TOMPO HOE. Hanamarina ny asam-panompoany amin'ny famantarana sy fahagagana Andriamanitra, fanambarana lehibe an'ny Teny, ary mitondra ho an'ny olona. Andro iray toy ny inona no antomotra! Tahaka... Hitsangana tahaka ny nataon'i Petera sy Jaona izy, taorian'ny, tamin'ny Andron'ny Pentekosta.

Taorian'ny Pentekosta, izay nahafeno ny Fanahy Masina azy ireo, natao batisa tany, dia nitsangana tao amin'io fitsaran'ny Synedriona io izy ireo. Nitsangana teo niaraka tamin'ny fahasahiana rehetra izay azo nitsanganana izy ireo. Fa, hoy izy ireo hoe, "Mandrara anareo izahay tsy hampianatra amin'ny Anaran'i Jesosy, intsony."

¹⁸⁸ Hoy izy hoe, "Tsara ho anay ve ny mihaino anareo, sa Andriamanitra? Tsarao ny tenanareo." Tsy mahay, tsy nianatra. Amena. Mpaminany izy ireo. Mpaminany voahosot'Andriamanitra izy ireo. Famantaran'ny Fanahy Masina izy ireo. Mpaminany izy ireo. Nahafantatra izy ireo.

¹⁸⁹ Tahaka an'i Jaona mihitsy izy ireo. Efa tao amin'ny Pentekosta izy ireo ary nahita zavatra.

Tsy tahaka ny ankamaroan'ireo mpitoky tenintsika amin'izao andro izao izy ireo, matikambo, misehoseho ny amin'ny hoe rafi-pandaminana lehibe toy ny inona no ananantsika, firy no ananantsika ao amin'ireo vondrontsika lehibe. "Mitsangana ho rafi-pandaminana lehibe iray izahay. Manao asa misionera lehibe izahay." Oh, mamindrà fo! "Oh, izahay no vahoaka betsaka goavana noho ny sisa rehetra amin'izy ireo." Inona izany? Fisintonana ara-politika iray izany. Tiako ianareo hihaino tsara, mandritry ny roa, telo minitra manaraka. Fisintonana ara-politika iray.

¹⁹⁰ Azo antoka fa nilaza zavatra iray aho, minitra vitsy lasa izay, fantatrareo izay resahako. Famantarana iray izay naminaniana. Navelako nipetraka tsara ilay izy, napetrako eo amin'ny lohalikareo. Hitanareo? Eny, tsy ianareo eto ihany, fa ireo izay hihaino. Eo amin'ny lohalikareo izany. Ataovy amin'izay tianareo anaovana azy izany. Mivavaha, dia diniho Andriamanitra mihetsika eo amin'ny sehatra. Diniho Izy manatanteraka Ny Teniny. Miandry Izy.

¹⁹¹ Rehefa ireo baomba atomika, ary matahotra ny olona; ary ny Pentagone, tsy fantatr'izy ireo izay hatao; ary ireo famantarana mahagaga eny amin'ny lanitra, ireo zava-boribory manidina, ary ny zavatra rehetra izay nolazain'Andriamanitra mialoha: Izao no fotoana ho an'io Elia io, (any ho any izy), mitsangana eo amin'ny sehatra.

¹⁹² Avelao ny olona, aoka io ondry vitsy io, io sisa nanamborana kely izay homen'Andriamanitra azy io, avelao io sisa nanamborana kely io handeha hiantso an'Andriamanitra, dia diniho izay mitranga. Hisy fanehoan-kery ara-pirenena iray. Hisy hery iray izay tsy mbola hitan'izy ireo mihitsy tany aloha. Ny olana amin'ilay izy, amin'izao fotoana izao, dia ho tara loatra ilay izy ho azy ireo amin'izay fotoana izay. Hikatona ireo varavarana. Noho izany, tsarovy, eo amin'ny andro farany isika. Mivavaha.

¹⁹³ Jereo amin'izao andro izao izay antsointsika hoe asampanompoana. Inona no ananantsika? Ankehitriny, eto am-pamaranana, dia tiako ny hilaza an'izao. Inona no ananantsika? Tsy manana na inona na inona isika. Ny sasany amin'ireo mpitarika malaza antsika, ireo evangelista malaza antsika; ny anankiray amin'ireo evangelista malaza antsika dia nanao hoe, "Raha afaka mahita folo isan-jato amin'ireo ahy niova fo aho mihazona, herintaona, dia tena hankasitraka aho." Nefa, tsy lavitra loatra noho i Finney akory aza tany aoriania, dia nanana fito amby sivifolo isan-jato tamin'izy ireo.

Paoly dia nanana zato ampiana an-jatony, an-jatony ampiana an-jatony. Nisy olona iray voavonjy, ary, tena feno izy, rahalahy, nandeha ary niteny tamin'ny olon-kafa iray izy; niteny tamin'ny olon-kafa iray izy; ary niteny tamin'ny olon-kafa iray izy; lasa an-tapitrisany. Nahoana? Nanana zavatra iray izy ireo. Teo amin'ny Teny izy ireo.

¹⁹⁴ Amin'izao andro izao, dia mieritreritra fotsiny ny amin'ny vahoaka betsaka goavana isika. Inona izany? Rafi-pandaminana iray ara-politika izany. Raha tonga isika, tonga ao amin'ny tanàna ny evangelista malaza iray, dia inona no tonga voalohany? Andian-dehilahy iray. Raha ireo Metodista rehetra, Batista, Presbyterana, izy rehetra, manamboamboatra fizarana kely izy ireo ka, izy ireo, "Afaka mitory an'ity fotsiny ihany ireo, fa tsy afaka mitory an'itsy izy, ary tsy afaka mitory an'ity izy, fa afaka mitory an'itsy," inona no anananareeo?

¹⁹⁵ Ary mandroso eo izy ireo, ireo vehivavy. Miresaka ny amin'ireo Pentekotista aho. Miditra eo ireo vehivavy, mankeo amin'ny alitara, manohy miangavy izy ireo.

¹⁹⁶ Efa nanohitra ny antso eny amin'ny alitara foana aho. Mety tsara ny ilazana an'izany. Tsy mino azy ireo aho. Tsy misy zavatra tahaka an'izany ao amin'ny Baiboly. Ahoana no ahafahan'ny olona iray ho tonga raha tsy Andriamanitra no miantsso azy? Tsy afaka misakana azy ianareo. Tsy mila miantsso na inona na inona ianareo. Andriamanitra no miantsso azy. Ny antso eny amin'ny alitara dia hevitra Metodista iray. Marina izany. Ireo antso eny amin'ny alitara, mihazona azy ireo, manao hoe, "John, fantatrao, ny reninao dia maty efa ela izay."

¹⁹⁷ "Ooh-ooh-ooh, eny, rahalahy, ooh-ooh!" Tsy izany no fiovam-po.

¹⁹⁸ Teto, hariva vitsy lasa izay, nanana fampisehoana iray isika tany Louisville, an'ny vehivavy iray nentina tao anaty vatam-paty iray, nandry teo ambonin'ny lampihazo iray an'ny tranon'ny fitaovam-piadiana. "Olona an-jatony," hoy izy ireo, "no nihazakazaka nankeny amin'ny alitara." Tsy fampitahorana iray ny Filazantsara. Tsy fahatsapana ara-pangorahana iray izany. Izany dia fiovam-po iray an'ny faharesen-dahatra.

¹⁹⁹ Diniho ireo fivoriana ireo, ireo evanelista malaza, ary na dia ao amin'ny asam-panompoako kely manetry tena aza, tsy manala tena aho. Matetika dia mahatsapa toy ny menatra aho, mivoaka. Marina izany. Inona no tokony ataontsika? Mitsangana ary manao antso eny amin'ny alitara ka mandresy lahatra azy ireo. Manatona eo ireo zazavavy kely, ary mitsako siligaoma, manao hoe, "Hitanao? Hitanao? Handeha aho. Ah-hah." Manatona eo ireo vehivavy, miaraka amin'ny volo tapaka sy tarehy miloko, ireo Pentekotista, ary miditra, dia mivoaka, ka milaza fa niteny tamin'ny fiteny tsy fantatra izy ireo. Nefa tsy hamela ny volony haniry mihitsy, ary mbola manao an'ilay zavatra iray ihany izay nataon'izy ireo foana. Hiteny amiko ve ianareeo fa izany no fiovam-po? Tsi-firaharahiana an'Andriamanitra izany. Hoy ny Baiboly hoe, "Fahotana sy fahafaham-baraka ho azy ireo ny manapaka ny volony." Ahoana no ahafahan'ny vehivavy iray manapa-bolo hanameloka vehivavy iray izay manisy loko eo amin'ny tarehiny? Mety tsara ny mihaino an'izany. Tonga ny ora, hany ka mipetraka eo amin'ny fototry ny hazo ny famaky. Ary ny hazo rehetra izay mitondra voa tsy tsara dia voakapa.

²⁰⁰ Inona ny olana? Ratsy izany. Satria, ireo mpitory tenintsika moderina, *mody-antsoina* eto, vahoaka betsaka goavana sy matikambo. Ireo rafi-pandaminana dia tsy mahafantatra betsaka mikasika an'Andriamanitra noho ny ahafantaran'ny Hottentot iray mikasika ny alina Egyptiania, rehefa tonga izany. Miakatra eo izy ireo . . .

²⁰¹ Ahoana moa raha ireo olona tamin'ny Pentekosta no niakatra teo ka nanao hoe, "Ankehitriny, Jesosy dia nandidy antsika fa tokony hiakatra eto isika ary hijanona mandrapandraisantsika ny hery avy any amin'ny Avo. Ankehitriny, ry rahalahy, efa sivy andro isika no teto, sahady. Ndao isika hanaiky an'ilay izy, amin'ny finoana. Ankehitriny, manana ny Fanahy Masina isika. Mivoaka isika, satria efa teto isika. Efa nanao an'izay notenenin'i Jesosy mba hataontsika ve isika"? Tsy ho nisy fahatsapana mihitsy teo.

²⁰² Mamelà ahy hiteny zavatra iray aminareo. Fantatro fa eo amin'ny horonam-peo ity, saingy indro tonga ilay izy, na ahoana na ahoana. Henoy. Hiteny zavatra iray aminareo aho. Henatra iray izany. Ny olona dia miezaka mba . . . Tsy nino mihitsy aho fa ny Fanahy Masina dia "fangovitana." Tsy nino mihitsy aho fa ny Fanahy Masina dia "porofon'ny fitenenana amin'ny fiteny tsy fantatra, na miantsoantso, na mikiakiaka." Fahatsapana ara-pientanam-po ireo. Mino aho fa afaka manao an'izany ny Fanahy Masina. Saingy ny Fanahy Masina dia fonenan'ny maha-Andriamanitra. Mino aho fa andian'olona lehibe iray izay mihambo ho manana ny Fanahy Masina, no tsy mahafantatra zavatra iray mikasika Azy. Mihaona amin'Andriamanitra ianareo.

²⁰³ Ahoana, tamin'ny Andron'ny Pentekosta, nilaza izy ireo... Ankehitriny, tahaka an'ireo Batista amin'izao andro izao, ny Presbyterana sy ireo Metodista, manontany aho hoe, "Mino ve ianareo fa manana ny...?"

²⁰⁴ "Oh, eny, manaiky Azy izahay, amin'ny finoana." Amin'ny finoana, tsy misy na inona na inona. Tsy izany Izzy.

²⁰⁵ Izany dia fahatsapana iray, tianareo ny hijery ny filentehan'ny masoandro, mitsangana ianareo ka mandinika ny masoandro milentika, ary mitomany, ka miraraka ireo ranomaso, tsy izany no Andriamanitra, fientanam-po izany, avy amin'ny zavatra iray izay ao anatinareo. Mandre ny amin'ny olona iray izay marary ianareo, na olona iray eo am-pahafatesana, miantsantso sy mitomany ianareo. Tsy Andriamanitra izany. Fientanam-pon'olombelona izany. Ahoana Andriamanitra...

²⁰⁶ Efa nahita olona tao amin'ny lalao baolina iray aho, lasa tena faly ka nampiambakambaka ny molony izy ireo, ny zavatra hafa rehetra. Aza miteny amiko.

Mila fifohazana iray isika, famonjena iray. Ary tonga ireo Pentekotista, manao ny olona hiasa, ary miteny amin'izy ireo hoe, "Rehefa miteny amin'ny fiteny tsy fantatra izy ireo, dia manana ny Fanahy Masina." Nefa ny sasany amin'izy ireo dia miaina an'ireo karazam-piaainana rehetra, aorian'izany.

Henoy, rahalahy. Tamin'ny Andron'ny Pentekosta, dia tsy tahaka an'izany. Tsy niankina tamin'ny fiteny tsy fantatra mihitsy izy ireo na inona na inona. Raha mbola teo izy ireo, nitsangana teo amin'ny toerana anankiray, iray saina, dia nidina Andriamanitra, ara-bakiteny, teo anivon'izy ireo. Izy ireo dia nahita, ny tsirairay avy tamin'izy ireo, an'ireo lela Afo, saiky tahaka an'izao, nihantona teo ambonin'ny lohan'izy ireo. Teo Andriamanitra. Izany dia tsy hoe, "Ekeo amin'ny finoana izany, na fientanam-po iray." Feno ny Fanahy Masina izy ireo, ary avy eo dia nivoaka ka nanomboka niteny tamin'ny fiteny tsy fantatra. Fa, voalohany, nihaona tamin'Andriamanitra izy ireo.

Izany no olona amin'izao andro izao. Lasa mikorontana ny olona ary taitaitra, fientanam-po, fa tsy izany no Fanahy Masina. Ny Fanahy Masina dia fonean'ny maha-Andriamanitra. Ny teninareo No Teniny. Teneniko aminareo, ny ilaintsika amin'izao andro izao, dia antso iray.

²⁰⁷ Miditra ny olona, ireo vehivavy tahaka an'izany, miditra, miteny amin'ny fiteny tsy fantatra, miverina mivoaka. Ary mandeha mankeo amin'ny toeran'izy ireo ianareo izay ananan'izy ireo ny fiangonany...

²⁰⁸ Naniry aho ny mba nipetrahan'i Billy teto. Nahazo taratasy iray mihitsy aho avy tany ho any, indray andro, izay nilazan'ny vehivavy iray hoe, "Izaho dia mikambana amin'ny anankiray,

malaza . . .” ilay rafi-pandaminana goavana indrindra an’ireo Pentekotista, rafi-pandaminana Triniterana goavana. Hoy izy ireo hoe, “Ny vehivavinay rehetra, Rahalahy Branham, ny rehetra dia manapaka ny volony. Nanana volo lava mainty aho.” Hoy izy hoe, “Efa tiako foana izany, satria nino aho fa avy tamin’ny Tompo izany.” Hoy izy, “Tsy nanao lokontarehy mihitsy aho. Ny fiangonanay dia mampianatra fa fanao fahiny izany.” Hoy izy, “Miteny amiko izy ireo, rehefa nanao ny voloko nihorona niolana aho, taorianana, nanao hoe, ‘Jereo, manana kodiarana noana iray ianao aorianana,’ sy ny rehetra tahaka an’izany. Hoy izy ireo, ‘Ianao dia mitondra kodiarana noana—noana iray aorian’ny lohanao.’” Ary hoy izy, “Farany, dia hoy ny vadiko hoe, ‘Nahoana ianao no tsy manapaka ny volonao ka ho tahaka ny sisa amin’izy ireo?”

Ankehitriny dia nandefa taratasy nankany aminy aho.

Hoy izy hoe, “Tahaka an’izany ve ilay izy? Nandre ny iray tamin’ireo horonam-peonao aho, hoe ny batisa Kristiana dia amin’ny Anaran’i Jesosy Kristy.” Ankehitriny, fantatrareo izay ho azony. Sa tsy izany? Hoy izy hoe, “Teneno amiko, Ranadahy Branham. Noana aho. Tiako ho fantatra izay nataoko.”

²⁰⁹ Hilaza aho hoe, “Mbà menatra io vadinao niverin-dàlana io. Ary io vondrona tsy manana an’Andriamanitra izay iarahanao mivavaka io, mivoaha avy eo anivon’izy ireo.” Marina. Tsy afaka miova Andriamanitra. Rehefa milaza zavatra iray Andriamanitra, dia izany no Tiany lazaina. Tsy ahoako na firy ireo mpitoky teny miverin-dàlana te-hanao marimaritra iraisana, mba hahazoana rafi-pandaminana goavana iray na vondrona iray. Mila mpiresaka famonjena isika. Ireo lehilahy izay hitsangana ka hamela ny vadiny hanao tahaka an’izany, dia fahatokiana kely no ananako amin’ny fahatsapanareo ny amin’ny maha-Kristiana iray. Marina. Mibebaha, raha tsy izany dia ho levona! Oadray, mamindrà fo!

²¹⁰ Miditra tahaka an’izany, mikambana amin’ny fiangonana, ireo fiangonana Pentekotista, miverina mivoaka ary tsy miova mihitsy na kely aza; mijanona ho ilay zavatra iray ihany, tsy mihetsika mihitsy na kely aza. Oh, mamindrà fo! Inona izany? Ireo Jezebela moderina. Vehivavy anankiray ihany ao amin’ny Baiboly no mba nandoko ny tarehiny, ka nataon’Andriamanitra sakafon’alika izy. Ireo Jezebela moderina mitarika an’ireo Ahabany amin’ny vozon’akanjony, ny lehilahy iray sarimbavy kely izay hamela ny vadiny hanao tahaka an’izany, hanao sorta sy ny sisa, ary hivoaka eto an-dàlambe eto ary miakanjo ao anatin’ireo akanjo toy ny hoe hoditra tery tahaka ny saosisy tery tahaka an’izany izy. Ary mandeha . . . Tsy milaza an’izany ho vazivazy iray aho. Tsy toerana ho an’ny vazivazy ity. Ity no Tenin’Andriamanitra. Marina izany. Marina. Mandeha eny an-dàlambe, miaraka amin’ny akanjo iray tena tery, anaovana,

hany ka tsy afaka mamindra izy. Avy eo, raha misy lehilahy iray manao fanamarihana mikasika azy, dia te-hiady aminy ianareo. Ianareo no tokony hila kapoka amin'ny valanoranonareo, marina izany, nohon'ny namelàna azy hanao an'izany. Izany no maneho hoe vita avy tamin'ny inona ianareo. Tena marina tokoa izany.

²¹¹ Ny ilaintsika dia ny Filazantsara. Andriamanitra, manangàna olona iray eo amin'ny sehatra izay hiverina avy hatrany eo amin'ny Teny. Andriamanitra no nilaza fa zavatra tsy mendrika ho an'ny vehivavy iray akory aza ny ho tonga ao am-piangonana mihitsy ka hivavaka miaraka amin'ny volony tapaka. Ary ny vehivavy iray izay manapaka ny volony, dia...manana zò tanteraka ny lehilahy iray hanao fisaraham-panambadiana aminy. Vehivavy iray mahafa-boninahitra izy. Ny Baiboly no niteny an'izany. Mahafa-boninahitra ny vadiny izy. Mety tsy fantany angamba izany. Ny vehivavy iray izay hanao sorta dia mahafa-boninahitra. Mety tsy fantany izany. Ramatoa, tsy miezaka handratra anareo aho. Miezaka hamonjy anareo hiala amin'ny farihy afo iray aho, sy ny helo. Mibebaha!

²¹² “Eny,” hoy ianareo, “manana ny Fanahy Masina aho.” Avy eo ve dia mihetsika tahaka an’izany, miaraka amin’Andriamanitra monina ao anatinareo, ilay tena Andriamanitra mihitsy izay nilaza taminareo mba tsy hanao an’izany?

²¹³ “Eny,” hoy ianareo, “niteny tamin’ny fiteny tsy fantatra aho.” Izaho efa nahita devoly niteny tamin’ny fiteny tsy fantatra. Izaho efa nahita, tany Afrika, nisotro rà avy tamin’ny karandohan’olombelona, ary niteny tamin’ny fiteny tsy fantatra ka niantso ny devoly. Efa tao amin’ireo tobin’ny mpamosavy sy mpahay majika aho, izay nitenen’izy ireo tamin’ny fiteny tsy fantatra ary nandika an’izany. Efa nahita pensily nipetraka teo ambony latabatra aho ary nanoratra tamin’ny fiteny tsy fantatra, ka tonga ilay lehilahy, nandika an’izany. Marina ilay izy. Aza miteny amiko mikasika ny fiteny tsy fantatra. Manana betsaka loatra an’izany isika ankehitriny.

Kanefa, izaho dia mino fa manana fiteny tsy fantatra iray Andriamanitra. Izaho dia mino fa miteny amin’ny fiteny tsy fantatra Andriamanitra, saingy aza miankina amin’izany. Hoy i Paoly hoe, “Na dia miteny amin’ny fitenin’ny olona sy ireo Anjely aza aho, nefä tsy manana ny Fanahy Masina, dia mbola tsinontsinona aho. Na dia afaka mamindra tendrombohitra aza aho...”

²¹⁴ Olona maro no miezaka manao hoe, “Oh, *ity* dia lehilahin’Andriamanitra malaza iray. Tokony hijery an’ireo fahagagana lehibe ianareo.” Nahoana, ny devoly dia manasitrana...

Mivoaka ny devoly ary manao an’ireo zavatra tahaka an’izany. Fantatro fa mivoaka ireo mpamosavy, sy ny sisa tahaka an’izany, manana aron’akanjo iray manodidina azy tahaka

an'izao. Mameetraka vola ao izy ireo. Maka volo avy ao ambadiky ny lohany izy, manodinkodina an'izany ao anatin'ny rà ary manipy an'izany ao. Ary ireo olona ireo dia olona mahitsy fo, mino. Tsy io olona io ilay izy. Ilay izy dia ireo olona izay mino fa manatona an'Andriamanitra izy ireo, amin'ny alàlan'ilay mpamosavy.

²¹⁵ Tsy nilaza ve Jesosy hoe, “Maro no hanatona Ahy amin’izany andro izany, ka hanao hoe, ‘Efa nanao asam-panasitravana lehibe aho’”? Tsy izany no famantarana iray. Izany dia famantarana iray fa eo amin’ny farany isika. Tsy nilaza ve Jesosy, ao amin’ny Matio ny toko faha-24, eo amin’ny andininy faha-24, ihany koa, 24:24? Ary hoy Izy hoe, “Hitsangana ireo mpaminany sandoka amin’ny andro farany ka haneho fahagagana lehibe hany ka hamitaka an’ilay tena Voafidy izy ireo raha azo natao.” Fa mitsangana eo amin’ny Teny ilay Voafidy. Fantany hoe inona ny famantarana marina iray.

²¹⁶ Ahoana no ahafahan’ny lehilahy iray, izay manao an’ireo zavatra ireo, izay mandà ny Finoan’Andriamanitra, hilaza fa izy dia mpaminany iray avy amin’ny Tompo? Ahoana marina no ahafahan’ny lehilahy iray?

Mety ho mpaminany iray izy, tahaka an’ireo izay tany tamin’ny andron’i Ahaba sy Josafata, rehefa nitsangana i Mikaia. Saingy nanana anankiray izy ireo tany izay nitsangana teo amin’ny Teny, Elia. Ny Tenin’ny Tompo dia efa voasoratra, hoe ho tonga eo amin’ny fiafarany i Ahaba, ary ny fahitan’i Elia dia nifanaraka tamin’izany.

²¹⁷ Ary ny lehilahy rehetra, ny lehilahy rehetra izay miantso ny tenany ho ara-panahy na mpaminany iray, dia mahalala tsara fa ny Teny tsirairay an’Ity dia marina. Ahoana no ahafahany ho Triniterana iray? Ahoana no ahafahany hanao batisa amin’ny anaran’ny “Ray, Zanaka, ary Fanahy Masina,” nefà milaza fa voahosotry ny Fanahy izy? Ahoana no ahafahany hampianatra ny olona an’izany fahadisoana izany, nefà mbola voahosotry ny Fanahy foana? Tsy mety ho vita izany. Tsy azo atao iray izany.

²¹⁸ Fantattro fa tsy malaza izany. Saingy tsy te-halaza isika. Tehahitsy fo ianareo.

Ankehitriny, Jezebel sy ireo Ahaba. Eny, tompoko.

²¹⁹ Nahoana, nahoana izy ireo no manao an’izany? Nahoana ireo vehivavy no manao, manohy ny volony ho tapaka, sy manao lokon-tarehy, ary mivoaka ka manao sorta rehefa mandalo ireo lehilahy, sy ny sisa tahaka an’izany, ireo vadiny manao an’izany? Satria tsy manana mpaminany marina iray izy ireo eo amin’ny polipitranay, mba hiteny amin’izy ireo ny Fahamarinana. Izy ireo dia miteny amin’izy ireo hoe, “Eny, tsy misy fahasamihafana izany. Mety tsara izany. Tsy voatery hanao an’ity ianareo.” Ianareo!

²²⁰ Izany no Tenin'ny Tompo. Hoy ny Baiboly hoe, "Ny vehivavy rehetra izay hanao fitafian-dehilahy dia fahavetavetana iray eo anatrehan'Andriamanitra." Tsy miova Andriamanitra. Ahoana no Ahafahany miova ka ho Andriamanitra? Tsi-manam-petra Izzy.

²²¹ Mila mpaminany marina iray izy ireo izay hiteny amin'izy ireo fa izany no famantarana iray an'ny farany. Ny Baiboly dia nilaza fa hanao an'izany izy ireo. Isaia, ny toko faha-5, dia nilaza fa hanao an'izany ireo vehivavy amin'ny andro farany. Marina tokoa. Noho izany, dia eo izy ireo.

²²² Nefa milaza izy ireo fa manana mpaminany iray eo amin'ny polipitrany, matahotra ny Tenin'Andriamanitra. Tsy... Matahotra ny fiangonany izy.

Ndoa isika hivavaka amin'Andriamanitra mba handefa ho antsika an'io Hazavana farany io, ireo Hazavan'ny hariva, handefa ho antsika an'io anankiray izay Nampanantenainy halefa io, ho an'ilay Fianganana voafidy, izay hiteny amin'izy ireo hoe inona ny Fahamarinana, hitsangana eo amin'ny Tenin'Andriamanitra. Aoka ireo Jezebela sy ireo Ahaba, amin'izay fotoana izay izy ireo dia hanasaraka azy ireo. Marina tokoa izany.

²²³ Tsarovy rehefa manomboka mihetsika tahaka an'izany ireo vehivavy. Ankehitriny dia miverena kely fotsiny, rehefa manomboka nanapaka ny volony izy ireo ka nihetsika tahaka an'izany. Rehefa manomboka mihetsika tahaka an'izany ireo vehivavy, dia amin'izany fotoana izany sy amin'izany vanim-potoana izany no tsy maintsy isehoan'ilay Elia amin'ny andro farany eo amin'ny sehatra miaraka amin'ny famantaran'ny andro farany, miaraka amin'ny famantaran'ny andro farany tahaka ny tamin'ny andron'i Lota. Hitanareo? Ny famantaran'ny andro farany; rehefa manomboka mihetsika tahaka an'izany ireo vehivavy. Mihetsika tahaka an'izany izy ireo ankehitriny. Amin'izany fotoana izany no tsy maintsy hisehoan'ilay Elia eo amin'ny sehatra, mandraoka sy miantso, miteny mafy sy mamotika, marina, miaraka amin'ilay famantaran'Andriamanitra aoriany, mandroso. Tsy hiantso andiany goavana izy ankehitriny. Hoy ny Baiboly hoe, "Aza matahotra, ry ondry vitsy, fa sitraky ny Rainareo ny hanome anareo ny Fanjakana." Marina izany. Marina tokoa izany.

²²⁴ Tsy maintsy lavin'ny rehetra izy afa-tsy ilay ondry vitsy, satria izy dia tahaka an'i Elia niaraka tamin'ireo fitonjato, sy Jaona niaraka tamin'ny ondry vitsiny. Eny.

²²⁵ Hitanareo ve hoe aiza isika no mitsangana androany? Tsy maintsy miverina any amin'ny Pentekosta tany am-boalohany isika. Tsy maintsy miverina any amin'ireo zavatr'Andriamanitra isika. Tsy maintsy miverina isika. Rahalahy, ranabavy, aoka

tsy ho voafitaka ao amin'ny fahatsapanareo. Isika dia—miandry an'io ora io isika.

²²⁶ Aza maka fotsiny hoe, “Izaho—manantena aho fa izany. Mino aho, amin’ny finoana no anekeko an’Izany.” Aza manao an’izany. Mihaonà amin’Andriamanitra, mifanatrika, ary aoka ho fenoina ny Fanahy ianareo, ary amin’izay fotoana izay dia diniho izay mitranga. Ary raha mifanohitra amin’ity Teny ity io fanahy ao anatinareo io, amin’izay fotoana izay dia avelao hipetraka tsara io fanahy io. Mandehana maka ny... Mivavaha amin’Andriamanitra mba hanome anareo Ny Fanahiny, amin’izay fotoana izay.

²²⁷ Rehefa mitsangana io Fanahy io amin’ny andro farany, dia hampitandrina hanohitra azy ireo Izzy, ireo izay sandoka. Hitanareo? Satria, hoy i Jaona hoe, “Aza mihevitra ny hilaza amin’ny tenantsika hoe izahay...hoe ianareo ‘dia manana an’i Abrahama ho rainay.” Izahay dia manana ny... Izahay dia...

“Izahay, ireo rainay dia Metodista, Batista, Presbyterana, na Pentekotista.” Aza mihevitra ny hilaza, ianareo hoe, “Andriamanitra,” ary ianareo dia zanak’i Abrahama, fa Andriamanitra dia afaka manangana zanaka ho an’i Abrahama avy amin’ireto vato ireto. Aza mihevitra hoe satria Pentekotista ianareo, ka ho afa-tsiny. Tsia mihitsy. Andriamanitra dia afaka manangana zanaka ho an’i Abrahama avy amin’ireto vato ireto. Marina tokoa izany. Eny, tompoko.

²²⁸ Teneno fotsiny ny Tenin’Andriamanitra, ao amin’ny fahamarinan’ny andro farany, misy ny faminianiany.

²²⁹ Raha ianareo no...mamelà ahy hiverina fotsiny eto iray minitra fotsiny, mamelà ahy haneho aminareo hoe ahoana no ahafahantsika mahita. Manana Soratra betsaka aho voasoratra eto. Nitodika tamin’Izy ireo fotsiny aho. Tiako ny hamaky anankiray aminareo. Avy ao, ndao isika, aloha, ndao alaintsika...Ndao alaintsika ny Deuteronomia, ny toko faha-18, dia hahita isika, iray minitra fotsiny. Mba fotsiny, alohan’ny hamaranantsika eto, mba ahafahako mamaky an’ity Soratra ity aminareo. Ao amin’ny Deuteronomia, ny toko faha-18, eny àry, ary ndao jerentsika ankehitriny. Ny andininy faha-20-n’ny toko faha-18, Deuteronomia, 20:

Fa ny mpaminany, izay sahisahy hiteny teny iray amin’ny anarako, nefy tsy nandidy azy mba hiteny aho, na izay hiteny amin’ny anaran’ireo andriamanitra hafa (maro), dia ho faty izany mpaminany izany.

Marina izany. Maty ara-panahy. Eny àry. “Ny fanahy izay manota, dia ho faty izany.” Isika dia manana Andriamanitra anankiray, fa tsy “ireo Andriamanitra.”

Ary raha milaza ao am-ponareo ianareo hoe, Ahoana no hahafantaranay ny teny izay ny TOMPO no...tsy niteny?

“Ahoana no hahafantaranay? Hisy marobe amin’izy ireo, ahoana no hahafantaranay? Ity anankiray ity milaza an’itsy, ny iray hafa milaza an’ity; toy ny hoe ny anankiray milaza an’ity, ary ilay anankiray hafa nilaza an’itsy, sy ny sisa.” Diniho ankehitriny. Mahafantatra isika.

Rehefa miteny amin’ny anaran’ny TOMPO ny mpamianany iray, raha tsy manaraka ilay zavatra, na tsy miseho, dia izany ilay zavatra izay tsy notenenin’ny TOMPO, fa tamin’ny fahasahisahiana no nilazan’ilay mpamianany an’izany: ianareo aza matahotra azy.

²³⁰ Raha tsy Andriamanitra no nilaza an’ilay izy, amin’izay fotoana izay dia aza matahotra an’izany. Izany, mety tsara izany, mandrosoa fotsiny ka adinoy ny mikasika an’izany. Hitanareo?

²³¹ Ankehitriny jereo izay rentsika amin’izao andro izao. Fanekem-pinoan’ny Apostoly, ny fanekem-pinoan’ny Metodista, ny fanekem-pinoan’ny Batista, ny fanekem-pinoan’ny Pentekotista, ny fanekem-pinoana, fanekem-pinoana, fanekem-pinoana. Inona ny fanekem-pinoana iray? Aiza no ahitanareo an’izany? Mihaika ny olona rehetra aho mba haneho amiko an’ireo Fanekem-pinoan’ny Apostoly ao amin’ny Baiboly. Mino aho fa tsy misy zavatra tahaka an’izany.

Raha nanana fanekem-pinoana iray izay hany nifikiran’izy ireo ny apostoly, dia ity izany: “Mibebaha ny tsirairay avy aminareo, ary aoka hatao batisa amin’ny Anaran’i Jesosy Kristy ho an’ny famelàna ny fahotanareo, ary ianareo handray ny fanomezan’ny Fanahy Masina. Fa ny teny fikasana dia ho anareo.”

Tsy hitanareo ve hoe aiza no misy antsika, ry sakaiza? Ao amin’ny toerana iray mahatsiravina isika. Inona izany? Famantarana marina iray izay notsinontsinoavina.

²³² Ankehitriny, ianareo dia lehilahy sy vehivavy, ny ankamaroanareo, ary zanak’Andriamanitra ianareo. Aza manao tsinontsinona an’izany. Tsarovy fa natao hanana an’ireo zavatra ireo isika. Natao hitranga amin’izao andro izao izy ireo, ao amin’izao ora izay iainantsika ankehitriny izao. Izao ilay ora, mialoha indrindra ny Fihavian’ny Mesia, natao hisy filazana iray hivoaka avy amin’Andriamanitra.

Mamelà ahy hamaky an’izany ho anareo. Ndao isika hiverina amin’ny Malakia. Izany no faran’ny Testamenta Taloha, ka henoy izay Lazainy eto ao amin’ny Malakia. Amin’izay fotoana izay isika dia... Henoy ity vetivety fotsiny.

Ankehitriny, raha mahamarika ianareo, Malakia 3, miresaka fa Jesosy dia nilaza ny amin’ny fahatongavan’i Jaona:

Indro, izaho haniraka ny irako, ary izy no hanamboatra ny lâlana eo alohako: ary ny Tompo, izay tadiavinareo, dia ho tonga tampoka ao an-tempoliny, na dia ny iraky ny fanekena, izay irianareo aza: indro, ho avy izy, hoy ny TOMPON'ny maro.

²³³ Jaona izany, milaza ny fihavian'i Jesosy. Ary tonga tao an-tempoly Izy, izay Nolazainy marina tokoa, ilay Iraky ny fanekena, ilay Anjely izay niaraka tamin'ny...tany an-efitra niaraka tamin'ny—niaraka tamin'ireo mpianatra, na niaraka tamin'ny Isiraely. Mino ve ianareo fa Izy io Iraka io? Eny hoy Izy hoe, “Avy tamin’Andriamanitra Aho, ary handeha hankany amin’Andriamanitra Aho.”

²³⁴ Ankehitriny, nahoana no nomena aretina iray i Paoly? Mba hihazonana azy.

Rehefa avy maty Jesosy, sy nalevina, ary nitsangana indray; taorian'ny fotoana ela, dia nifanena Taminy i Paoly, nifanatrika, teo amin'ny lâlana nankany Damaskosy. (Hoy Izy hoe, “Avy tamin’Andriamanitra Aho, ary nandeha nankany amin’Andriamanitra.”) Niandranda i Paoly. Nisy Hazavana goavana iray teo, ilay Andry Afo iray ihany. Fantatrareo ve izay resahako? Ilay Andry Afo iray ihany. Ary niresaka Taminy i Paoly, dia namaly an'i Paoly Izy. Tsy nandre Azy ireo olona. Tsy nandre Azy izy ireo. Fa i Paoly no nandre Azy. Hoy Izy hoe, “Saoly, Saoly, nahoana ianao no manenjika Ahy?”

Hoy izy hoe, “Iza moa Ianao, Tompo?”

²³⁵ Hoy Izy hoe, “Izaho no Jesosy. Mitsangàna ankehitriny ka mandehana mankeo amin'ny lâlambe antsoina hoe Imahitsy. Hotenenina aminao izany manomboka eo. Manana mpaminany iray Aho ho tonga eo hiteny aminao izay hatao, hitanao. Ary ahoana no...”

²³⁶ Nazera i Paoly, natao batisa, ary niantso ny Tompo, nandray ny Fanahy Masina.

Ary hoy i Paoly hoe, “Nanana kileman’ny nofo iray aho, izay nomena ahy, devoly iray, iraky ny devoly iray, izay *mamely ahy*,” izany dia toy ny hoe, “famelezana aorian’ny famelezana.” Nihtatsratsara kokoa izy, ary avy eo dia mahazo an’izany, mamely azy indray. Hoy izy, “Nangataka intelo tamin’ny Tompo aho, mba hanaisotra an’izany hiala amiko, fa hoy ny Tompo hoe, ‘Paoly, ampy ny Fahasoavako.’” Avy eo dia hoy izy, “Fandrao hasandratra ambony aho... ny habetsahan’ny fanambarana.”

Nanana betsaka izy, tamin’ny alàlan’ny fanambarana, noho i Petera, Jakoba, Jaona, na ny rehetra tamin’izy ireo. Nahita Azy izy taorian’ny Nahalasanany nandrity ny roa taona angamba, na mihoatra, nitsangana tao anatin’ny Andry Afo iray, niresaka taminy. Lehibe lavitra toy ny ahoana amin’izao andro izao, roa arivo taona, nefá mbola velona foana Izy! Amena.

²³⁷ Hoy izy, “Nomena ahy, fandrao hisandratra ambony aho, hanao hoe, ‘Ankehitriny, ry rahalahy, izaho no amboninareo rehetra. Hitanareo? Izaho—nahita Azy aho taorian’ny Nitsanganany tamin’ny maty, ary niresaka Taminy. Izaho dia...’ Fandrao hisandratra ambony aho teo, dia nisy zavatra nomena ahy, mba hihazona ahy hanetry tena.” Hia.

²³⁸ Izy no anankiray izay niteny tamin’izy ireo mba haverina hataeo batisa, indray, amin’ny Anaran’i Jesosy. Hoy izy, “Raha Anjely iray avy any An-danitra...”

²³⁹ Hoy izy hoe, “Izaho dia tsy nandeha tany amin’ny sekolin’izy ireo, na taiza na taiza no nisy azy ireo.” Hoy izy, “Tsy niakatra tany Jerosalema avy hatrany aho, ary tsy tany nandrity ny efatra ambin’ny folo taona.” Hoy izy, “Nandeha nankany Egypta aho, nankany Azia tany.” Ary nanontany ny Tompo izy, tany teo amin’ny telo taona teo, nianatra ny Testamenta Taloha, nahita an’izany nifanaraka. Rehefa niverina izy, efatra ambin’ny folo taona taty aoriana, dia nihaona tamin’i Petera sy izy ireo, ary nanana an’ilay Filazantsara iray ihany, nanao batisa tamin’ilay fanao iray ihany, ary nanao an’ilay zavatra iray ihany. Amena. Fantany fa marina izany. Eny, tompoko.

²⁴⁰ Henoy ny Malakia ankehitriny, eto, Malakia 3. Ankehitriny, raha afaka ianareo, dia mamelà ahy hanazava an’izany fotsiny ho anareo. Mino aho...ndao isika hamadika ankehitriny tena moramora ao amin’ny Matio ny toko faha-11, ary hahita raha izaho... Mety manana an’ity diso aho, heveriko fa ananako ilay izy, afaka mijery aho aloha mba hahita an’ilay izy. Matio 11. Ndao jerentsika. Manomboka eo amin’ny:

Ary izao no niseho, rehefa nahavita ny famaranana an’ny fandidiany an’ireo mpianany roa ambin’ny folo Jesosy, dia niala teo izy mba hampianatra sy hitory teny tany an-tanànan’izy ireo.

Ary... Ankehitriny rehefa i Jaona... no nandre fa izy dia... tao an-tranomaizina an’ireo asan’i Kristy, dia... tranomaizina an’ireo asan’i Kristy, dia naniraka ny roa tamin’ireo mpianany izy,

Ary nanao taminy hoe, Ianao ve ilay ho avy, sa hiandry iray hafa isika?

Nanjavona ny masom-boromaherin’i Jaona, tao anatin’ny tranomaizina tany. Hitanareo?

Jesosy namaly azy ka nanao taminy hoe, Mandehana... ambarao amin’i Jaona indray ireo zavatra izay ianareo no... nandre sy nahita:

“Mpaminany iray i Jaona. Ary raha izy no—izy no handre an’izao, an’izay miseho, dia ho fantany hoe Iza Aho.” Hitanareo? Hoy Izy hoe:

Nahazo ny fahitany ny jamba, . . . mandeha ny mandringa, madio ny boka, . . . mandre ny marenina, ary mitsangana ny maty, . . .

“Ary mikambana ve ireo anaram-piagonana rehetra”? Tsy milaza tahaka an’izany ilay izy, sa tsy izany? Tsia. Tsy milaza ilay izy. Izao no nolazainy:

. . . mandeha ny mandringa, madio ny boka, . . . mandre ny marenina, ary mitsangana ny maty, ary ny malahelo dia nanana ny filazantsara voatory tamin’izy ireo.

Io ilay famantarana. Diniho:

Ary rehefa lasa izy ireo . . .

Ary sambatra izy, izay tsy . . . tafintohina ny amiko.

Diniho ankehitriny: “Sambatra izay tsy tafintohina ny Amiko,” amin’ny teny hafa, na, “menatra ny Amiko. Sambatra izay tsy ho menatra ny Amiko.” Hitanareo?

. . . rehefa lasa izy ireo, dia nanomboka nilaza tamin’ireo vahoaka betsaka Jesosy mikasika an’i Jaona hoe, Hijery inona no nivoahanareo nankany an-efitra?

Diniho ity mpaminany ity ankehitriny:

*. . . Hijery inona no nivoahanareo tany an-efitra?
Zozoro nohozongozonin’ny rivotra ve?*

Tsy i Jaona. Oh, tsia. “Janareo taranaky ny bibilava anaty bozaka,” hoy izy tamin’ireo anaram-piagonana ireo, “iza no nampitandrina anareo handositra ny fahatezerana ho avy? Aza manomboka milaza hoe, ‘Izahay dia mikambana amin’ity sy itsy, satria Andriamanitra dia afaka manangana zanaka avy amin’ireto vato ireto.” Oh, rahalahy, tsy zozoro nohozongozonin’ny rivotra izany, miaraka aminy.

. . . Zozoro nohozongozonin’ny rivotra ve?

Sa hijery inona no nivoahanareo? *Lehilahy iray miakanjo fitafiana tsara ve?* (Tsy maintsy manolo ny akanjony indroa na intelo raha eo am-pitoriana izy?) *indro, ireo izay manao fitafiana tsara, akanjo dia ao an-tranon’ireo mpanjaka.*

Izy ireo dia mpitoriteny izay mivoaka ka manoroka zazakely, fantatrareo, ary—ary mampanambady ny tanora, ary—ary mandeha any an-tsekolys ka manao kabary ara-tsaina, ary, fantatrareo, ireo zavatra sarimbavy kely rehetra ireo. Hitanareo? Hitanareo? Tsy mampisavilivily sabatra roa lela izy eto amin’ilay lohalaharana. “Hijery inona no nivoahanareo, zalahy iray tahaka an’izany ve?” Izy dia... Manontany azy ireo Izy.

Fa inona no nivoahanareo... ho jerena? Mpaminany iray ve? (Henoy.) eny, ary lazaiko aminareo, fa mihoatra noho ny mpaminany iray.

Eny, tompoko. Inona izy? “Milaza fa izy dia ‘mihoatra noho ny mpaminany iray?’” Mpaminany iray izy, miampy. Izy no irak’io taona io.

... hijery inona no nivoahanareo? Mpaminany iray ve? eny, lazaiko aminareo, fa mihoatra noho ny mpaminany iray.

Satria izy no, ... izay voasoratra hoe, Indro, izaho maniraka ny irako eo anoloan’ny tavako, ... mba hanamboatra ny lalana eo alohako.

Jereo eto ao amin’ny Malakia 3. “Indro, Izaho maniraka ny Irako eo anoloan’ny Tavako.”

²⁴¹ Diniho. Ankehitriny, Malakia 4, mamelà ahy hamaky an’ity. Ho tonga indray izy.

... indro, avy ny andro, izay handoro tahaka ny fatana; ary ny mpirehareha rehetra, eny, ...

²⁴² Izao andro izao izany. Mandeha eny an-dàlambe aho ary mahita an’ireo olona ireo. Afaka miresaka amin’izy ireo ianareo, fa mihomehy anareo izy ireo, maneso anareo. Mieritriteritra aho hoe, “Inona izany?”

Indray andro, nandeha aho, tany, teo amin’ny ilan’ilay toerana ho an’ny daholobe eto. Niresaka tamin’ny olona sasantsasany aho, ary hoy fotsiny izy ireo hoe, “Oh,” nanohy nandeha.

Nisy zavatra fotsiny nanao tamiko hoe, “Fonon’atomika izy ireo, tsy hoe ela dia ho lavenona hiperitaka eo ambonin’ny tany. Avelao izy ireo hipetraka tsara. Efa niteny ny tao am-ponao ianao. Mivonona ka mivoaha avy eto.” Haleloia! Tsy tokony nilaza an’izany aho, heveriko. “Ataovy vonona ny tenanareo. Fehezo ny valahanareo. Miantso anareo aho.” Izany no antony iandrasako.

Fa, indro, avy ny andro, izay handoro tahaka ny fatana; eny, ny mpirehareha rehetra, ... sy izay manao ratsy rehetra, dia ho tahaka ny vodivary: ...

Izany marina tokoa no hisy. Inona no mitranga rehefa ny lehibe... ny sasany aminareo tantsaha; rehefa mameley ny saham-bary ny afo miredareda iray, rehefa vodivary fotsiny izy? Mametraka azy mahitsy fotsiny izy, miaraka amin’ny lavenona aoriania. Izany ho hataony, rehefa io, rehefa mameley izy.

... ho avy ny andro izay handoro azy ireo, hoy ny TOMPON’ny maro, ka tsy hisy havela izy ireo na ny fakany na ny sampany.

Tsy hisy na inona na inona ho tavela amin’izy ireo.

Fa aminareo izay matahotra ny anarako kosa no hiposahan'ny Masoandron'ny fahamarinana miaraka amin'ny fanasitrana na eo amin'ny elany; . . . hivoaka ianareeo, ary hifalihavanja tahaka ny zanak'omby ao amin'ny efitrefitra. (Ny Arivo taona izany.)

Ary ianareeo hanitsaka ny ratsy fanahy; fa izy ireo dia ho lavenona eo ambanin'ny faladianareo amin'izany andro izany izay Izaho no hanao an'izany, hoy ny TOMPON'ny maro.

Hivoaka, ao amin'ny Arivo taona. “Ireo lavenon’ny ratsy fanahy.”

Tsarovy . . . ny lalàn'i Mosesy mpanompoko, izay nandidiako . . . azy tao Horeba ho an’ny Isirael rehetra, dia ny didy sy fitsarana.

Ankehitriny, henoy tsara ankehitriny.

Indro, izaho haniraka an’i Elia mpaminany ho aminareo alohan’ny fahatongavan’ilay andro lehibe sy mahatahotra an’ny TOMPO:

²⁴³ Ankehitriny, tsy mety ho i Jaona izany. Tsy mety izany, satria ho efa noravàna izao tontolo izao tamin’izany. Fa eto dia nilaza Izy, ao amin’ny Matio 3, fa mandefa iraka iray eo Anoloany Izy. Ary hoy Jesosy hoe, “Izany ilay Elia izay ho avy, mba hanamboatra ny lâlana eo Alohalo.”

“Fa alohan’ny amelezan’io baomba atomika lehibe io, dia haniraka an’i Elia mpaminany ho aminareo Aho.”

Ary izy hamerina ny fon’ireo ray ho amin’ny zanaka, ary ny fon’ireo zanaka ho amin’ny ray, fandrao avy aho ka hamely ny tany amin’ny ozona.

²⁴⁴ Maminany, amin’izao andro izao.

Fa ankehitriny dia hoy ianareo hoe, “Oh, io Elia io, tsy maintsy i Jaona izany.” Ny iraky ny fanekena dia i Jaona, marina tokoa. Tena marina tokoa izany. Jesosy no niteny an’izany, ary nanamarina an’izany eto mihitsy hoe, “Izany ilay anankiray izay Noresahako.” Fa, hitanareo, tsy mety ho ilay Elia izay tsy maintsy ho tonga izany. Hitanareo? Tsy mety izany. Satria, hitanareo, raha izany, amin’izay fotoana izay dia diso ilay faminaniana; tsy noravàna ny tany teo. Hitanareo? “Fa mialohan’ny hahatongavan’io andro lehibe sady mahatahotra an’ny Tompo io, dia haniraka an’i Elia ho aminareo Aho. Ary izy dia hamerina,” diniho ny fahatongavany voalohany, “ny fon’ireo ray ho amin’ny zanaka.” Izany no nataony, voalohany, nitondra ny hafatr’ilay fizaram-potoana vaovao, ny fihavian’i Kristy ankehitriny, misintona an’ireo ray ortodoksa hiala amin’io finoana ortodoksa io, hankao amin’ny finoana vaovao iray izay vao avy teraka.

Avy eo rehefa miverina fanindroany izy, “Ary ny fon’ny zanaka hiverina amin’ireo ray pentekotista, ilay Hafatra tany am-boalohany.”

²⁴⁵ Ankehitriny dia mandehana eto amin’ny Apokalypsy 3, dia ho hitanareo mihitsy eo indray izany. Noho izany, naminaniana izany. Eo amin’ny andro farany isika, ry rahalahiko. Marina izany.

²⁴⁶ Tahaka an’ireo mpaminany efajato nanohitra an’i Mikaia, milaza izy ireo fa isika dia... Ao amin’io andro farany io isika, fantatsika. Mpaminany sandoka, maneho famantarana sandoka, mikambana amin’ireo anaram-piagonana. Hoy izy ireo hoe, “Avia ka mikambàna. Ndao isika hikambana. Avia ianareo ka mikambàna amin’ny fiangonanay. Ento ny maha-mpikambana anareo. Misokatra izahay izao maraina izao mba hamindra ny maha-mpikambana anareo avy amin’itsy fiangonana itsy manketo amin’ity anankiray ity.” Oh, fahadalana. Inona no soa hataon’ny maha-mpikambana anareo aminareo? Raha tsy manana lova any An-danitra ianareo, dia adinoy ny mikasika an’izany. Haneho famantarana sandoka ireo mpaminany sandoka.

²⁴⁷ Fa, jereo, ireo mpaminany marina, hijanona amin’ny Tenin’Andriamanitra izy ireo. Ireo famantarana marina no hamokatra Tenin’Andriamanitra marina amin’ny Fiangonana marina iray, ary ilay Fiangonana marina no handray ny Teny sy hifaly amin’Izany. Rehefa ilay ondry vitsy, izay homena amin’ny andro farany, izay ho sisa nanamborana iray avy amin’ny Jentilisa, izay ho entina.

²⁴⁸ Rehefa tonga Jesosy, dia tsy nisy—tsy nisy afa-tsy tena vitsy no nino tany. Ny vondrona kelin’i Jaona no anankiray izay nino. Avy teo no nitondran’i Jesosy azy ireo, nanao mpianatra avy tamin’izy ireo ary nanohy. Rehefa Elia...

²⁴⁹ Rehefa tonga ny fandravàna, rehefa tonga ny andron’i Noa, dia famantarana iray izy, ary nampiditra ny olona tao anatin’ny sambofiara. Rehefa tonga Elia, dia nisintona ny olona avy tao amin’ny fifanjevoana izay nisy azy ireo izy. Rehefa tonga i Jaona... Ireo mpaminany rehetra ireo dia famantarana, famantarana, ireo famantarana, famantarana.

Ary Izy dia nampanantena antsika famantarana iray amin’ny andro farany. Amin’ny andro farany dia hisy famantarana iray. Famantarana iray notsinontsinoavina izany. Tsy mahita an’izany ny olona. Mandeha eo an-tampon’izany fotsiny izy ireo, ary mamela an’izany handeha. Rahalahy, ranabavy, aza mikambana amin’ny fiangonana. Mamelà ahy hilaza an’izao, eo am-pamaranana ankehitriny.

²⁵⁰ Raha nanana fahatsapana iray an’ny fientanam-po iray fotsiny ianareo, fahatsapana iray, dia aza miankina amin’izany.

Aza manao an'izany. Ho anareo olona. Ianareo dia... Miresaka amin'ny olona aho. Nandre azy ireo nanapiaka an'ireo fandraisam-peo aho ato aoriana ato, vao teo. Miresaka amin'ilay Fiangonana aho ankehitriny. Hitanareo? Henoy. Aza manao.

²⁵¹ Milaza betsaka an'ireo zavatra ireo aho matetika, tahaka an'izany, mba ahafahan'ny olona eto amin'ny firenena, mijanona miaraka amin'Andriamanitra. Andraso ny famantarana marina anareo. Hahita azy ianareo. Ho eo amin'ny manodidina anareo rehetra izy, fa an-tapitrisany no handalo eo aminy mihitsy nefatsy mahita azy.

Rehefa tonga Jesosy, dia tsy nahafantatra Azy izy ireo.

Tsy nahafantatra an'i Elia izy ireo. Fantatrareo ve izay nolazain'izy ireo rehefa niakatra i Elia? Tsy nino an'io fahadalana io izy ireo. Hoy izy ireo hoe, "Fahadalana izany." Ireo zanaka tao amin'io tanàna manokana io mihitsy, izay nipetrahany... nipetrahany, nitoriany teny, nanaovany famantarana sy fahagagana tao amin'io firenena io mihitsy, rehefa tonga ny fanairana iray hoe, "Tsy afaka mahita an'i Elia izahay; ny Tompo no nitondra azy niakatra tao anatin'ny tadio iray," nihomehezan'izy ireo ny zavatra tahaka an'izany.

²⁵² Indro tonga Elia, Elisa, niaraka tamin'ireo famantarana iray ihany teo aminy, tandindona iray an'i Kristy sy Ny Fiangonany. Indro tonga Elia, mitovy; Elisa, ireo famantarana iray ihany izay nananan'i Elia, tonga teo mihitsy, nanao an'izany. Na dia ireo ankizy kelin'izy ireo aza dia nanaraka azy, nanao hoe, "Antitra sola loha, nahoana ianao no tsy niakatra tahaka an'i Elia?" Hitanareo ve izay nitranga tamin'ireo ankizy tsy nanaja?

Androany dia mihomehy sy maneso izy ireo. Aza manahy, rahalahy, mihantona eny amin'ny lanitra ny fitsarana izao ankehitriny izao. Voasoratra eo amin'ny tarehin'ny Amerikana tsirairay izany. Marina izany. Mihantona eny amin'ny lanitra ny fitsarana, ny fahatezerana rehetra an'Andriamanitra Tsitoha.

²⁵³ [Elanelana tsy voaraki-peo—Mpand.] "Tsy tia ny tsara; manana ny endriky ny toe-panahy araka an'Andriamanitra, nefatso mandà ny heriny: ireny koa dia alaviro."

²⁵⁴ Aza maka fihetseham-po iray. Aza maka fientanam-po iray. Aza maka na inona na inona mandrapihaonanareo amin'Andriamanitra, mifanatrika, ary avelao ny Fanahin'Andriamanitra hiditra ao anatinareo. Izy no hameno ny fonareo sy ny fanahinareo amin'ny hery, sy fitiavana, ary firehetana.

²⁵⁵ Andriamanitra, ampio aho mba hahita ny toerako any, any ho any afaka andro vitsy manaraka, hijanona any mandra-pahitako hoe aiza ny hetsiko manaraka.

²⁵⁶ Niandry ela be isika. Niandry ela be aho. Tsaroako aho nikapa ahitra tao ambadiky ny tokotaniko tany. Rehefa nanorina

an'ity trano eto ity aho, dia niantso ahy ny Tompo. Nitomany ny vadiko satria tsy te-handao ny reniny izy. Hoy izy, "Angamba tsy ho voakarakara izy..."

Hoy aho hoe, "Izaho dia manana reny antitra iray, ihany koa."

²⁵⁷ Nipetraka tany aho, indray andro, nikapa an'ireo ahitra. Nipetraka aho. Tena nazava mihitsy, no nahatongavan'ny Feo iray, nanao hoe, "Saraho ny tenanao, amin'izay fotoana izay vao hitahy anao Aho."

Hoy aho hoe, "Tompo Andriamanitra, ataovy sambatra aho eto. Hitanao izay toheriko."

²⁵⁸ Nifarana ireo zavatra rehetra ireo ankehitriny. Neny Broy dia any amin'ny Voninahitra; Neny Branham, ihany koa.

"Aiza no andehanako, Tompo?"

²⁵⁹ Hamely an'ity firenena ity ny fitsarana, indray andro any. Misy firenena hafa izay tsy nandre ny Filazantsara. Misy ireo toerana.

²⁶⁰ Na inona na inona ataonareo, dia aza adino ireo teniko. Aza adino. Aoka hifikitra izao. Haka penina vy iray anie Andriamanitra ka hanao sokitra an'izany ao am-ponareo, mba tsy hanadinoanareo an'izany. Aza adino izany. HOÝ NY TOMPO HOE. Miverena amin'Andriamanitra, amin'ny fonareo rehetra. Miverena. Aza miankina amin'ny fientanam-po, fihetseham-po, na inona na inona. Tadiavo amin'izay rehetra ao anatinareo Andriamanitra, mandra-pitrangan'ny zavatra iray aminareo, ka tianareo ny hanitsy, tianareo ny ho masina, matahotra an'Andriamanitra ianareo, ianareo-te-hiaina marina ianareo. Ataovy izany. Aza adino izany, satria eo amin'ny andro farany isika. Ankehitriny, tsarovy, eo amin'ny andro farany isika.

²⁶¹ Ary tsarovy izao, raha mamarana aho, mba hivavaka, afaka iray minitra. Aza adino. Henoy aho, ry tabernakla. Raha mbola mandeha ity horonam-peo ity, dia henoy aho, ry izao tontolo izao, na izay halehany. Hisy famantarana iray hitsangana, famantarana marina iray. Angamba efa nitsangana izany ary notsinontsinoavina, famantarana marina iray izay nomen'Andriamanitra isan'andro, izay notsinontsinoavina.

Ndao isika hivavaka.

²⁶² Jesosy avy any Nazareta, raha niteny io Feo lehibe io tany tamin'io andro io, herinandro vitsy lasa izay, nitsangana teo amin'ny ilany, raha nitety an'io vatan-kazo io aho, nanodidina an'ilay hazo, ary io Fanahy izay nidina teo amin'ireo tendron-kazo ireo io ka nanao hoe, "Jesosin'ny Testamenta Vaovao no Jehovah-n'ny Taloha." O Andriamanitra, eo amin'io Vatolampy io no itsanganako. Ny tany hafa rehetra dia fasika miletsy. Ny tany hafa rehetra dia fasika miletsy.

²⁶³ Nandritry ny telopolo taona teo, Tompo, no niantsoako mafy, nanerana an'ity lohasaha eto ity. Ity Hafatra ity, tsy nifindra iray inch niala tamin'Izany aho, hatreо amin'izay nanombohako, ilay Hafatra iray ihany foana, ilay zavatra iray ihany; miantsо ny olona hiverina, tsy ho amin'ny fihetseham-po iray, fa ho amin'ny fahatsapana iray hoe nihaona tamin'Andriamanitra ary lasa nateraky Ny Fanahiny. Oh, inona no ho tavela afa-tsy fitsarana iray? Ireo izay nandà an'io Hafatra io, Tompo, dia tsy misy na inona na inona tavela.

²⁶⁴ Tena nanatanteraka Ny Teninao Ianao, mba hanambara an'ireo famantaran'ny andro farany, ary nanoporofo an'izany tsy nisy fahadisoana, fa Ianao no Andriamanitra, ary eto izahay. Na dia mandre an'ireo evanjelista malaza ato amin'ny firenena aza izahay amin'izao andro izao, ny rehetra miantsоantso. Ary tanàn-dehibe ny firenenay, ary ireo firenena hafa dia manondro, ka—ka raiki-tahotra. Ary rehefa mandre an'ireo lehilahy malaza ireo izahay, any Frantsa mihitsy, milaza mialoha fa ny baomba voalohany dia hilatsaka ao Louisville, Kentucky, hamafa an'ilay firenena hatrany amin'ny an-jatony maily izany. O Andriamanitra, nanana anjara iray hihaino izy ireo, saingy tsy nihaino.

²⁶⁵ Ireo gazety, ireo vaovaom-piangonana, ny televiziona, ny radio, dia namoaka an'izany. Tsy misy fialan-tsiny. Avy eo, Tompo, dia hoy Ianao hoe, "Izay rehetra nomen'ny Ray Ahy no hanatona, ary tsy misy olona mahay manatona raha tsy ny Ray no mitarika azy aloha."

²⁶⁶ Ankehitriny, Ray, mivavaka an'izao vavaka izao ho an'ny tenako aho. Inty aho, miha-lasa lehilahy antitra iray ankehitriny, ary tsy fantatro hoe andro firy no tavela ho anay, Tompo. Mety tsy mbola manana izahay androany. Fa na inona na inona tavela, Tompo, sy izay tavela amin'ny fiainako, O Andriamanitra, dia azo atao ve ny hoe Ianao dia afaka maka an'izany ka manao zavatra amin'izany, ho an'ny Voninahitrap?

²⁶⁷ Mivavaka ho an'ny tenako aho aloha, Tompo, mba Hanomezanao ahy ny Sitraponao. Hatao anie ny Sitraponao, Tompo, na mety ho inona izany na ho inona. Tiako izany ho voalaza amin'io andro izay ihaonako Aminao io hoe, "Tsara izany." Raha lehibe ilay izy, na raha kely ilay izy, na inona na inona ao anatin'ny Fonao lehibe ho an'ny fiainako, Tompo, dia inty aho.

²⁶⁸ Maniraha Anjely iray miaraka amin'ny afon'arina ka diovy ny molotray ary amasino izahay, Tompo, ho an'ilay zavatra lehibe farany izay vonona ny hamely ny tany. Aoka izahay ho feo iray miantsоantso any an-efitry ny fahotana hoe, "Miomàna hihona amin'Andriamanitra."

²⁶⁹ Ity fiangonana kely ity, ireto olona izay tonga ireto, isan'andro, ary mamily fiara an-jatony maily, O ry Mandrakizay

sy tia, ary tsy manadino asa iray mihitsy, ilay Andriamanitr'i Abrahama, Isaka, ary Jakoba, Izay nanangana an'i Jesosy tamin'ny maty, ary ankehitriny Izy dia mipetraka eo an-tànana ankavanana'ny Fiandrianana any amin'ny Avo, Andriamanitra izay monina ao anatin'ny nofo, tahio ireto olona izay tsofiko rano amin'Ny Anaranaao ireto. Enga anie izy ireo hahatsiaro isan'andro ka hahafantatra fa misy ny famantarana iray, famantarana iray an'ny farany. Mivavaka aho mba Hanomezanao azy ireo, sy hanaovanao azy ireo ho mpahazo ny hafa: eo amin'ny asany, na aiza na aiza mety misy azy ireo, any amin'ireo zoron-dàlambe, toerana fivarotan-dasantsy, na mety ho aiza na aiza izany, hijoro vavolombelona any amin'ireo toeram-pivarotana enta-madinika, amin'ilay mpivarotra ronono. Na mety ho inona na inona izany, Tompo, raha misy zavatra mampitandrina eo amin'ny fon'izy ireo, dia enga anie izy ireo ho vavolombelona iray. Enga anie izy ireo hiaina fiainana tena masina sy nohamasinina hany izy ireo ka ho epistily voasoratra vakian'ny olona rehetra.

²⁷⁰ Andriamanitra, tahio ireo vehivavinay. O Andriamanitra, mivavaka aho mba Hamelanao azy ireo hanasa ny tarehiny, ireo izay tsy manao, esory ilay...io lokon-tarehin'i Jezebela io hiala amin'izy ireo. Aoka izy ireo hanana fahasahiany'ny Kristiana, ka ny Fanahin'Andriamanitra ho eo amin'izy ireo, betsaka, mba hahafantatra fa tsy tokony hanao an'ireny fitafiana tsy madio izay anaovany ireny izy ireo. Aoka haniry ny volon'izy ireo, tahaka ny ramatoa. Fa izao no voasoratra ao amin'ny Baiboly hoe, "Sarobidy eo imason'ny Tompo io sampana kely izay ho afaka amin'io karazan-javatra rehetra izay hiseho amin'ny andro farany io. Ho be voninahitra eo imason'Andriamanitra izany," araka ny nilazan'ny mpaminany mialoha azy. Andriamanitra, ekeo izany.

²⁷¹ Tsy misy na inona na inona amboniny azoko atao. Efa nihiakiaka tamin'ny feoko aho, nandrity ny taona sy taona, Tompo. Fa raha tsy Ianao no mihetsika ankehitriny, dia tsy misy na inona na inona azoko atao. Mivavaka aho mba, mba Hanekenao. Ary fantatro fa hanaiky Ianao, satria Ianao no nampanantena an'izany ao amin'Ny Teninao. Ary eo no itsanganako. Afaka manome fijoroana vavolombelona iray fotsiny aho, Tompo. Ary tsy misy olona mahay manatona raha tsy Ianao no mitarika azy; ary izay rehetra nomen'ny Ray no hanatona. Manana an'izany antoka izany aho, hoe Ny Teninao no hikarakara. Tahio izahay, Tompo.

²⁷² Ary raha misy eto ireo izay miankina amin'ny fihetseham-po iray, angamba efa nihiakiaka izy ireo, izy ireo, angamba manana ny Fanahy Masina izy ireo, na...Tsy hanisa an'izany izahay, Tompo, satria izahay dia efa nahita olona tany amin'ireo filalaovam-baolina, nihiakiaka. Efa nahita olona tao amin'ireo fampilalaovan'izao tontolo izahay, nihiakiaka. Efa nahita

azy ireo tena faly izahay hany ka niantsoantso izy ireo, teo amin'ny gorodona, nandihy, sy ireo zavatra rehetra ireo. Tsy Ianao izany, Andriamanitra.

²⁷³ Fa ny mihaona Aminao sy ny miresaka Aminao, ary Ianao mamaly, izany no tianay, Tompo. Oh, mivavaka Aminao aho, Andriamanitra, amin'ity tena minitra ity mihitsy, mba Handefasanao an'io Fanahy Masina io ato amin'ny efitra, ity toerana kely, manetry tena ity. Tsy misy toerana mendrika Hahatongavany. Fa mivavaka aho, Andriamanitra, mba, amin'ny Fanaonao manokana, mba Hanirahanao Azy izao ankehitriny izao ato amin'ny efitra. Reseho lahatra ireo fanahy.

²⁷⁴ Araka ny nolazaiko vao teo, Tompo, angamba nametraka vato manafintohina iray Ianao teo amin'ny lâlan'ny olona iray, mikasika an'ireo antso eny amin'ny alitara, miangavy sy mandresy lahatra ny olona hanatona. Nefa rehefa miverina izahay amin'ny taona manaraka, dia hitanay izy ireo indroa zanaky ny helo noho ny naха-izy azy tany amin'ny fanombohana. Ahoana no ahafahan'izy ireo ho avy raha tsy Ianao no mandresy lahatra azy ireo sy manameloka azy ireo, ilay Fanahy Masina lehibe?

²⁷⁵ Ary mivavaka Aminao aho, Tompo Andriamanitra, raha io lehilahy na vehivavy mpanota io, zazalahy na zazavavy, no ato amin'ity tranobe ity izao maraina izao, mba hahatongavan'ny Fanahy Masina miaraka amin'izany herin'ny fandresen-dahatra izany hany ka hikoriana eo amin'ny takolak'izy ireo ny ranomaso ary hilatsaka ao amin'ny fanahin'izy ireo, Tompo, ka hatrany amin'ny halalin'ny fon'izy ireo no hinoany sy hanekeny an'i Kristy. Ekeo izany, Tompo. Tsy hila alitara izy ireo. Ny fanahin'izy ireo no ho alitarany. Ekeo izany, Tompo. Amin'izay fotoana izay dia hanatona Anao amin'ny fo feno izy ireo, ka hanao hoe, "Ankehitriny aho dia te-hatao batisa amin'ny Anaran'i Jesosy Kristy ho an'ny famelàna ny fahotako izay nibebahako." Ekeo izany, Tompo. Fenoy ny Fanahy Masina izy ireo.

²⁷⁶ Omeo evangelista izahay any amin'izao tontolo izao androany, tsy ireo izay mandresy lahatra sy misintona, ary manao zanaka ara-anaram-piagonana. Andriamanitra, manangàna zanaka sasantsasany ho an'ny Tenanao. Ento ny olona, Tompo, mba hivavaka. Mieritreritra ny ankohonan'i Kornelio aho. Tsy nitranga tamin'ny Jentilisa iray mihitsy izany tany aloha, fa nifady hanina sy nivavaka izy ireo. Ary rehefa io lehilahin'Andriamanitra io, io mpaminany io, no nitsangana teo, "Ary raha mbola niteny an'ireo teny ireo izy, dia nilatsaka tamin'ireo izay nandre ny Teny ny Fanahy Masina." Andriamanitra, ekeo io karazana fivoriana iray io. "Raha mbola niteny an'ireo teny ireo i Petera." O Andriamanitra, vonona izy ireo. Nifady hanina izy ireo. Niandry izy ireo. Tso-po izy ireo.

Izy ireo tsy hoe “niandry” fotsiny, izy ireo dia “niandry mandra-paha.”

²⁷⁷ Ireo apostoly ireo dia niandry mandra-pidin’Andriamanitra teo anivon’izy ireo, ary afaka nahita Azy sy niresaka Taminy izy ireo. Nivoaka niaraka tamin’ny fo izay nandrehitra an’izao tontolo izao ho kila izy ireo. Sahy izy ireo, ary nitsangana teo afovoan’ireo toerana izay mety nidika ho azy ireo fa hahatapaka ny lohany manokana. Hoy izy ireo hoe, “Mety ho anay ve ny mihaino anareo, na ny rafsi-pandaminanareo, na ireo lehilahinareo ara-anaram-pianganana? Sa, hihaino an’Andriamanitra izahay? Ianareo no aoka hijery an’izany.” Ary teo no ho eo, vantany vao navela handeha izy ireo, dia nivoaka avy hatrany ka nitory ny Anaran’i Jesosy Kristy indray. O Andriamanitra, omeo anay—omeo anay izany, Tompo.

²⁷⁸ Atsangano io anankiray izay Resahanao ao amin’ny Soratra io, ho anay. Hosory izy, Tompo. Miantso azy aho. Iraho izy, Tompo. O Andriamanitra, miantsoantso ny fonay noana. Iraho izy, Tompo, izay hamerina ny olona ho amin’ny Finoan’ireo ray indray, izay hampanalavitra azy ireo amin’ity saribakoly ara-anaram-pianganana ity, ho ao amin’ny tena fahatsapana iray miaraka amin’Andriamanitra, tahaka ny nataon’izy ireo tamin’ny Pentekosta, tena fiangonana iray indray, mirehitra, miaraka amin’ilay Hafatra iray ihany, ilay Finoana iray ihany, ilay Foto-pampianarana iray ihany, ilay Baiboly iray ihany, ilay Andriamanitra iray ihany miaraka amin’ilay famantarana iray ihany. Manangàna mpaminany iray ho anay, Tompo.

²⁷⁹ Sitrano ny marary eo afovoanay androany, Tompo. Misy ireo izay manana ilaina eto. Mivavaka ho azy ireo aho, Ray. Tena ela aho, naharitra izao maraina izao, ary misy ireo izay mipetraka eto.

Indray alina, raha mbola nitory teny nandritry ny alina manontolo i Paoly, dia nianjera avy teo amin’ny tranobe ny lehilahy tanora iray ka namono ny tenany. Natory izy. Tsy fanahy iniany ny hatory, fa izy—izy dia natory. Ary nianjera izy, ka lasa ny ainy. Dia nivavaka ilay apostoly, ka niverina taminy indray ny aina.

²⁸⁰ O Tompo Andriamanitra, misy maro eto no lavo ao anatin’ny aretina. Ary raha mbola niandry ela nihoatra ny fotoana fampiravàna ny fiangonana izahay, dia misy ireo izay marary. O Andriamanitra, aoka io hery io, io—io Fanahy Masina izay tonga manokana tao anatin’ny Andry Afo iray io, Izay manambara ny Tenany sy mampahafantatra ny Tenany hoe Iza Izzy, ary mino Azy izahay, aoka Izzy hihodina amin’ny olona tsairairay ato androany. Sitrano ny marary. Fenoy ny Fanahy. Omeo fanafahana amin’ny fomba rehetra, Tompo, fa mila an’izany izahay. Ataovy hipoka amin’ny finoana ny fonay, Andriamanitra, amin’ny finoana tsy

mety maty, amin'ny finoana tsy manao marimaritra iraisana mba hanananay ny HOY NY TOMPO HOE. Ekeo izany, Tompo.

²⁸¹ Vahoakanao izany, Ny Hafatrao, Ny Teninao, ireo Mpanomponao. Ary tsy manana fihazonana eo aminay ny devoly. Tsy afaka mandrava anay izy rehefa ravàna ity tabernakely ity. "Fa raha ravàna ity tabernakelin'ny tany ity, dia manana anankiray isika izay efa miandry." Tsy afaka handratra anay izy, satria ny zavatra rehetra izay fahavalonay dia Fahavalonao, satria Anao izahay. Novidiana tamin'ny vidiny iray izahay, an'ny Rà sarobidin'i Jesosy.

Noho izany, ianareo devoly izay namatotra an'ireto olona ireto tamin'ny aretina, dia mandidy anareo aho, amin'ny Anaran'i Jesosy Kristy, hivoaka amin'ny tsirairay avy amin'izy ireo. Amin'ny maha-mpanompon'Andriamanitra iray, manambara an'ity Teny ity ho ny Fahamarinana, dia mialà amin'izy ireo. Tsy manana zò ianareo. Ny zavatra rehetra izay ihamboanareo fa ananana, dia nofoanana teo Kalvary. Ary tsy afaka mihazona azy ireo ela ianareo.

²⁸² Ankehitriny, Andriamanitra, omeo ho an'ny lehilahy sy vehivavy tsirairay, zazalahy na zazavavy ato, ny finoana mba hinoana an'izany. Efa voateny ny Teny. "Raha milaza amin'io tendrombohitra io ianareo hoe, 'Mifindrà,' ka tsy misalasala ao am-ponareo." "Ny vavaky ny finoana no mamony an'ilay marary." "Azonareo izay angatahanareo." Fantattray izany. Manana an'izany fahatokiana izany ao amin'Andriamanitra izahay. Raha manana finoana iray mihitsy izahay, raha velona ao anatinay Andriamanitra, dia mino an'izany izahay. Ary fantattro fa tahaka an'izany ilay izy, Tompo. Noho izany, dia ekeo izany, androany, ho an'ny aretina sy ny famonjena. Na, tsy maintsy nolazaiko, na tokony nolazaiko, dia ny famonjena aloha ary avy eo ny aretina. Ekeo izany, Tompo, satria ny fanahy no misy vidiny noho ny vatana.

²⁸³ Fa ireo izay, matetika, ny fanahiny dia voavonjy, nefà ity vatana antitra ity dia mbola an'i Satana foana, ary fantany fa izy no hitondra an'izany amin'ny andro farany. Izy no hamotika an'izany sy hamerina an'izany hany ka ireo bibikelin'ny tany no handadilady hiditra ao anatin'izany ary hihinana an'izany. Fa tsy hikasika an'io fanahy io mihitsy izy, satria izany no harena sarobidin'Andriamanitra. Ary amin'ny alàlan'io aina io, tahaka ny avy ao amin'ny ravina iray, dia miverina amin'Andriamanitra Izay nanome azy indray izany; hiseho amin'ilay vanim-potoana manaraka, miaraka amin'ny vatana vaovao iray izay tsy azon'i Satana kasihana mihitsy. Na ny fahanterana na zavatra hafa dia tsy afaka hany hikasika azy koa. Ho vatana iray nomem-boninahitra izany. Miandry an'izany izahay, Tompo. Tahio ny Vahoakanao ankehitriny. Anao izy ireo. Ary apetrako eo

an-Tànanao izy ireo. Mangataka an'izany amin'ny Anaran'i Jesosy aho.

[Maminany Rahalahy Neville—Mpand.] Voninahitra . . . Dera . . . [Maminany ny rahalahy iray hafa.]

²⁸⁴ Tsy teniko izany. Ny Teniny izany. Oh, ny ilaintsika, amin'ity ora ity—ity ora izay iainantsika ity! Tsy azonareo ve, ry sakaza, fa tsy tonga any amin'ireo malaza lehibe Andriamanitra? Monina eo anivon'ilay manetry tena Izzy, ireo zavatra kely, manetry tena. Mety tsy mahafantatra an'izay miseho izao ankehitriny izao ianareo, izay mihetsika eo anivon'ity tranobe ity, izay mihetsika eo anivon'ity vahoaka ity izao ankehitriny izao.

²⁸⁵ Nahoana ny Fanahy no nilaza, aloha be hoe, “Alohan’ny anaovako an’ireo zavatra ireo,” tamin’ny alàlan-dRahalahy Higginbotham? “Tandremo ity Hafatra ity, satria Izaho no nitondra Azy,” zavatra iray hafa tahaka an’izany, “mba hampitandrina anareo ny amin’io zavatra izay ho avy io.” Jereo izay nitranga.

²⁸⁶ Ireo zavatra sasantsasany, ireo Soratra izay nosoratako eto, tsy nokasihako akory aza, ary niala tamin’Izy ireo mihitsy. Voatariky ny Fanahy Masina aho teo. Hitanareo? Ny sasany amin’ireo Soratra, dia tsy nokasihako akory mihitsy aza. Niala nankany amin’ny zavatra iray hafa fotsiny aho, ny rehetra. Matetitetika, dia mandre zavatra tonga aho, mitodika ka mahita hoe taiza ilay izy. Miteny amin’ny lèlana tsirairay ny Fanahy ankehitriny.

²⁸⁷ Oh, ry vahoaka, aoka hahitsy fo, aoka ho tso-po. Aza miezaka miankina eo . . . Hitanareo, ianareo dia—miandry zavatra malaza sy mamiratra ianareo.

Fa, ireo mpaminany rehetra, na dia i Davida aza dia nanao hoe, “Amin’ny Fihavian’ny Tompo, hoe, ny tendrombohitra rehetra dia haetry, ary ireo—ary ireo toerana iva dia hasandratra.” Hoy izy, “Hitsambikina tahaka ny ondrilahy ireo tendrombohitra, ary hitehaka ny tènany ireo ravina rehetra.” Eny, inona no noeritreretin’ny olona fa hisy, rehefa ny . . . tonga Jesosy?

Nivadika ho inona ilay izy? Mpitory teny antitra iray manetry tena, tsy nanana fianarana. Tamin’ny fahasivy taonany, dia nandeha nankany an-efitra izy, tsy mba ho voahofan’olona, fa mba ho—ho voahofan’Andriamanitra. Nivoaka, ary nitsangana niaraka tamin’ny tapaka hoditr’ondry nirakotra nanodidina azy, niaraka tamin’ny volo nanerana ny tarehiny rehetra, feno volo manerana ny rehetra, ary ny volony nihantona teo amin’ny tendany. Nivelona tany an-efitra, tamin’ny valala, izany hoe ireo tsingetana, valala dia sy tantely, rehefa nipetraka tany an-efitra izy. Ary tonga, nitsangana tao anaty fotaka teo amin’ireo morona, ka nanambara ny fihavian’ny

Mesia. Ary nandeha avy hatrany ny Mesia, Lehilahy tsotra iray teo anivon'ny olona, ary natao batisa. Ary ireo mpaminany rehetra dia nanambara an'izany ho iray amin'ireo zavatra lehibe indrindra izay hany nitranga, ary izany ilay izy. Hitanareeo?

²⁸⁸ Niandry zavatra lehibe izy ireo, zavatra mamiratra, mba hiseho. Hitanareeo? Tsy mamiratra ny Fanahy Masina. Manjelatra Izzy. Mamiratra dia avy amin'izao tontolo izao. Manjelatra dia avy amin'Andriamanitra.

Manjelara eo amiko, Tompo, izany no fivavako. Ampanetreo tena ambany aho. Raiso aho, lasiro aho ary amboary. Ry Fanahin'Andriamanitra velona, mihetseha indray eo amiko. Lasiro aho, amboary aho. Amboary aho ho Anao Manokana, Tompo. Raiso fotsiny aho.

²⁸⁹ Fantatro tsara mihitsy fa mihetsika manerana an'ity tranobe eto ity ny Fanahin'i Kristy izao maraina izao. Ilay Andriamanitra izay hitsara an'izao tontolo izao dia eto mihitsy ankehitriny, azo antoka mihitsy tahaka ahy mitsangana eto amin'ity polipitra ity. Efa nisy fanamarinana iray, roa, telo an'izany, an'ny Teny, izay nolazain'ny Baiboly marina mihitsy. Nandre an'izany nangina ve ianareo tamin'io fotoana io, taorian'izany? Iray, roa, telo, ny zavatra rehetra dia ao amin'ny lamina ara-panahy, ny zavatra rehetra dia ao amin'ny lamina ara-tSoratra. Oh, sokafy ny fonareo ka aoka hahazo. Oh, fotoana iray toy ny inona, inona no mety hitranga amin'ity fotoana ity!

²⁹⁰ Tao amin'ny efitra ambony iray izy ireo, ny rehetra iray saina, niandry. "Fa ireo izay miandry ny Tompo dia hanavao ny heriny. Elatra no hiakarany tahaka ny voromahery."

²⁹¹ Aza manatona eo fotsiny ka manao hoe, "Tompo, miala tsiny aho ny amin'ireo fahotako. Ankehitriny dia manaiky amin'ny finoana aho fa manana ny Fanahy Masina," dia miala lavitra.

"Ireo izay miandry ny Tompo," ireo herinandro, ireo andro, na inona na inona ilay izy, "dia hanavao ny heriny. Elatra no hiakaran'izy ireo tahaka ny voromahery. Hihazakazaka izy ireo fa tsy ho reraka. Raha handeha izy ireo, dia tsy ho sasatra. Ampianaro aho, Tompo, ampianaro aho, Tompo, mba hiandry." Miandrasa ny Tompo.

²⁹² Andro aman'alina, tsy ankitsahatra, no tao an-tempoly i Ana, nivavaka tsy ankitsahatra, andro aman'alina. Rehefa nentin'izy ireo niditra Jesosy, dia niditra izy, jamba, nanerana an'ilay tranobe, nandroso. Vehivavy jamba iray no nametraka ny tànany teo Aminy ary nisaotra an'Andriamanitra. Satria, tao amin'ny fahajambany ara-batana, tao amin'ny fanahiny, dia nahetsiky ny Fanahy izy, nankeo amin'izay Nitsanganany.

²⁹³ Teo, Simeona, niandry Azy, tao amin'ilay efitra fivavahana tao ambadika tao, nahafantatra fa nahazo teny fikasana iray izy, tamin'ny alàlan'ny Fanahy Masina, fa tsy ho faty izy; lehilahy

antitra iray, valopolo, saiky sivifolo taona. Ary izy dia...niteny tamin'ny olona niharihary hoe, "Tsy hahita fahafatesana aho mandra-pahitako ny Mesia." Ary tamin'io minitra iray io ihany, Zaza kely antitra iray...

Inona Izy? Tsy malaza iray, niaraka tamin'ireo mpiambina nanao jery atrika rehefa nampiditra ny Mesia izy ireo, voarakotra tena mamy sy mahafinaritra, ary tsara tarehy sy voaisy hanitra, ary manitra tahaka an'ireo zazakely izay manatona mba hatolotra. Fa reny kely iray izay efa nitenenana ratsy, nanao hoe, "Nahazo Zazakely iray izy, tany ivelan'ny voadim-panambadiana masina." Voarakotra tao anatin'ny tapatapa-damba, zioga, lamban-jioga no narakotra manodidina Azy, nandeha nanerana an'ilay tranobe, ka ny olona rehetra dia nihazona ny elanelany niala Taminy.

Fa indro tonga io andiany kely io, io vondrona kely io. Ana, no anankiray. Simeona, ilay iray hafa, nandeha nanerana an'ilay laharana, tsy nahafantatra rehefa nanopy ny masonry teo amin'Izany izy. Ary nanangana ny tànany ka nanao hoe, "Tompo, aoka ny Mpanomponao handeha amin'ny fiadanana ankehitriny, araka Ny Teninao, fa ny masoko dia mahita ny Famonjenao." Ham. Hitanareo? Tsy misy na inona na inona lehibe, mamiratra. Manjelatra iray; ary na dia notenenina ratsy aza ilay izy, dia famantarana iray izany.

²⁹⁴ Ary, amin'izao andro izao, dia itenenana ratsy ilay famantarana. Tsy manana fiaraha-miasa izany. Izany—Izany... Izany dia itenenana ratsy, ary antsoina amin'ny zavatra rehetra. Fa famantarana iray izay notsinontsinoavina izany, famantarana iray izay itenenan-dratsy. Miresaka ny amin'izany ny Baiboly hoe, "Famantarana iray, itenenan-dratsy."

²⁹⁵ Ndao isika hahatsiaro an'izany raha mandeha mankany amin'ny tranontsika isika. Aza avela ho faty ao am-ponareo ity Hafatra ity. Na inona na inona ataoareo, dia aza manao an'izany. Saintsaino Ity, andro aman'alina. Ary mivavaha, andro aman'alina, mba hananganan'Andriamanitra ny Vavolombelony ankehitriny. Vonona isika, satria mino aho, fa tsy ho ela, dia tsy hisy andro intsony. Tonga isika.

²⁹⁶ "Ahoana, rahoviana no hisy izany, Rahalahy Branham?" Tsy fantattro. Angamba androany. Mety ho rahampitso izany. Fa raha tsy androany izany, dia hiandry an'izany aho rahampitso. Ary mety ho amin'ity taona ity izany, amin'ny taona manaraka, amin'ny folo taona. Telopolo taona angamba, tsy fantattro hoe rahoviana no hisy izany. Fa milaza aho, manomboka izao, aoka ho vonona amin'ny minitra tsirairay.

²⁹⁷ Ary aza mandray zavatra am-pahatsorana fotsiny. Aza manao an'izany. Aza mitsahatra, andro aman'alina, mandrapiresakareo amin'Andriamanitra. Tehirizo ho afaka amin'ny fanatismy ny tenanareo. Aza mikorontana ao amin'ny

fientanam-po. Aza manao an'izany. Izany no mitondra karazan-javatra ara-pototra betsaka ka manao ny olona hatahotra an'izany, hitanareo, dia nohon'ny fanatisma ara-pototra. Aza manaiky an'izany; tsia mihitsy. Mijanòna tsara eo mandrapiresakareo amin'Andriamanitra. Sady izao koa, ilay izy dia ny fanahinareo, ary ianareo no ilay anankiray izay handany ny Mandrakizay any. Ary aoka hahazo antoka fa tsy mandray tåñana fotsiny ianareo ary manao tsianjery fanekem-pinoana iray, na—na manaiky zavatra iray amin'ny finoana. Aza manao an'izany. Miresaha amin'Andriamanitra. Avelao Andriamanitra hiresaka aminareo, dia diniho izay mitranga aminareo. Diniho ireo fanirianareo sy izay mitranga, amin'izay fotoana izay dia ho fantatrareo raha niresaka tamin'Andriamanitra ianareo na tsia.

²⁹⁸ Ho anareo izay nino Azy izao maraina izao. Ho anareo, ary izaho—nilaza mikasika an'ireo antso eny amin'ny alitara aho. Fantatrareo ve hoe ahoana no nanaovan'izy ireo an'izany ao amin'ny Baiboly? “Izay nino ny Tompo, izay nino ny Tompo dia natao batisa tamin’ny Anaran’i Jesosy Kristy ho an’ny famelàna ny fahotan’izy ireo.” Ianareo raha tsy mbola mihitsy... Tsy nanana antso eny amin'ny alitara mihitsy isika. Tsy nanao ny olona hanatona mihitsy izy ireo. Rehefa manao an'izany ianareo, dia mahazo ny zavatra rehetra. Teto nisy zalahy iray nanatona ny alitara, toy ny miavonavona, ary nandohalika, satria nisy olona iray niezaka ny hitondra azy. Ianareo—ianareo—manao an'izany ho sarotra avo roa heny ianareo mba hitondrana azy indray. Hitanareo? Ary inona no ataonareo? Mahazo ny zavatra rehetra ianareo ao anatin'izany. Fa hoy Jesosy hoe, “Izay rehetra nomen’ny Ray Ahy no hanatona Ahy.” Mijanòna amin’ity Teny ity. Andriamanitra no hanao ny sisa amin'izany. Marina izany. Marina izany. Andriamanitra no hanao ny sisa amin'izany.

²⁹⁹ Andriamanitra hitahy anareo. Manantena ny hahita anareo indray aho rahariva, manantena, ny tsirairay avy aminareo izay afaka. Fantatro fa maro aminareo no tsy maintsy hivoaka, handeha. Ho eto aho, rahariva, hihaino ny rahalahiko, raha izany no sitrapon'Andriamanitra. Tsy te-haka an'ireo hafany roa aho.

³⁰⁰ Ary—ary Rahalahy Neville dia lehilahin'Andriamanitra mora fanahy. Ary fantattro, fantattro hoe iza... Rehefa mandre azy mitory teny aho, dia fantattro fa mivantana avy ao ampony izany. Fantattro izany. Ary Rahalahy Neville, araka ny nolazainy indray hariva, ilay filazana, dia nilaza fa nanao fanamarohana iray aho hoe, “Indray andro any dia hanao batisa azy amin’ny Anaran’i Jesosy aho.” Nanao aho. Nahoana? Nahita ny fahatsoram-po sy fahitsim-po tao aminy aho. Fantattro fa raha izy... raha mba afaka nomena azy, ary hitako fa izy... ary izy—afaka hahita an’Izany marina tokoa izy, ho nisokatra ireo masonry, handray an’Izany izy. Niandry aho, ary niteny tamin’ny fiangonana hoe, “Aza manahy, ho tonga tsara mihitsy io mpitory teny Metodista io.” Ary indro izy androany, pasitera iray an’ny

tabernakla, mafy mihitsy ao amin'ny asa arak'izay maha-izy azy, ao amin'ny Hafatra. Mino an'Andriamanitra izy. Ary fantatro, rehefa mandre zavatra iray avy amin-dRahalahy Neville aho, dia fantatro fa tena izy izany, avy amin'Andriamanitra, satria izy izany karazan-dehilahy izany.

³⁰¹ Nametraka ny tànako teo ambonin'ireo mosaranareo eto aho izay efa nivavahana. Matoky, fa ny tsirairay avy aminareo dia nandray fitahiana avy tamin'Andriamanitra. Matoky fa ao amponareo Andriamanitra.

³⁰² Isika tsy—tsy tonga eto isika mba—mba hahazo fitahiana avy amin'Andriamanitra, betsaka, raha tonga eto isika. Isan'andro isaky ny misintona fofon'aina iray isika, dia mahazo fitahiana avy amin'Andriamanitra. Ny ahatongavantsika eto mba hatao, dia fanitsiana iray, mba hanapaka, mba hamora ny fontsika, sy mba hijoro eo anatrehan'Andriamanitra, ary mba hino an'Andriamanitra amin'ny fontsika rehetra.

³⁰³ Tsarovy ny Tenin'ny Tompo. Ary aza adino, ary aza manao tsirambina, mandinika famantarana marina iray nirahin'Andriamanitra.

Ary noho izany dia haveriko amin-dRahalahy Neville ny fotoana, aoka izy hilaza an'izay iriany ho lazaina.

[Miala amin'ny polipitra Rahalahy Branham, ka hoy Rahalahy Neville hoe, "Izaho tokoa, oadray, ho teneniko aminareo, efa fantatro fa Andriamanitra dia nanamarina an'izay nantenaintsika tamin'ny fiandohan'ny fotoana. Raha nijectory an'ity hamaroan'endrika ity aho, izao maraina izao, dia fantatro fa tsara ny nahatongavanareo teto. Ary tsara ny nahatongavako teto. Ary natao ho eto aho, ary natao ho eto ianareo. Tanteraka tsara mihitsy ny asanareo raha nihevitra ianareo fa toy izany ilay izy. Izay azonareo izao maraina izao, dia mety azonareo satria nandray an'izany avy tamin'Andriamanitra ianareo. Ary banana ny fotoan'ny batisa avy hatrany isika, manaraka an'izao. Ary Rahalahy Willard Collins no hiandraikitra ny fotoan'ny batisa, ary manana kandidà roa na mihoatra isika. Ary ho tiantsika ny hahita kandidà zato ho an'ny batisa amin'ny Anaran'i Jesosy Kristy, izao maraina izao."—Mpand.] Amena! ["Manapaha hevitra hampiseho ny finoanareo ao amin'ny fanao miharihary. Tsy asa mihitsy ny finoana. Ny finoana, tenenina, dia tsy tsara. Fa ny finoana, voaseho, dia ny baikon'ny Baiboly."] Amena! Marina izany. ["Amin'ny alàlan'ny fankatoavana, no ahafahan'ny finoana ho voaseho. Enga anie Andriamanitra hanaiky ho an'ny tsirairay, izao maraina izao, izay eto, izay mahatsapa ho vonona hanao tahaka an'izany, enga anie ianareo ho avy. Raha izao no... Raha mivoaka kely amin'ny lamin'izay efa nokasainareeo izao, na angamba nanana fifamotoana iray hatao avy hatrany ianareo, na zavatra iray, raha afaka hanemotra an'izany

ianareo, ka hanatanteraka hatramin'ny farany an'ity hetsiky ny fankatoavana ity; mino aho amin'ny maha-rahalahinareo manetry tena ao amin'i Kristy, sy amin'ny maha-mpiara-miasa miaraka amin'ny mpaminanin'Andriamanitra, dia mino aho fa izany—izany no ho safidinareo tsara indrindra, handray an'izany fanapahan-kevitra izany ankehitriny.”] Andriamanitra anie hanaiky an'izany . . . ? . . . [“Ary hanaiky mba hahatongavanareo, ka handray ny toeranareo eo anivon’ireo hafa izay hatao batisa, mba ahafahanareo ho ao anatin’ity isa ity, hanao an’ilay ondry vitsy. Oh, mahafinaritra izany, sa tsy izany, ny ho isan’ny Azy, ary araka Ny Teniny? Hiara-hitsangana isika rehetra, raha vonona ny hirava isika. Amin’ny Alahady heriny, dia hiverina hiaraka amintsika indray Rahalahy Branham. Aoka ho tsaroantsika ilay filazana. Nilaza izy fa ho tonga eto izy rahariva, saingy tsy nilaza izy fa hitory teny. Na ahoana na ahoana, ny faniriako dia, isan’andro, hoe hitory teny izy. Ary tsy mila matahotra mikasika an’izay hitsanganako eo amin’izany izy. Ny faniriako dia tena izany tokoa, mahafantatra fa ny Hafatra sy ny—ny antso, ny asa izay ananany, dia ilaina lehibe iray an’ity andro farany ity. Omeko ny toerana, amin’ny fotoana rehetra. Hilaza an’izao eo amin’ny fanatrehan’ny olona sy izy aho. Izaho dia, manome ny toerana am-pifaliana, amin’ny fotoana rehetra, ao amin’ny favoriana rehetra, ho an’ity Hafatra lehibe izay inoako ity. Satria, niresaka tamin’ny alàlanay roa Andriamanitra, izao maraina izao, mampahafantatra an’ilay famantaran’izany. Ary faly aho ny manana ny tombontsoa amin’ny fahafahana ho ny anankiray mihitsy izay afaka manome ny toerana ho azy. Ary izaho dia, rahariva, fa ho faly aho ny hanome, raha ny rahalahintsika, ary mpanompo sy mpaminanin'Andriamanitra, no tena vonona ny hanao an'izany, tena hanome azy ny toerana am-pifaliana tokoa aho. Amin’ny teniny fotsiny ihany, na inona na inona tsapany. Fa, efa niteny izy, ary hametraka ny fehin’ilay zavatra manontolo eo antanàn’Andriamanitra Tsitoha fotsiny isika.” Miverina eo amin’ny polipitra Rahalahy Branham—Mpand.]

³⁰⁴ Tsy afaka mangataka zavatra iray mamy kokoa ianareo, sa tsy izany, avy amin’ny tena rahalahy iray? Izany no antony izay izaho . . . Hitanareo, ry sakaiza, izaho—fantatro fa tia ahy ianareo. Tianareo Rahalahy Neville. Tianareo ny vahoakan'Andriamanitra rehetra. Mifankatia isika. Raha nisy fotoana iray izay mbola tokony hifankatiavantsika, dia androany. Tokony ho tena hiara-hifanakaiky isika, rahalahy, ka isika fotsiny . . . Ho mohoatra noho ny tena mpirahalahy sy mpirahavavy mpifato-drà isika. Izany ilay fitiavana izay tokony hisy ao am-pontsika ho an’ny anankiray hafa, fankatoavana sy fanajana, ilay ambony indrindra. Ary tiako izany. Tiako izany tena zavatra izany.

³⁰⁵ Ary eto, Rahalahy Neville, sy Rahalahy Higginbotham,

Rahalahy... Mino aho fa Rahalahy Funk, toa tsy tahaka azy akory aza ilay izy, izay nanome an'ilay hafatra iry aoriania iry. Izany dia tonga... avy tamin'Andriamanitra izy ireo, ireo hafatra ireo, ry sakaiza, tena izany tokoa izy ireo. Ny olona rehetra izay manana famantarana ara-panahy dia mahafantatra an'izany.

³⁰⁶ Fa ity ilay izy. Teo am-pahatongavana, izaho—tiako be Rahalahy Neville hany aho ka nieritreritra an'izao, hitanareo. Izaho—tsy tiako ny milaza na inona na inona raha tsy manana zavatra iray marina tokoa avy amin'Andriamanitra aho mba ho tenenina aminareo. Hitanareo? Ary izaho dia nanana an'ity—an'ity tonga tato am-poko, teo amin'ny roa na telo andro lasa izay, ary tsy afaka njery azy betsaka aho raha tsy omaly hariva, njery Soratra vitsivitsy. Izany no antony ahatongavako hanolotra azy. Miala amin'ny tānako izany ankehitriny. Hitanareo? Izay hanaovanareo azy, izany dia miankina, izany dia hiankina, aminareo, hitanareo. Fa miala amin'ny tānako izany.

³⁰⁷ Fa, izaho sy Rahalahy Neville, dia tahaka an'izany fotsiny izahay. Raha tonga eto aho, mba fotsiny—mba hiresaka indray mandeha fotsiny, ary zavatra tahaka an'izany, ka nanana hafatra iray avy tamin'Andriamanitra Rahalahy Neville, dia hipetraka avy hatrany aho. Eny, tokoa. Hanome ny toerana ho an'ilay hafatra avy amin'Andriamanitra aho, isan'andro. Hitanareo? Tahaka an'izany no samy ataonay. Ary izany no antony ilazako fa izaho dia... Raha—raha tsy manome ahy na inona na inona Andriamanitra, amin'izay fotoana izay, angamba, dia miresaka fotsiny, ary raha manome zavatra iray ho an-dRahalahy Neville Andriamanitra, ka eto amin'ny polipitra mihitsy aho, ny Alahady maraina, Alahady hariva, na oviana na oviana ilay izy, Rahalahy Neville fotsiny dia ho, tena ho rahalahy iray tahaka an'izany izy, hanatona ahy izy, hanao hoe, "Rahalahy Branham, mino anao ho mpanompon'Andriamanitra aho, saingy vao avy nanome ahy hafatra iray ny Tompo." Hanao an'izany ianao, sa tsy izany? [Hoy Rahalahy Neville hoe, "Amena."—Mpand.] Eny, tompoko.

³⁰⁸ Hanao tahaka an'izany aminy aho, raha hiresaka izy. Hilaza aho hoe, "Rahalahy Neville, hamela ahy ve ianao? Nanome ahy hafatra iray Andriamanitra. Tsy maintsy ho lazaiko amin'ny olona izany, izao ankehitriny izao." Ary izy, Rahalahy Neville, dia hiala amin'ilay lālana avy hatrany; ny iray aminay, ho an'ilay iray hafa. Hitanareo? Tahaka an'izany no ataonay. Ary amin'izay fotoana izay izahay raha, raha tsy manana zavatra anankiray mihitsy aho, amin'izay fotoana izay aho...

³⁰⁹ Tiako fotsiny ny mandre azy mitory teny. Efa nandre azy aho. Firy no efa nandre azy, tamin'ny Alahady hariva lasa? Tena

hafatra iray mahafinaritra, teneniko aminareo. Nifamatotra mihitsy izany, tamin'izay voalaza tamin'ny maraina.

Ary, ry vahoaka, teneniko aminareo, efa nahazo Tenin'Andriamanitra betsaka ianareo ka tokony hanana antoka tokoa ny hiaina mahitsy sy ho marina ianareo.

Andriamanitra hitahy anao ankehitriny, Rahalahy Neville.



FAMANTARANA MARINA IRAY IZAY NOTSINONTSINOAVINA MAG61-1112
(A True Sign That's Overlooked)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 12 Novambra, 1961, tao amin'ny Branham Tabernacle ao Jeffersonville, Indiana, U.S.A., dia nalaина avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org